

RAZ.

III



BIBLIOTECA NAZ.

Vittorio Emanuele III

XLII

A

59

NAPOLI

XLII

a

59

X41 a 59



LEMNISEVS


HISTORIARVM,

Narrationum, Fabula-

rum, ex Cicerone, Aulo Gellio,

& aliis probatis auctoribus

collectus.



HARDERVICI.


Typis EGBERTI ARNOLDI

Anno 1645.



N O B I L I E T

H O N E S T O Iuveni, H E N -
N I N G O M A S S O V I O
S, P, D.

bellum hunc ad te mitto,
M A S S O V I nobilissime,
testem amoris erga te mei,
& singularis de virtutibus
tuis iudicii pignus. Historiæ quædam sunt
& Narratiunculæ, ex variis auctoribus col-
lectæ, & in eam formam aptatæ, ut com-
modè circumferri possint; quæ non tan-
tum Latine linguæ usum, copiam & vari-
etatem (ideo diverso quædam charactere
sive stilo expressæ) commonstrant; sed
& omnium virtutum perfectissima exem-
pla & præcepta saluberrima suppeditant;
quibus

quibus & oratio & vita excolatur, & conformetur, Ejus lectionem quemadmodum utilem fore polliceri ausim, ita prescriptionem nominis tui non ingrati tibi futuram spero, imò confido. Habet tu quidem, præter multos alios, avunculum, singularem prudentiam, eruditionem & sapientiam virum, D. *RAMELIVM* (quem honoris causa nomino) serenissimæ Daniæ regis Cancellarium, cujus te vel solius exemplum & ad virtutis & litterarum cultum toto animo com plectendū & cum rei militaris studio conjungendum excitare possit, sed & hanc nostram veluti acclamationem & cohortationem pondus aliquod apud te habituram existimavi. Vale, Nobilissime *MASSOVIVS* meque quod facis, amantem tui amantem Delphis;

Historiam facile est legere, ac pernoscere le-
ctam,

Scribere at Historiam, non itidem faci-
le.

Qui mihi non credit, faciat licet ipse peri-
clum,

Mox fuerit studiis æquior ille meis,

Index Rerum atque Verborum.

A.		cilis	119
A ccius & Pacuvius	96	Antiochus exercitum	
Adrumetū obfessa	110	Annibali ostentat	76
Æschines	23. 108	Anus quædam	200
Aglaus Sophidius	196	Antius Restio	202.
Alces, & earum descri- ptio	2. 3	Aratus Sicyonius	15
Alcibiades	98	Arcades duo	18
Alexāder magnus	109	Arcefilaus	109
Gordium nodum sol- vit	132	Archelaus Perdicæ filius	12
U rbem Oxydracarū		Archimedis studium	
magno cum vitæ pe- riculo oppugnat	142	Æmors	192
Philippo Medico fi- dit	133.	Ario cytharædus	84
Xenocrati argentum mittit	37	Aristagoras	105
A micorum ficulnum		Aristippus	108
auxilium	73	Artemisia	87
Anaxagoras	11	Asclepiades cæcus	29
Androclus	77	Asinius Pollio Tima- genem recipit	122
Annibalexta spernit	19	Aspasia	33
Phormionem ridet	22	Astapa urbs	165
Cum Scipione collo- quitur	170	Athenodorus	40
Ejus mors	171	Athletas imitari de- bēt homines	97
Antigonus mitis ac fa-		Athenienses	5.
		Attilius Regulus à Pœnis cruciatus	95
		Ejus constantia	15
		Augu. Cæsar	56. 121
		Rufa	

INDEX

Ruso ignoscit	111	Carneades	192
servam Vcdii Pollio-		Cassita apologus	72. 73
nis servat	123	Cato	122
Aurum Tholosanū	76	Caupo hospitem in-	
B.		terficit	17
Babylenis descriptio		Ceres Ennensis	29
	138 139	Cerva Sertorij	99
Bias Prienensis	202	Characteris mus osten-	
Bucephalus equus A-		tateri	31
lexandri	93	Ciborum optima con-	
C.		dimenta	28
C. Caligula crudeli-		Cleopatra	57
tas	127. 128	Cn. Pisonis rigiditas	
C. Mutius Scaevola			114. 115
	156	Comensis fons	39
Cambyses Proxaspis		Contrebia à Q. Metel-	
filio cor sagitta con-		lo strategemate ca-	
figit	116	pta	193
Ejus expeditio in		Convivia quæ juncun-	
Macrobios ibidem		da	29
Canis fidelis	129. 130	Cornelius Patavinus	
Caninus Iulus	127		63
Cannius	4	Cornelius Sacerdos	
Camillus ludimagistrū		pugnæ eventum	
proditorem ad Fale-		prædicat	98
rios remittit.	159	Corvus loquens	57
Capitolii obsidio quo		Corvinus unde dictus	
stratagēate soluta	194		81
Caprotina nona	56	Critolaus	81

Gra-

INDEX.

Craſſi filius 94
Crotoniata 12
Curiaſi tergemini 48
Curius aurum ſamni-
tium repudias. 11
Curtius Rufus. 40
Cydnus amnis Mediæ
133
Cyrſilus lapidibus ot-
rutus. 5
Cyrus cum Gynde flu-
vio bellum gerit 118
119
Cyrius minor arbores
ſevis 23, 24

D.

Damocles 35
Damon & Pythias 8
Darius aquam jucun-
diſſimè bibit 28
Delphinus Hipponen-
ſis 44
Demetrius Poliorcetes
101
Demochares Parrheſi-
ſtes 121
Democratus Abderi-
tes 92
Demosthenes 10, 12,

12,
argentum accipit ut
ſileat 81
ancillæ circumventæ
ſuccurrūt 25
Ejus in pronuncian-
do viſ & ſuavitas 23
Deum intelligere diſ-
ficile 66
Diogenes Cynicus 8
8, 72
Dionyſius 19, 28, 35,
ex tyranno ludima-
giſter 197
Ejus vita & mores.
26, 27,

Disciplina militaris
apud Romanos 164
Divitiæ humanae fra-
giles 197, 198
Divitias quo modo ac-
quiſiverit Thales 7
Duillius Annibalem
prælio navali vincit
194

E.

Elephanti ludiones 181
182
Eorum mira ſagaci-

I N D E X.

Prudentia 183.
 184. 185. 186.

Ennius 10

Epaminondas 9

Evander 154. 155

F.

Fabius Maximus 21

Fabricius Pyrrhum de
insidiis monet 9-1

Felix quis 11. 36

Femina Romana 35

Fons in agro Comensi
 39

Fortuna instabilis 64

Fortunata Insula 58

G.

Galli Capitolium ob-
sidere 194

Gordius nodus 132

Græcorum Mos 63

Gyges 174. 175

Ejus annulus 37. 38

Gymnosophistæ 35

Gymdes amnis 119

H.

Harpagus 116

Hercules Cæcum in-

terficio 154

Hercynia sylva 2

Histicus 105

Honestum utili præ-
ferendum 6

Horatii Tergemini
 148

Horti pensiles 140

Hospes ingratus 112

I.

Imperatorū Rō. conse-
cratio 187. 188. 189

Inimici repente recō-
ciliati 82

Iracūdia solers ad fin-
gendas causas furo-
ris 115

Ira signa 91

L.

Lacæna 9

Lacedæmonij 89

Lacæna quidam 1. 9

Lacō mortis contem-
ptor 25

Lacus Vadimonis 43

Largius Macedo à ser-
vis occisus 38

A 4 Len-

I N D E X.

Lentulus Catoni faci-
em conspuit 122
Leo beneficii memor
 77
Leonide ad milites
suos dictum 25
Liberalitatis quis mo-
duſ Gratio 108. 109
Libertus Plinii 42
Litteræ occultæ 103
Lysandri cum Cyro
colloquium 23. 24
Lysimachus crudelis
 117
Theodoro Cyrano
crucē minatur 25. 29

M.

Macrobi 117
Māliana imperia 162
 163
Marſi 102
Mauſoleum 87
Memoria admirabilis
exemplum 178
Menander 103
Mendici quomodo
tractandi 66
Menenſis Agrippa ſa-

bula 151
M. leſia virgines 86
Mileſis Demotheſis
linguam auro com-
peſcunt 81. 82
Milo Crotoniata 83
 201
Mithridates 105
Molinus Venetus 181
 12
Mulieres excluſæ con-
viviis 63
 . N.
Nafamones 102
Nafica 9
Ninus à Semiramide
interfectus 62

O.

Omnia mea mecum
porto -I. 202
Oſtentatoris deſcri-
ptio 31
Oxydracorum urbas ab
Alexandro oppugna-
ta 142. 143

P.

Papirius prætextatus
 70
 . A 5 . Perſi-

INDEX.

<i>Perfidia à Romanis</i>	<i>Plinii secundi mors</i>
<i>punita</i> 15	47
<i>Persarum lex</i> 65	<i>Plutarchus</i> 90
<i>Philemo</i> 103	<i>Polemo</i> 199
<i>Philemon risu emori-</i>	<i>Polycrates</i> 198
<i>tur</i> 191	<i>Polydamas athleta</i> 191
<i>Philippus. Macedo</i>	<i>Porsena Scævolam di-</i>
<i>hospitem ingratum</i>	<i>mittit</i> 158
<i>punit</i> 112. 113.	<i>Potitii</i> 155
<i>contumeliarum. pa-</i>	<i>Proditor</i> 158
<i>tiens</i> 120. 121.	<i>Proserpina raptus</i> 30
<i>Philippus medicus A-</i>	<i>Protagoras quomodo</i>
<i>lexandri</i> 133	<i>factus Philosophus</i>
<i>Philosophi quare in-</i>	39
<i>terdū metu conster-</i>	<i>Proxaspes Cambysem</i>
<i>nantur</i> 180	<i>admonet</i> 116
<i>Philotis ancilla</i> 55	<i>Psylli</i> 102
<i>Phormio ab Annibale</i>	<i>Ptolomæus</i> 28
<i>irrisus</i> 22	<i>Aratum Sycionium</i>
<i>Pietatis erga parentes</i>	<i>pecunia iuvat</i> 16.
<i>exemplum</i> 161.	<i>P. Crassus Mucianus</i>
204	67
<i>Pinarrii</i> 155	<i>Puerorum victus &</i>
<i>Pindari mors</i> 192	<i>somnus</i> 106
<i>Placabilitas Scipionis</i>	<i>Pugna tergeminorum</i>
<i>& gracchi Lepidi &</i>	148
<i>Flalacci</i> 82	<i>Pythagoras</i> 25
<i>Pumtonicum conviv-</i>	<i>Pythagoricus quidam</i>
<i>29</i>	113
	<i>Pytha-</i>

INDEX.

Pythagorici mortuos vivere credebant 114	Seneſtuti honos ha- bendus 2
Pythius 4	Sertorius 99
Pythias & Damon 8	Sertorius Luſitanos à conſlictu quomodo deterruerit 196
Q.	Servi duo: ſervus Pau- li 110
Q. Metellus 193	Servus domino fidelis 54
R.	Sibyllini libri 69
Reſtio Proſcriptus 55	Simonides 20. 66
Rhodiis ad Demetriū legatos mittūe 101	Socrates 12
Romani 194	ambulando obſona- bat famem 28
Rufus 111	ejus continentia 37
Romulus 106	patientia & tempe- rantia 71
S.	Solon. 67
Sacrilegium Sophocli ſomnio detectum 6	Somnus immodicus noxius 106
Scævola unde dictus 158	Sophocles 6
Scipio Africanus 95	Spectrum Athenis 41
Scipionis continentia 169	Syracuse à Mareſſo expugnate 192
Scopas 20. 21	T
Scyrale Lacedæmoni- orum 95	Theleſphorus Rhodius à Lyſimacho excarni- ficatus 117
Sejanus equus 74	Thales
Senatus Romanus 91	
Semiramis qua ratio - ne regnū adeptæ 62	
Senecæ memoria 178	

INDEX.

Thales Milesius	7	Vadimonis lacus	43
Themistocles	6. 10. 15	Valerius Corvinus	80
Theodorus Cyræus			173
quid Lyfimacho re-		Valetudinis conservā-	
sponderit	25. 29	da optima ratio	64
Theophrasti querela		Vedias Polio	123
de vitæ brevitare	67	Vejorum urbs expu-	
Theopompus	64	gnata	151
Theramines venenū		Vesuvii montis incen-	
bibit	24	dium	49
Thrax quidam	87	Vidua Ephesina	123
Tibis cani quare de-		Vita hominum mer-	
situm	98	catui similis	29
Timagenes Histori-		Multi periculis ob-	
cus	121	noxia	97
Timochares Pyrrhi		Urbini proscriptus à	
medicus	91	servo servatur	54
Timotheus	29	Vri, & eorum de scri-	
T. Manlius Torqua-		prio	3
tus	174		X
T. Manlius T. F. à		Xanthippe Socratis	68
patre capite multa-		Xenocrates	37
tur	162. 163. 164.	una oratione Pole-	
T. Pomponius Atti-		monem ad frugem	
cus	8	perducit	199. 200
T. Manlii pietas	160		Z
Tyrannius	190	Zeuxis Eracleotes	12
Tyrannicida	115	Zoberis annis Hyr-	
		cania	141

V

FINIS.



Pag: 1

LEMNISC I H I

STORIARVM, NARRATI-

onum, Fabularum, &c. ex Ci-

cerone & aliis auctoribus

collecti,

LIBER PRIMVS.

Bia.

Bias, cum patriâ ejus Pri-
enem hostis cepisset, ce-
terique ita fugerent, ut
multa de suis rebus secû
asportarent, cum esset
admonitus à quodam,
ut idem ipse faceret; E-
go verò, inquit, facio: nam omnia mea
mecum porto. Ille hæc ludibria fortunæ,
ne sua quidem putavit, quæ nos etiam
appellamus bona.

Lacon.

Memoriæ proditum est, cum Athenis
ludis quidam in theatrum grandis na-

IN YE-

2 L E M N I S C I H I S T O R I.

tu venisset, magno confessu, locum ei nusquam datum à suis civibus: cum autem ad Lacedæmonios accessisset, qui legati cum essent, certo in loco confederant, consurrexisse omnes, & senem sessum recepisse: quibus cum à cuncto confessu plausus esset multiplex datus, dixisse ex his quendam: Athenienses scire quæ recta essent, sed facere nolle.

Hercynia sylvæ.

IN Hercynia sylvæ multa genera ferarum nasci constat, quæ reliquis in locis non videntur. Est bos cervi figura: cuius à media fronte inter aures unum cornu existit excelsius, magisque directum his, quæ nobis nota sunt, cornibus; ab ejus summo sicut palmæ, rami quàm latè diffunduntur. Eadem est feminae marisque natura, eadē forma magnitudoque cornuum.

Sunt item quæ appellantur Alces. Harum est consimilis capris figura, & varietas pelium, sed magnitudine paulò antecedunt; mutilæque sunt cornibus, & crura sine articulis nodisque habent, neque quietis causa procumbunt, neque, si quo afflictæ casu conciderunt, erigere sese, aut sublevare possunt. His sunt arbores pro cubilibus: ad eas se applicant, atque ita, paulum modò

modò reclinatæ, quietem capiunt: quarû ex vestigiis cum est animadversum à venatoribus, quò se recipere consueverint, omnes eo loco, aut à radicibus subruunt, aut accidunt arbores tantùm, ut summa species earum stantium relinquatur. Huc cum se ex consuetudine reclinaverint, infirmas arbores pondere affligunt, atque unà ipsæ concidunt.

Tertium est genus eorum, qui Vri appellantur. ii sunt magnitudine paulò infra Elephantès; specie & colore & figura tauri; magna vis est eorum & magna velocitas, neque homini, neque feræ, quam conspexerint, parcent. Hos studiosè foveis captos interficiunt. Hoc se labore durant adolèscèntes, atque hoc genere venationis exercent, & qui plurimos ex his interfecerunt, relatis in publicû cornibus, quæ sunt testimonio, magnam ferunt laudem. Sed assuescere ad homines, & mansuescere, ne parvuli quidè excepti possunt. Amplitudo cornuum & figura & species multum à nostrorum bouum cornibus differt. Hæc studiosè conquisita ab labris argento circumcludunt, atque in amplissimis cupulis pro poculis utuntur.

Cannius Pythius.

Cannius eques Rom. homo nec infacetus & satis litteratus, cum se Syracusas otin-
 andi causa, non negotiandi, ut ipse dicere
 solebat, contulisset, dictitabat se hortulos
 aliquos velle emere. quò invitare amicos,
 & ubi se oblectare sine interpellatoribus
 posset. Quod cum percrebuisse, Pythius
 ei quidam, qui argentariam faceret Syra-
 culis, dixit, venales se quidem hortos non
 habere, sed licere, uti Cannio, si vellet, ut
 suis; & simul ad cœnam invitavit in poste-
 rum diem. Cum ille promississet, tum Py-
 thius, ut argentarius, qui esset apud omnes
 homines graciosus piscatores ad se convo-
 cavit, & ab iis petivit, ut ante suos hortu-
 los postera die piscarentur, dixitque quid
 eos facere vellet. Ad cœnam tempori venit
 Cannius, opipare paratū erat convivium,
 cymbarū ante hortulos multitudo, pro se
 quisq; quod ceperat, afferebat ante pedes
 Pythii pisces abiciebantur. Tum Cannius,
 quæso quid est, ô Pythi! tantumne pisciū?
 tantumne cybarum? & ille. Quid mirum?
 inquit: hoc loco est Syraculis quidquid
 est piscium: Hic aquatio: hac villa isti
 carere non possunt. Incensus Cannius cu-
 piditate, contendit à Pythio ut venderet
 gravatē

gravatè ille primò, quid multa? impetrat: emit homo cupidus, & locuples tanti, quāti Pythius voluit, & emit instructos: nomina facit: negotium conficit. invitat Cannius postera die familiares suos: venit ipse maturè: scalmum nullum videt: quærit ex proximo vicino, num feriæ quædam piscatorum essent, quòd eos nullos videret. Nullæ, quod sciam, inquit ille, sed hic piscari nulli solent: itaque heri mirabar, quid accidisset. Stomachari Cannius. sed quid faceret? nondum enim lex prolata de dolo malo.

Atbenienses.

AThenienses cum Persarum impetum nullo modo possent sustinere, statuerentque ut urbe relicta, conjugibus & liberis Trœcene depositis, naves conscenderent, libertatemque Græciæ classe defenderent. Cyrsilum quendam suadentem, ut in urbe manerent, Xerxemque reciperent, lapidibus obruerunt.

Athenienses.

THemistocles post victoriam ejus belli, quod cum Persis fuit, dixit in concione, se habere consilium Reip. salutare, sed id sciri opus non esse, postulavit, ut aliquem

liquem populus daret, quicum communicaret, datus est Aristides. Huic ille, classem Lacedæmoniorum, quæ subducta esset, clam intendi posse: quo facto, frangi Lacedæmoniorum opes necesse esset. Quod Aristides cum audivisset, in concionem magna expectatione venit, dixitque perutile esse consilium, quod Themistocles afferret, sed minime honestum. Itaque Athenienses, quod honestum non esset, id ne utile quidem putarunt, totamque eam rem, quam ne audiverant quidem, auctore Aristide repudiaverunt.

Sophocles.

Sophocles, cum ex æde Herculis patera aurea gravis surrepta esset, vidit in somnis ipsum Herculem dicentem, qui id fecisset. Quod semel ille iterumque neglexit. Vbi idem sæpius: ascendit in Areopagum, detulit rem. Areopagitarum comprehendi iubent eum, qui à Sophocle erat nominatus, is quæstione adhibita confessus est, pateramque retulit.

Thales Milesius.

Thales Milesius, ut objurgatores suos convinceret, ostenderetque etiam Philosopho-

losophum, si ei commodum esset, pecuniam facere posse, omnem oleam, antequam florere cepisset, in agro Milesio coëmissee dicitur. Animadverterat quadam scientia, olearum ubertatem fore.

Idem paulo fusius.

THales Milesius, cum à propinquis objurgaretur, quod omne tempus in sapientiæ studio poneret, quod ad faciendam pecuniam, in qua illi posita putabant omnia, nulli usui esset: Vultis, inquit, ostendam vobis, posse hominem huic studio deditum divitem fieri, & hanc esse, si quis velit, ad quæstum ac compendium vel maxime compendiariam viam; Cum illi se velle dixissent, Homo qui ex astrorum scientia magnam eo anno olearum ubertatem præviderat fore, multò ante, exiguo pretio, cum contra licitaretur nemo, omnia Chiorum ac Milesiorum præla ac trapeta conduxit: quæ cum postea suo tempore, quanti voluit elocasset, magnamque ex eo vim pecuniæ collegisset, ostendit Philosophos non tam rem facere non posse, quàm majoribus ac præstantibus cogitationibus occupatos, de eâ faciendâ non laborare.

T. Pomponius Atticus.

GLoriatus est Atticus in funere matris suæ, se nunquam cum matre in gratiam rediisse, nunquam cum sorore fuisse in similitudine, quā propè ætate æqualē habebat. Quod est signum aut nullam unquā inter eos querimoniam, intercessisse, aut hunc ea in suos fuisse indulgentia, ut quos amare deberet irasci eis nefas duceret.

Diogenes Cynicus.

Diogenes projici se jussit inhumatum: tū amici; Volucrisne & feris; Minime vero, inquit, sed bacillum prope me, quo abigam, ponitote. Quī poteris? illi; non enim senties. Quid igitur mihi ferarum laniatus oberit nihil sentienti?

Damon & Pythias.

Damonem & Pythiam Pythagoreos ferunt hoc animo inter se fuisse, ut cum eorum alteri Dionysius tyrannus diem necis destinasset, & is, qui morti addictus esset, paucos sibi dies commendandorum suorum causa postulavisset, vas factus sit alter ejus sistendi, ut si ille non revertisset ad diem, moriendum esset sibi ipsi qui cum ad diem se recepisset, admiratus eorum fidem tyrannus, petivit, ut se in amicitiam tertium asseriberent.

Epami-

Epaminondas

Epaminondas Thebanorum dux cum vicisset Lacedæmonios apud Mantineam, simulque ipse gravi vulnere exanimari videret se ut primum despexit, quæsit saluusne esset clypeus. Cum saluum esse flentes sui respondissent, rogavit essentne fusi hostes. cumque id quoque ut cupiebat audivisset evelli iussit eam, qua transfixus hastam. Ita multo sanguine profuso in lætitia & victoria mortuus est.

Lacon.

Spartana gens fuit fortis dum Lycurgi leges vigeant: è quibus unus, cum Persa in colloquio dixisset glorians, Solem præjaculorum multitudine & sagittarum non videbitis: In umbra igitur, inquit, pugnabimus.

Lacæna.

Lacæna cum filium in prælium misisset & interfectum audisset: Idcirco, inquit, genueram, ut esset qui pro patria, mortem non dubitaret occumbere.

Nasica.

Nasica cum ad Ennium venisset eique ab ostio quærenti Ennium ancilla dixisset,

xisset, domi non esse: Nafica sensit illam Domini iussu dixisse, & illum intus esse. Paucis post diebus cum ad Nasicam venisset Ennius, & cum à janua quæreret, exclamat Nafica, se domi non esse. tum Ennius, Quid? Ego non agnosco, inquit, vocem tuam: Hic Nafica, homo es impudēs. Ego cum te quærerem, ancillæ tuę credidi te domi non esse; tu mihi non credis ipsi.

Themistocles.

A Pud Græcos fertur incredibili quadam magnitudine consilii atque ingenii Atheniensis ille fuisse Themistocles: ad quem quidam doctus homo atque in primis eruditus accessisse dicitur, ei que artem memoriæ, quæ tum primum proferbatur, pollicitum esse se traditurum: cū ille quæxisset, quidnam illa ars efficere posset, dixisse illum doctorem, ut omnia meminisset: & ei Themistoclem respondisse, gratius sibi illum facturum, si se obivisci quæ vellet, quam si meminisse docuisset.

Demosthenes.

IN Atheniensi Demosthene tantum studium fuisse, tantusque labor dicitur, ut primum impedimenta naturæ diligentia industriaque superavit; cumque ita balbus esset, ut ejus ipsius artis, cui funderet, primā literam

literam non posset dicere, perfecit meditando, ut nemo planius eo locutus putaretur. Deinde cum spiritus ejus esset angustior, tantum continenda anima in dicendo, est consecutus, ut una continuati one verborum (id quod ejus scripta declarant) binæ ei contentiones vocis & remissiones continerentur: Quin etiam (ut memoriz proditum est) conjectis in os calculis, summa voce versus multos uno spiritu pronunciare consuecebat; neque id confistens in loco, sed inambulans, atque ascensu ingrediens arduo.

Socrates.

SOcrates cum rogaretur, cujatem se esse diceret; Mundanū, inquit. Totius enim se mundi incolam & civem arbitrabatur.

Curio.

Curio ad focum sedenti magnum auri pondus Samnites cum attulissent, repudiati sunt: non enim aurum habere præclarum sibi videri dixit, sed iis qui haberent aurum imperare.

Anaxagoras.

ANaxagoras cum Lampfaci moreretur, quærentibus amicis, velletne Clazomenas in patriam, si quid accedisset, referri

ferri. Nihil necesse est, inquit : undique & nim ad inferos tantumdem est viæ.

Idem.

ANaxagoras nuntiata morte filii dixit : Sciebam me genuisse mortalem.

Demosthenes.

Demosthenes se dolere aiebat, si quando opificū atq; lucana victus esset industria,

Socrates.

SOcrates. cum esset ex eo quæsitum, Archelaum Perdicæ filium, qui tum fortunatissimus habebatur, nonne beatum putaret? Haud scio, inquit: nunquam enim cum eo locutus sum. An tu aliter id scire non potes? Nullo modo. Tunc de Persarum quidem Rege magno potes dicere, beatusne sit? An ego possum, cum ego ignorem quam sit doctus, quam sit bonus? Quid? tu in eo sitam vitam beatam putas? Ita prorsus existimo : bonos beatos, improbos miseros. Miser ergo Archelaus? certè, si injustus

Zeuxis.

CRotoniæ quondam, cum florent omnibus copiis, & in Italia cum in primis beati numerarentur, templum
Iunonis,

Iunonis, quod religiosissimè colebāt, egregijs picturis locupletare voluerunt. Itaque Eracleotem Zeuxim, qui tū longè ceteris excellere pictoribus existimabatur, magno pretio conductum adhibuerunt. Is & ceteras complures tabulas pinxit, quarum nonnulla pars usque ad nostram memoriam propter fanī religionem remansit, & ut excellentē muliebris formæ pulchritudinem muta in sese imago contineret, Helenæ se pingere simulacrū velle dixit. Quod Crotoniatæ qui cum in muliebri corpore pingendo plurimū alijs præstare sæpe accepissent, libenter audierunt. Putaverunt enim eū si quo in genere plurimum posset in eo magnopere elaborasset, egregium sibi opus illo in sano relicturum. Neque tum eos illa opinio fefellit; nam Zeuxis illicò quæsiuit ab his quasnam virgines formosas haberent, Illi autem statim hominem deduxerunt in palæstram, atque ei pueros ostenderunt multos, magna præditos dignitate. Etenim quodam tempore Crotoniatæ multo omnibus corporum viribus & dignitatibus antesteterunt, atque honestissimas ex gymnico certamine victorias domum cum maxima laude retulerunt. Cum puerorum igitur formas, & corpora magno.

hic opere miraretur, Horum, inquit illi, sorores sunt aquod nos virgines, quare qua sintilæ dignitate potes ex his suspicari. Præbere igitur mihi quæso, inquit, ex istis verginibus formosissimas, dum pingo id quod pollicitus sū vobis ut mutu in simulacrum ex animali exemplo veritas transferatur; Tunc Crotoniatæ publico de consilio virgines unum in locum conduxerunt, & pictori quas vellet, eligendi potestatem dederunt. Ille autem quinque delegit, quarum nomina multi Poetæ memoriæ tradiderunt, quo ejus judicio essent probatæ, qui verissimum pulchritudinis habere judicium debuisset. Neque enim putavit omnia quæ quæreret ad venustatē, uno in corpore se repetire posse: ideo quod nihil simplici in genere omni ex parte perfectum natura expolivit, Itaque tanquam ceteris non sit habitura quod largiatur, si uni cuncta concesserit, aliud alij commodi aliquo adjuncto incommodo muneratur.

Attilius Regulus.

PRIMO Punico bello Regulus captus à Pænis, cum de captivis commutandis Romam missus esset, jurassetque se redditurum primum ut venit, captivos reddendos

dos in Senatu non censuit. deinde cum retineretur à propinquis & amicis ad supplicium redire maluit, quàm fidem datam hosti fallere. Secundo autem Punico bello post Cannensè pugnam, quos decem Annibal Romam attrictos misit jurejurando, se redituros esse, si de redimendis ijs qui capti erant impetrassent eos omnes Censores, quo ad quisque eorum vixit qui pejerassent, in ærarijs reliquerunt, nec minus illum, qui juris jurandi fraude culpam invenerat. Cum enim Annibalis permissu exisset è castris, rediit paulò pòst, quòd se oblitum nescio quid diceret, deinde egressus è castris, jurejurando se solutum putabat & erat verbis, te non erat. Semper enim infide nō quid dixeris, sed quid sentis cogitandum.

Themistocles.

Themistocles, cum confuleretur, utrum bono viro pauperi, an minùs probato diviti collocaret filiam; Ego verò, inquit, malo virum, qui pecunia egeat, quàm pecuniam, quæ viro.

Aratus Sycionius.

Aratus Sycionius, cum ejus civitas quinquaginta annos à tyrannis teneretur

profectus Argis Sycionem clandestino introitu urbe est potitus cumque tyrannum Nicoclé improvise oppressisset, sexcentos exules, qui fuerant ejus civitatis locupletissimi, restituit, Remque pub. suo adventu liberavit. Sed cum magnam animadverteret in bonis & possessionibus difficultatē, quod & eos, quos ipse restituerat, quorū bona alij possederāt, egere iniquissimū arbitrabatur, & quinquaginta annorum possessiones movere, non nimis æquum putabat, propterea quod tam longo spacio multa hereditatib. multa emtionibus detinebantur sine injuria, judicavit, neque illis adimi, neque his non satis fieri quorum illa fuerant, oportere. Cum igitur statuisset opus esse ad eam rē constituendam pecunia, Alexandria se proficisci velle dixit, remque integram ad reditum suum iussit esse, isque celeriter ad Ptolomæum suum hospitem venit, qui tum regnabat alter post Alexandriam conditam; qui cum exposuisset, patriam se liberare velle, causamque docuisset, à Rege opulento vir summus facile impetravit, ut grandi pecunia adjuvaretur: quam cum in Sycionem attulisset, adhibuit sibi in consilium quindecim principes, cum quibus causas cognovit, & eorum quæ aliena tenebant & e-

orum

orum qui sua amiserant: perfecitque aestimandis possessionibus, ut persuaderet alijs, uti pecuniam accipere mallent, & possessionibus cederent alijs, ut commodius putarent numerari sibi quod tanti esset, quàm suum recuperare. Ita perfectum est ut omnes constitutâ concordia sine querelâ discederent.

Duo quidam.

IN itinere quidâ proficiscentem ad mercatum quemdam & secum aliquantum nummorum ferentem est comitatus, cum hoc, ut ferè fit, in via sermonem contulit, ex quo factum est, ut illud iter familiarius facere vellent Quare cum in quandam tabernam divertissent, simul cenam, & in eodem loco somnû capere voluerunt cenati discubuerunt ibidem. Caupo autem (nam ita dicitur post inventum, in alio maleficio deprehensus esset) cum illum alterum, videlicet qui nummos haberet, animadvertisset, noctu postquam illos arctius, ut fit, jam ex lassitudine dormire sensit, accessit, & alterius eorum, qui sine nummis erat, gladium prope appositum è vagina eduxit, & illum alterum occidit, nummos abstulit, gladium cruentum in vaginam recondidit, ipse sese in lectum

suum recipit. Ille autem, cujus gladio occisio erat facta, multo ante lucem surrexit, comitem illum suum inclamavit semel & sæpius, illum somno impeditum non respondere existimavit, ipse gladium & cetera, quæ secum attulerat sustulit, solus profectus est. Caupo non multo post conclamavit hominem esse occisum, & cum quibusdam diversoribus illum qui ante exierat consequitur, in itinere hominem comprehendit, gladium ejus è vagina educit, repetit cruentum, homo in urbem ab illis deducitur, ac reus fit.

Diogenes Cynicus

Diogenes Cynicus Alexandro roganti ut diceret, siquid sibi opus esset; Nunc quidem paululum, inquit, à sole ut absis offecerat videlicet apricanti.

Arcades duo.

CUm duo quidam Arcades familiares inter unà facerent, & Megaram venissent, alter ad cauponem divertit, ad hospitem alter; qui ut cenati quiescebant, concubia nocte visus est in somnis ei qui erat in hospitio, ille alter orare ut subveniret quod sibi à caupone interitus pararetur. is primò perterritus somnio surrexit; deinde cum

cum se collegisset, idque visum pro nihilo habendum esse duxisset, recubuit tum ei dormienti idem ille visus est rogare, ut quoniã sibi vivo non subvenisset mortem suam ne inultam pateretur, se interfectum in plaustrum à caupone esse coniectũ, & supra stercus injectum, petere ut mane ad portam adsit priusquam plaustrum ex oppido exeat. Hoc verò somnio ille commotus mane bubulco præstò ad portam fuit, quærit ex eo quid sit plastro. Ille perterritus fugit, mortuus erutus est, caupo re patefacta poenas dedit.

Hannibal.

REX Prusias, cum Hannibali apud eum exsulanti pugnare placeret, negabat se audere quod exta prohiberent, An tu, inquit, carunculæ vitulinæ mavis, quàm imperatori veteri credere?

Dionysius.

DIONYSIUS, cùm in fanum venisset Iovis Olympij, aureum ei detraxit amiculũ grandi pondere, quo Iovem ornarat ex manubijs Carthaginensiu tyrannus Gelo, atque in eo etiam cavillatus est, ætate grave esse aureum amiculum, hyeme frigidum, eique laneum iniecit pallium,

cum id esse aptum ad omne anni tempus diceret. Idemque Æsculapio barbam auream demiussit, neque enim convenire, barbatum esse filium, cum in omnibus fanis pater imberbis esset. Iam mensas ergenteas de omnibus delubris iussit auferri; in quibus quod more veteris Græciæ inscriptum esset B O N O R U M D E O R U M, ut se eorum bonitate velle dicebat Idem victoriolas aureas & pateras coronasque, quæ simulacrorum porrectis manibus sustinebantur, sine dubitatione tollebat, eaque se accipere, nō auferre dicebat. Esse enim stultitiam à quibus bona precaremur, ab ijs porrigentibus, & dantibus nolle sumere. Eundemque ferunt hæc, quæ dixi, sublata de fanis in forum protulisse, & per præconem vendidisse, exactaq; pecunia edixisse, ut quod quisque è sacris haberet, id ante diem certam in suum quodque fanum referret. Ita ad impietatem in Deos, in homines adiunxit injuriam.

Simonides.

Dicunt cum cenerat in Thessalia Simonides apud Scopam, fortunatum hominem & nobilem, cecinissetque in carmen quod in eum scripsisset, in quo mul-

ta

ta ornandi causa Poëtarum more in Castorem & Pollucem scripta fuissent, nimis illum sordidè Simonidi dixisse, se dimidium ejus ei quod pactus eiset, pro illo earmine daturum, reliquū à socijs Tyn-darilis, quod æquè laudasset peteret, si ei videretur. Paulo post esse ferunt nuntiatum Simonidi, ut prodiret, juvenes stare ante januam duos quosdam, qui eum magnopere evocarent, surrexisse illum ipsum, prodisse, vidisse neminem: Hoc interim specio conclave illud in quo epularetur Scopas, concidisse quos cum humare vellent sui, neque possent obtritatos internoscere ullo modo, Simonides dicitur ex eo, quod meminisset, quo eorum loco quisque cubuisset de monstrator utriusque cuiusque sepeliendi fuisse.

Fabius Maximus.

CVM Tarento amisso arcem tamen Salinator retinuisset, multaq; ex ea prælia præclara fecisset, cū aliquot post annos Maximus id oppidum recipisset, rogaretque eum Salinator, ut meminisset opera sua se Tarentum recipisse; Quidni, inquit, meminerim? nunquam ego recepissem nisi tu perdidisses,

Hannibal.

CUM Hannibal Carthagine expulsus Ephesum ad Antiochum venisset, exsul proque eo quod ejus nomē erat magna apud omnes gloria, invitatus esset ab hospitibus suis, ut Peripateticum Phormionem, si vellet, audiret: cumque is se non nolle dixisset, locutus esse dicitur homo copiosus aliquod horas de imperatoris officio, & de omni re militari. Tum cum ceteri, qui illum audierant, vehementer essent delectati, querebant ab Hannibale, quidnam ille ipse de isto Philosopho judicaret: Hic Pœnus non optime Græcè, sed tamen liberè respondisse fertur. Multos se diliros senes sæpè vidisse, sed qui magis quam Phormio deliraret, vidisse neminem. Neque, mehercule, injuria. quid enim aut arrogantius aut loquacius fieri potuit, quam Hannibali, qui tot annos de imperio cum populo Romano omnium gentium victore certasset. Græcum hominem, qui nunquam hostē, nunquam castra vidisset nunquam denique minimam partem ullius publici muneris attigisset. præcepta de re militari dare?

Æschines.

ÆSchines cum propter ignominiam iudicij cecidisset Athenis & se Rhodum contulisset, rogatus à Rhodijs legisse fertur orationem illam egregiam quam in Ctesiphonem contra Demosthenem dixerat, qua perlecta petatum est ab eo postmodum, ut legeret illam etiam, quæ erat contra à Demosthene pro Ctesiphone edita quam cum suavissima voce & maxima legisset, admirantibus omnibus, Quanto, inquit, magis admiraremini, si audissetis ipsum. Ex quo significavit, quantum ei set in actione, qui orationem eandem aliam esse putaret, actore mutato.

Cyrus minor.

CVM ad Cyrum minorem Persarum regem, præstantem ingenio atque imperij gloria, Lyfander Lacedæmonius vir summe virtutis, venisset Sardis, eique dona à locijs attulisset & ceteris in rebus comis erga Lyfandrum atque humanus rex fuit, & ei quendam consecutum agrum diligenter consutum ostendit; Cum autem admiraretur Lyfander & proceritates arborum, & directos in quincuncem ordines, & humum subactam, atque puram, & suavitatem

rem odorum, qui afflarentur è floribus tum dixit : Mitari se non modo diligentiam, sed etiam solertiam ejus, à quo essent illa dimensa, atque de scripta. Et Cyrus respondit : Atqui ego ista sum omnia dimensus, mei sunt ordines, mea descriptio, multæ etiam istarum arborum mea manu sunt sata. Tum Lysander intuens ejus purpuram, & nitorem corporis, ornamentumque persicum multo auro multisque gemmis, dixit : Rectè verò, Cyrus, te beatum ferunt, quoniam virtuti tuæ fortuna conjuncta est.

Theramenes.

THeramenes conjectus in carcerem triginta jussu tyrannorum venenum ut sitiens obduxit reliquum sic è Poculo eiecit, ut id resonaret. Quo sonitu reddito, ridens propino, inquit, hoc pulchro Critiæ qui in eum fuerat teterrimus Græci enim in convivij solent nominare, cui poculū tradituri sint. Lufit vir egregius extremo spiritu, cum jam præcordijs conceptā mortem contineret, verèque ei cui venenum præhibebat mortem est eam auguratus, quæ brevi consecuta est.

Lacon.

LAcedæmonius quidam, cujus nomen non est proditum, tantopere contempsit ut, cum ad eam duceretur damnatus ab Ephoris, & esset vultu hilari atque læto, dixissetque ei quidam inimicus, contemnisme leges Lucurgi? respondit. Ego verò illi maximam gratiam habeo, qui me ea pœna multaverit, quam sine mutatione & sine Versura possem dissolvere.

Leonidas.

DVx Leonidas animans suos milites. Pergite animo forti, inquit, Lacedæmonij: Hodie apud inferos fortasse cenabimus.

Theodorus Cyrenæus.

THeodoro Cyrenæo cum Lyfimachus Rex crucem minaretur, istis quæso, inquit. ista horribilia minitare purpuratis tuis: Theodori quidam nihil interest humile, an sublime putrescat,

Pythagoras.

PYthagoras dixit, Similem sibi videri vitam hominum, & mercatum eum, qui haberetur maximo ludorum apparatu totius Græciæ celebritate. Nam ut illic alij corpo-

corporibus exercitatis Gloriam nobilitatem coronæ peterent, alij emendi, aut vendendi quæstu & lucro ducerentur, esset autem quoddam genus eorum, idque vel maximè ingenuum, qui nec plausum, nec lucrum quærerent, sed visendi causa venirent, studiosèque perspicerent, quid ageretur & quomodo: item nos quasi in mercatus quadam celebritate ex urbe aliqua, sic in hanc vitam ex alia vita & natura profectos, alios gloriæ servire, alios pecuniæ, raros esse quosdam, qui ceteris omnibus pro nihilo habitis, rerum naturam studiose intuerentur, hos se appellare sapientiæ studiosos, id est Philosophos, & ut illic liberalissimum esset spectare, nihil sibi acquirentem, sic in vita longe omnibus studiis contemplationem rerum cognitionemque præstare.

Dionysius Tyrannus.

Dionysius Tyrannus cum esset bonis parentibus atque honesto loco natus, abundaretque & æqualium familiaritatibus, & consuetudine propinquorum, credebatur eorum nemini, sed ijs, quos ex familijs locupletum, servos delegerat, quibus nomen servitutis ipse detraxerat, & quibusdam convenis, & feris barbaris corporis

corporis custodiam committebat. Ita propter injustam dominatus cupiditatem in carcerem quodam modò ipse se incluserat. Quinetiam, ne tonsori collum committeret, tondere filias suas docuit. Ita sordido, ancillarique artificio regiæ virgines, ut tonstriculæ tondebant barbam & capillum patris, & tamen ab ijs ipsis, cum jam essent adultæ ferrum removit, instituitque ut candentibus juglandium putaminibus barbam sibi & capillum adurent, cumque duas uxores haberet, sic nocte ad eas ventriabat, ut omnia specularetur, & perscrutaretur ante. Et cum fossam latam cubiculari lecto circumdeditet ejusque fossæ transitum ponticulo ligneo conjunxisset: eum ipsum, cum fores cubiculi clauserat, detorquebat, idemque cum in communibus suggestis consistere non auderet, concionari ex turri alta solebat. Atque is cum pila ludere vellet (studiosè enim id factitabat) tunicamque poneret; adolescentulo què amabat, tradidisse gladium dicitur. Hic cum quidam familiaris jocans dixisset. Huic quidem certè vitam committis: arrisissetque adolescens, utrumque iussit interfici: alterum, quia vitam demonstravisset interimendi sui: alterum, quia id dictum risu approbavisset.

Darius Ptolomæus.

DArius in fuga, cum aquam turbidam, & cadaveribus inquinatam bibisset, negavit unquam se bibisse jucundius. Nunquam videlicet sitiens biberat, nec esuriens Ptolomæus ederat, cui cum peragranti Ægyptum, comitibus non consecutis, cibarius in casa panis datus esset, nihil visum est illo pano jucundius.

Socrates.

SOcratem ferunt, cum usque ad vespertina contentius ambularet, quæ situmque esset ex eo quare id faceret respondisse, se, quo melius cenaret, obsonare ambulando famem.

Dionysius.

CUm in Phiditijs Lacedæmoniorum cenavisset Dionysius, negavit se jure illo nigro, quod cenæ caput erat, delectatum. Tum is, qui illa coxeat, Minimè mirum, inquit: condimenta enim defuerunt. Quæ tandem? inquit ille. Labor in venatu, sudor, cursus ab Eurota, fames, sitis. His enim rebus Lacedæmoniorum epulæ condiuntur.

Timotheus.

Timotheum, clarum hominem Athenis & principem civitatis ferunt, cum cenavisset apud Platonem eoque convivio admodum delectatus esset, vidissetque eum postridie, dixisse, Vestrae quidem cenae non solum in praesentia, sed etiam postero die jucundae sunt,

Asclepiades.

Asclepiadem ferunt non ignobilem philosophum, cum quidam quaereret, quid ei caecitas attulisset, respondisse, ut puero uno esset comitator.

Theodorus.

Theodorus Lyfimacho mortem minitanti; Magnum verò, inquit, effecisti, si cantu haridis vim consecutus es.

Ceres Ennenfis

Vetus est haec opinio, quae constat ex antiquissimis Græcorum literis, atq; monumentis insulam Siciliam totam esse Cerei & Liberæ consecratam. Hoc cum ceteræ gentes sic arbitrantur tum ipsis Siculis tam persuasum est, ut animis eorum insitum, atque innatum videatur, nam & nates esse has in his locis Deas, & fruges
in ea

in ea terra primum repertas arbitrantur, & raptam esse Liberam, quam eandem Proserpinam vocant, ex Ennensium nẽmore: qui locus, quod in media est insula situs, Umbilicus Siciliæ nominatur, quam cum investigare, & conquirere Ceres vellet, dicitur inflammasse tedas ijs ignibus, qui ex Ætnæ vertice erumpunt, quas sibi cum ipsa præferret, orbem omnium peragrassse terrarum. Enna autem ubi ea, quæ dico gesta esse memorantur, est loco præcelso, atq; edito, quo in summo est æquata agri planicies, & aquæ perennes, tota vero omni aditu circumcisa, atq; dirempta est, quam circa lacus, lucique sunt plurimi, & lectissimi flores omni tempore anni; locus ut ipse raptum illum virgines, quem jam à pueris accepimus, declarare videatur. Etenim propè est spelunca quædam, conversa ad Aquilonem, infinita altitudine, qua Ditem patrem ferunt repentè cum curru extitisse, abreptamque ex eo loco virginem secum asportasse, & subito non longè à Syracusis penetrasse sub terras lacumque in eo loco repentè extitisse, ubi usque ad hoc tempus Syracusani festos dies anniversarios agunt, celeberrimo virorum, mulierumque conventu.

Characterismus Ostentatoris.

Iste qui se dici divitem, putat esse præclarum, primum nunc videte quo vultu nos intueatur, nonne vobis videtur dicere; Darem, si mihi molesti non esietis. Cum verò sinistra mentum sublevat, existimat se gemmæ nitore, & auri splendore aspectus omnium præstringere. Cum puerum respicit, hunc unum, quem ego novi, vos non arbitror novisse, alio nomine appellat, deinde alio atque alio, Heus tu, inquit, veni Sannio, ne quid isti barbari perturbent, ut ignoti, qui audiunt, unum putent eligi de multis; ei dicit in aurem aut, ut domi lectuli sternantur, aut ab avunculo rogetur Æthiops, qui ad balneas Veniat, aut Asturconi locus ante ostendium suum detur, aut aliquod fragile falsæ choragium gloriæ comparetur. Deinde exclamat, ut omnes audiant, videto ut diligenter numeretur, si potest ante noctem, Puer, qui jam benè hominis naturam novit. Tu illo plures mittas oportet, inquit, si hodie vis transnumerari. Age, inquit, duc tecum Libanum & Sosiam, Sanè. Deinde casu, veniunt hospites homini, qui istum splendidè, dum peregrinaretur, ceperant, Ex ea te homo hercle conturbatur,

tur, sed tamen à vitio naturæ non recedit. Bene, inquit, facitis. cùm venitis, sed rectius fecissetis, si ad me domum rectà abiissetis. Id fecissemus, inquiunt illi, si domum novissemus. At istud quidem facile fuit undelibet invenire. verum ite mecum. Sequuntur illi. Sermo interea hujus consumitur omnis in ostentatione. Quærit in agris cujuscmodi frumenta sint. Negat se, quia villæ incensæ sunt, accedere posse, nec ædificare etiamnum audere: Tamen si in Tusculano quidem cæpi insanire & in ipsdem fundamentis ædificare. Dum hæc loquitur venit in ædes quasdam, in quibus sodalitium erat eodem die futurum quo iste pro notitia domini ædium ingreditur cum hospitibus: Hic, inquit, habito. Perspiciunt argentum, quod erat expositum, visunt triclinium stratum, probant, accedit servulus, dicit homini clare, dominum jam venturū, si velit exire. Itane inquit? eamus, hospites, frater venit ex Falerno, ego illi obviam pergam. Vos huc decima veniote. Hospites discedunt. Iste se raptim domum suam conjicit: ille decima, quò jusserat, veniunt; quærunt hunc; reperiunt cujas sit in diversorium derisi conferunt sese. Vident hominem postera die, narrant, expostulant accusant.

Ait

Ait iste, eos similitudine loci deceptos angiporto toto de errasse. contra valetudinem suam se ad multam noctem expectasse Sannioni puero negotium dederat, ut vasa, vestimenta, pueros corrogaret. Servulus non inurbanus satis strenue & concinnè comparat; iste hospites domum deducit. Ait se ædes maximas cuidam amico ad nuptias accommodasse. Nunciat interea puer, argentum repeti (pertinuerat enim, qui commodarat) Apagete, inquit, ædes commodavi, familiam dedi, argentum quoque vult? Tametsi hospites habeo, tamen utatur licet, nos Samijs delectabimur, Quid ego, quæ deinde efficiat. narrem? Ejusmodi est hominis natura, ut quæ singulis diebus efficiat gloria atque ostentatione, ea vix annuo sermone enarrare possim.

Aspasia.

Aspasia cum Xenophontis uxore, & cum ipso Xenophonte ita aliquando locuta: Dic mihi quæso, Xenophontis uxor, si vicina tua melius habeat aurem quam tu habes, Vtrum Illius, an tuum malis? Illius inquit. Quid si vestem & ceterum ornatum muliebrem pretij majoris habeat, quam tu habes, tuumne, an illius malis? illius
verò

verò respondit. Agesis inquit, si virum illa meliorem habeat, quam tu habes, Vtrumne tuum an illius malis? Hic mulier erubuit. Aspasia autem cum ipso Xenophonte sermonem instituit; Quæso, inquit, Xenophô, si vicinus tuus meliorem equum habeat, quàm tuus est, tuumne equum malis, an illius ! illius, inquit. Quid si fundū meliorem habeat, quam tu habes, Vtrum tandem fūdum habere malis, illū, inquit, meliorem scilicet. Quid si uxorem meliorem habeat, quam tu habes, utrum illius malis? Atque hic Xenophon quoque ipse tacuit. Post Aspasia : Quoniam uterque vestrūm, inquit, id mihi solum non respondit, quod ego solum audire volueram, ego met dicam, quid uterque cogitet; nam & tu mulier optimum virum mavis habere, & tu Xenophon uxorem habere lectissimā maximè vis. Quare nisi hoc perteceritis, ut neque vir melior neq; femina lectior in terris, sit profecto id semper, quod optimum putabitis esse, multò maximè requiretis, & tu, ut maritus sis quàm optimæ mulieris, & hæc quàm optimo viro nupta sit.

Femina quædam.

HUMILIS in plebe Romana, & ideo ignobilis puerpera, supplicij causa carceri inclusa matre cum impetrasset aditum, à janitore semper excussa ne quid inferret cibi, deprehensa est uberibus suis alens eam. Quo miraculo, matri salus donata filix pietate est, ambæque perpetuis alimentis

Gymno sophista.

QUÆ Barbaria India vassior aut agrestior? in ea tamen gente primum ij, qui sapientes habentur, nudi ætatem agunt, & Caucasii nives, hyemalemque vim perferunt sine dolore, cùmque ad flammam se applicuerint, sine gemitu aduruntur. Mulieres verò in India cum est cuiusque earum vir mortuus, in certamen iudicij unque veniunt, quàm plurimum ille dilexerit: plures enim singulis solent esse nuptæ. Que est victrix, ea læta, prosequentibus suis, unà cum viro in rogum imponitur. Illa victa, incesta discedit.

Dionysius Damocles.

CUM ex assentatoribus Dionysij Damocles commemoraret in sermone copias Dionysij, opus, maiestatem, dominatus, rerum

rum abundantiam, magnificentiam ædium regiarum, negaretque unquam beatiorum quemquam fuisse: Visne igitur, inquit ò Democle, quoniam hæc te vita delectat ipse eandem degustare & fortunam experiri meam? cum se ille cupere dixisset, collocari iussit hominem in aureo lecto, strato pulcherrimè textili stragulo magnificis operibus picto, abacosq; complures ornavit argento auroque cælato, tum ad mensam eximia forma pueros de lectos iussit consistere, eosque ad nutum illius intuentes diligenter ministrare, aderant unguenta, coronæ, incendebantur odores, mensæ exquisitissimus epulis exstruebantur. Fortunatus sibi Damocles videbatur. In hoc medio apparatu fulgentē gladium è lacunari seta equina appensum demitti iussit, ut impenderet illius beati cervicibus. Itaque nec pulchros illos administratores aspiciebat, nec plenum artis argentum, nec manum porrigebat in mensam, jam ipsæ defluebant coronæ, denique exoravit Tyrannum, ut abire liceret, quod jam beatus nollet esse. Satisne videtur declarasse Dionysius, nihil esse ei beatum, cui semper aliquis terror impendat?

Socrates.

Socrates in pompa cum magna vis auri
argentique feretur: Quam multa non
desidero, inquit,

Xenocrates.

Xenocrates cum legati ab Alexandro
quingenta ei talenta attulissent, quæ
erat pecunia temporibus illis, præser-
tim Athenis maxima; adduxit legatos ad
cænam in Academiam, iisque apposuit
tantum, quod satis esset, nullo apparatu.
Cum postridie rogarent eum, cui nume-
rari juberet: Quid? Vos hesternæ, inquit,
cænula non intellexistis, me pecunia non
egere? quos cum tristiores vidisset, trigin-
ta minas accepit, ne aspernari regis libe-
ralitatem videretur.

Gyges fabula.

Gyges cum terra discessisset magnis qui-
busdam imbribus, in illum hiatus
descendit, æneumque equum (ut ferunt
fabulæ) animadvertit, cuius in lateribus
fores essent quibus apertis, hominis mor-
tui vidit corpus magnitudine inusitata,
anulumque aureum in digito, quem ut
detraxit, ipse induit, erat autem regius
pastor, tum in consilium pastorum se re-

cepit. Vbi cum palam ejus anuli ad palmā converterat, à nullo videbatur: ipse autem omnia videbat, idem rursus videbatur, cum in lucem anulum inverterat. Itaque hac oportunitate annuli usus, Regiæ stuprum intulit, eaque adjutrice Regem dominum interemit, sustulitq; quos obstare arbitrabatur, nec in his quisquam eum facinoribus potuit videre. Sic repente annuli beneficio Rex ortus est Lydiæ.

Largius Macedo.

REm atrocem Largius Macedo, vir prætorius, à servis suis passus est: superibus alioqui dōinus & sævus et qui servisse patrem suum, parum immò minimum meminisset. Lavabatur in villa, repente cum servi circumstant, alius fauces invadit, alius os verberat, alius pectus, & ventrem, atque etiam (scdū dictu) vetenda contundit, & cum exanimem putarent, abijciunt in fervens pavimentum, ut experirentur an viveret. Ille sive quia non sentiebat sive quia non sentire simulabat, immobilis & extentus fidem peractæ mortis implevit. tum demū, quasi æstu solutus, effertur: excipiunt servi fideiores, concubinæ cum ejulatu & clamore concurrūt. Ita & vocibus excitatus, & recreatus loci frigore, sublatis oculis

oculis agitatoque corpore, vivere se (& jam tutum erat, confitetur. Diffugiunt servi quorum magna pars comprehensa est, cæteri requiruntur: ipse paucis diebus ægre refocillatus, non sine ultionis solatio decessit, ita vivus vindicatus ut occisi solent. Eidem Macedoni quū in publico Romæ lavaretur, notabilis, atque etiam, ut exitus docuit, ominosa res accidit. Eques Romanus à servo ejus, ut transitum daret, manu leviter admonitus, convertit se, nec servum, à quo erat tactus, sed ipsum Macedonem tam graviter palma percussit, ut penè concideret. Ira balneum ei, quasi per gradus quosdam; primum contumeliæ locus, deinde exitij fuit.

Fons in agro Comensi.

Fons oritur in monte, per saxa decurrit; excipitur cenatiuncula manu facta, ibi paululum retentus in Larium lacum decidit. Hujus mira natura, ter in diē stasis augmentibus ac diminutionibus crescit decrescitque. Cernitur id palam & cum summa voluptate deprehenditur. Iuxta recumbis & vesceris; atque etiam ex ipso fonte (nam est frigidissimus) potas; interim ille certis demensisque momentis vel subtrahitur vel assurgit. Annulum seu quid aliud ponis in

ficco, alluitur sensim ac novissimè operitur, detegitur rursus, pallat inque deseritur. si diutius observes, utrumque iterum ac tertio videas.

Curtius Rufus.

Curtius Rufus tenuis adhuc & obscurus obtinenti Africam comes hæserat, inclinato die spatiabatur in porticu, offertur ei mulieris figura, humana grandior pulchriorque; petterrita, Africam se, futurorum prænuntiam dixit, iturum eum Romam honoresque gesturum, atque etiam cum summo imperio in eandem provinciam reversurum, ibique moriturum. Facta sunt omnia. Præterea accedenti Carthaginem, egredientique navem, eadem figura occurrisset narratur. Ipse certè implicitus morbo, futura præteritis, adversa secundis auguratus, spem alutis, nemine suorum desperante, proecit.

Athenodorus. Idolon.

Erat Athenis spatiosa & capax domus, sed infamis & pestilens, per silentium noctis sonus seti, &, si attenderes acrius, strepitus vinculorum longius primò, deinde proximo reddebatur, mox apparebat

parebat Idolon, senex macie & squallore confectus, promissa barba, horrenti capillo, cruribus compedes, manibus catenas gerebat, quatiēbatque, inde inhabitantibus tristes diræque noctes per metum vigilabantur, vigiliam morbus, & crescente formidine mors sequebatur, nam inter diu quoque, quanquam abscefferat imago, memoria imaginis oculis inhærebat, longiorisque causa timoris timor erat. Deserta inde & solitudine damnata domus, totaque illi monstro relicta, proscribatur tamen, seu quis emere, seu quis conducere, ignatus tanti mali, vellet. Venit Athenas Philosophus Athenodorus, legit titulum, auditoque pretio quia suspecta vilitas, percunctatus omnia docetur, ac nihilominus, imò tantò magis conducit. Vbi cœpit ad vespescere, jubet sterni cibi in prima domus parte, poscit pugillares, stylum, lumen suos omnes in interiora dimittit, ipse ad scribendum, animum, oculos, manum intendit, ne vacua mens audita simulachra & inanes sibi metus fingeret, Initio, quale ubique, silentium noctis, deinde concuti ferrum, vincula moveri, ille non tollere oculos, non remittere stylum, sed obfirmare animum, auribusque manum præ-

tendere, tum crebrescere fragor, adventare etiam, ac jam ut in limine, jam ut intra limen audiri, respicit, videt, agnoscitque narratam sibi effigiem, stabat innuebatque digito, similis vocanti: hic contra, ut paululum expectaret, manu significat, rursusque ceteris & stylo incumbit, illa scribentis capiti insonabat, respicit rursus idem quod prius innuentem, nec moratus, tollit lumen ac sequitur. Ibat illa lento gradu, quasi gravis vinculis, postquam deflexit in aream domus, repente dilapsa deferit comitem, desertus herbas & folia concerpta signum loco ponit. Postero die adit magistratus, monet ut illum locum effodi jubeant: Inveniuntur ossa inserta catenis & implicita, quæ corpus ævo terraque putrefactum nuda & exesa reliquerat vinculis, collecta publicè sepeliuntur, domus postea ritè conditis manibus cauit.

Libertus Plinij.

ERat Plinio libertus Marius non illitteratus, cum hoc minor frater eodè lecto quiescebat. Is visus est sibi cernere quendam in toro residentem, admoventemque capiti suo cultros, atque etiam ex ipso verberare amputantem capillos. Ybi illuxit,
ipse

ipse circa verticem tonsus, capilli jacentes reperiuntur. Exiguum temporis medium, & rursus simile aliud priori fidē fecit. Puer in Pædagogio mistus pluribus dormiebat, venerunt per fenestras (ita narrabat) in tunicis albis duo, cubantemque detonderunt, & quā venerant, recesserunt. Hunc quoque tonsum, sparsosque circa capillos dies ostendit.

Lacus Vadimonis.

VAdimonis lacus est in similitudine jacentis rotæ circumscriptus, & undique æqualis, nullus sinus, obliquitas nulla, omnia dimensa, paria & quasi artificis manu cavata & excisa, Color cæruleo albidior, viridior & pressior, sulphureus odor, saporque medicatus, vis qua fracta solidantur, Spatium modicum, quod tamen tentiat ventos & fluctibus intumescat. Nulla in hoc navis (facet enim est) sed innatant insulæ herbidæ, omnes arundine & junco testæ, quæque alia foecundior palus ipsaque illa extremitas lacus effert. Sua cuique figura, ut modus, cunctis margo derasus, quia frequenter vel littori, vel sibi illisæ terunt terunturque. Par omnibus altitudo, par levitas: quippe in speciem caninae humili radice descendunt. Hæc ab o-

mni latere perſpicitur, eadem aqua pariter ſuſpenſa & merſa, interdum juncſtæ copulataque & continenti ſimiles eunt, interdū diſcordantibus ventis digeruntur, non nunquam deſtitutæ tranquillitare ſingulæ fluitant, ſæpe minores majoribus, velut cymbulæ onerariæ, adhæreſcunt, ſæpe inter ſe minores majoreſque quaſi curſum certamenque deſimunt, rurfus omnes in eundem locum appulſæ, quâ ſteterūt promovent terram & modo hac, modo illac lacum reddunt auferuntque, ac tum de mun cum medium tenuere, non contrahunt, Conſtat pecora herbas ſecuta, ſic in inſulas illas ut in extremam ripam, procedere ſolere, nec priùs intelligèremobile ſolum, quàm littore abrepta, quaſi illata & impoſita circumfuſum undique lacum pavent. mox quô tulerit ventus egreſſæ, non magis ſe deſcendiſſe ſentire, quàm ſenſerint aſcendiſſe. Idem lacus in flumen egeritur, quod ubi ſe pauliſper oculis dedit, ſpecu mergitur, alteque conditum meat, ac ſi quid, antequam ſubduceretur, accepit, ſervat & proſert.

Delphinus Hipponenſis.

Eſt in Africa Hipponenſis colonia, mari proxima, adjacet ei navigabile ſtagum,

num, ex quo in modum fluminis æstuari-
um emergit. quod vice alterna, pro ut
ællus aut repressit, aut impulit, nunc in-
fertur mari, nunc redditur, stagno. Om-
nis hic ætas piscandi, navigandi, atque
etiam natandi studio tenetur, maximè
puerorum, quos otium ludusque sollicitat
his gloria & virtus altissimè provehi: vic-
tor ille qui longissimè ut littus, ita simul,
nantes reliquit. Hoc certamine puer qui-
dam audentior cæteris, in ulteriora tende-
bat: Delphinus occurrit, & nunc præcede-
re puerum, nunc sequi, nunc circuire, po-
stremò subire, trepidantemque perferre
primum in altum, mox flectit ad littus,
redditque terræ & æqualibus. Serpit per
coloniam fama, concurrere omnes, i-
psam puerum tanquam miraculum aspice-
re, interrogare, audire, narrare. Postero
die obsident littus, prospectant mare, & si
quid est mari simile, natant pueri, inter
hos ille, sed cautiùs. Delphinus rursus ad
tempus, sus ad puerum venit, fugit ille
cum ceteris. Delphinus quasi invitet, re-
vocet, exilit, mergitur, variosque orbes
implicat expeditque. Hoc altero die, hoc
tertio, hoc pluribus, donec homines inut-
ritos mari subiret timendi pudor, acce-
dunt, & alludunt, & appellant, tangunt

etiam, pertrectantque præbentem. Crescit
audacia experimento Maximè puer, qui
primus expertus est, adnatat, natantis
insilit tergo, fertur; referturque, agno-
sci se, amari putat, amat ipse, neuter timet,
neuter timetur. Hujus fiducia mansue-
tudo illius augetur, nec non alij pueri dex-
tra lavaque simul eût horrantes, monen-
tesque. Ibat unà (id quoque mirum) del-
phinus alius, tantum spectator & comes,
Nihil enim simile aut faciebat, aut patie-
batur, sed illum alterum ducebat, redu-
cebat, ut puerum ceteri pueri. Incredibile,
(tam verum tamen quàm priora) Del-
phinū gestatorem collusoremque puero-
rum in terram quoque extrahi solitum,
arenisque siccatum, ubi incaluisset in ma-
re revolui. Constat Octavium Avitum le-
gatum Proconsulis, in littus educto reli-
gione prava super fudisse unguentum, cu-
jus illum averlatum novitatem odorem-
que, in altum refugisse, nec nisi post mul-
tos dies visū languidum & mœstum, mox
redditis viribus priorem lasciviam & soli-
ta ministeria repetisse. Confluebant ad spe-
ctaculum omnes Magistratus, quorū ad-
ventu & mora, modica Respub. immodi-
cis novisque sumptibus atterebatur. Po-
stremò locus ipse quietem suam secretum-
que

que perdebat. Placuit occulte interfici, ad quod coibatur.

Mors plinij Secundi, narrante nepote ex sorore

PLinius avunculus meus erat Miseni, classemque imperio præsens regebat. nono Kal. Septembris, hora diei ferme septima, mater mea indicat ei, apparere nubem inusitata & magnitudine & specie. Surgit ille è solo, ut solebat, frigida gustata, jacens enim studebat: poscit soleas, ascendit locum ex quo maximè miraculum illud cōspici poterat. nubes (incertum intuentibus procul ex quo monte: Vesuvium fuisse postea cognitum est) oriebatur, cujus similitudinem & formam non alia magis arbor, quàm pinus expresserit, Nam longissimo velut trunco elata in altum, quibusdam ramis diffundebatur, credo quia recenti spiritu evecta. deinde senescente eo destituta, aut etiam pondere suo victa, latitudinem vanescebat: cādida interdum, interdum sordida & maculosa, pro ut terram cineremque sustulerat, Magnum propiusque noscendum, ut eruditissimo viro, visum. Iubem liburnicam aptari, mihi si venire unà velleim, facit copiam respondere studere me malle, & forte ipse quod scriberem dederat. Egrediebatur domo, accipit codicillos. Retinæ classiarij imminenti

periculo exterriti (nam villa subjacebat, nec ulla nisi navibus fuga) ut se tanto discrimine eriperet, orabant. Non vertit ille consiliū, sed quod studioſo animo inchoaverat, obit maximo. Deducit quadriremes ascendit ipse, non Retinæ modo, sed multus (erat enim frequens amœnitas oræ) laturus auxilium. properat illuc unde alij fugiunt: rectumque cursum, recta gubernacula in periculum tenet, adeo solutus metu, ut omnes illius mali motus, omnes figuras, ut deprehenderat oculis, dictaret evocaretque. Iam navibus cinis inciderat, quò propius accederet, calidior & densior jam pumices etiam, nigrique & ambusti & fracti igne lapides; jam vadum subitū, ruinaque montis litora obstantia, cunctatusque paulum an retro flecteret, mox gubernatori ut ita faceret monenti, Fortes, inquit, Fortuna juvat: Pomponianum pete Stabijs erat, diremtus sinu medio. nā sensum circumactis curvatusque littoribus mare infunditur. Ibi, quamquam nondum periculo appropinquante, conspicio tamē, & cum cresceret, proximo, sarcinas contulerat in naves, certis fugæ, si contrarius ventus recessisset: quo tunc avunculus meus secundissimo invectus complectitur, trepidantem consolatur, hortatur: utque timorem

morem ejus sua securitate leniret, deferri se in balneum, jubet, locutus accubat, cænat, atque id hilaris, aut, quod est æquè magnum, similis hilari. Interim è Vesuvio monte pluribus locis latissimæ flammæ altaque incendia relucebant, quorum fulgor & claritas tenebris noctis excitabatur. Ille, agrestium trepidatione ignis relictas desertasque villas per solitudinem ardere, in remedium formidinis dictitabat: tum se quieti dedit, & quievit verissimo quidem somno, nam meatus animæ, qui illi propter amplitudinem corporis gravior & sonantior erat, ab ijs, qui limi observabantur, audiebantur. Sed area, ex qua diæta adibatur, ita jam cinere, mixtisque pumicibus oppleta surrexerat, ut si longior in cubiculo mora esset, exitus negaretur. Excitatus procedit, seque Pomponiæ, ceteris que qui pervigilant reddit. In commune consultant, an intra tecta subsistant an in aperto vagentur. Nam crebris vastisque tremoribus tecta nutabant, & quasi emota sedibus suis nunc huc nunc illuc abire aut referri videbantur. Sub dio rursus quamquam levium exesorumque pumicum casus metuebatur, quod tamen periculorum collatio elegit & apud illum quidem ratio rationem, apud alios

timorem

timorem timor vicit, cervi calia capitibus
 imposita lintheis constringunt. Id muni-
 mentum adversus decidentia fuit. Iam
 dies alibi, illic mox omnibus noctibus ni-
 grior densiorque: quam tamen faces mul-
 tæ, variaque lumina solvebant. Placuit
 egredi in littus, & è proximo aspicere, ec-
 quid jam mare admitteret, quod adhuc
 vastum & adversum manebat. Ibi super
 abjectum lintheum recubans, semel atque
 iterum frigidam poposcit, hausitque: de-
 inde flammæ flammæque prænuntius
 odor sulphuris; alios in fugam vertunt,
 excitant illum. Innixus servis duobus as-
 surrexit, & statim concidit, ut ego conje-
 cto, crassiore caligine spiritu obstructo.
 clausoque stomacho, qui illi natura inva-
 lidus & ægustus & frequenter interæstuans
 erat. Vbi dies redditus is, ab eo, quem no-
 vissimè viderat tertius, corpus in ventum
 est integrum illæsum, opertumque, ut fue-
 rat indutus: habitus corporis quiescentis,
 quàm defuncto similior. Interim ego Mi-
 seni reliquum tempus studiis (ideo enim
 remanseram) impendi: mox balneum, cæ-
 na, somnus inquietus & brevis præcesserat
 per multos dies tremor terræ minus for-
 midolosus, qui Campaniæ non solum ca-
 stella, verum etiam oppida vexare solitus:
 illa

la verò nocte ita invaluit, ut non move-
i omnia, sed everti crederentur. Irrumpit
ubiculum meum mater: surgebam invi-
em, si quiesceret, excitaturus. recedimus
a aream domus, quæ mare à tectis modi-
o spatio dividebat, dubito constantiam
ocare, an imprudentiam: debeam agebam
nim duo devicefimum annum. Posco li-
rum Titi Livij, & quasi per otium lego, atq;
iam, ut cœperam, excerpo. Ecce ami-
us avunculi, qui nuper ad eum ex Hispania
generat ut me & matrem sedentes, me ve-
o etiam legentem videt, illius patientiam:
curitatem meam corripit: nihilo segni-
s ego intentus in librum. Iam hora diei
ima, & adhuc dubius & quasi languidus
es, jam quassatis circum jacentibus tectis,
quamquam in aperto loco, angusto tamẽ;
magnus & certus ruinæ metus. Tum de-
um excedere oppido visum. Sequitur
ulguis attonitum, quodque in pavore si-
ile prudentiæ, alienum consilium suo
æfert, ingentique agmine abeuntes pre-
it & impellit Egressi tecto consistimus,
ulta ibi miranda, multas formidines
atimur, nam vehicula quæ produci jusse-
mus quamquam in planissimo campo,
contrarias partes agebantur, ac ne la-
dibus quidem fulta, in eodem vestigio
qui-

quiescebant. Præterea mare in se resorberi, & tremore terræ quasi repelli videbatur. Certè processerat littus, multaue animalia maris in ficci sarenis detinebat. Ab altero latere nubes atra & horrêda ignei spiritus tortis vibratisque discursibus rupta, in longas flammarum figuras dehiscibat, fulgoribus illæ & similes & majores erant. Tum verò ille idem ex Hispania amicus, acrius & instantius, Si frater (inquit) tuus, tuus avunculus vivit, vult esse vos salvos: si periit, superstites voluit: proinde quid cessatis evadere? Respondimus, non commissuros nos ut de salute ejus incerti, nostræ consuleremus. Non moratus ultra proripit se, effusoque cursu periculo auferitur: nec multò post illa nubes descendere in terras, operire maria, cinxerat Capreas & absconderat: Miseni quod procurrit, abstulerat. Tum mater orare, hortari, jubere quoque modo fugerem: posse enim juvenem, se & annis & corpore gravem bene morituram, si mihi causa mortis non fuisset. Ego contra salvum me, nisi unà, non futurum, deinde manum ejus amplexus, addere gradum cogo: paret ægrè, incusatque se quod me moretur. Iam cinis adhuc, tamen rarus: respicio: densa caligo tergis imminebat, quæ nos, torren-

tis modo infusa terræ, sequebatur. Deflectamus, (inquam) dum videmus, ne in via strati, comitantium turba in tenebris obteramur. Vix confederamus, & nox non qualis illunis aut nubila, sed qualis in locis clausis lumine extincto: audires ululatus fæminarum, infantium quiritatus, clamores virorum: alij parentes, alij liberos, alij conjuges vocibus requirebant, vocibus noscitabant: hi suum casum, illi suorum, miserabantur; erant qui metu mortis mortem precarentur. multi ad Deos manus tollere, plures nusquam jam Deos uilos, æternamque & novissimam noctem mûdo interpretabantur. nec defuerunt qui fictis mentitisque terroribus vera pericula augerent. Aderant qui Miseni illud ruisse. illud ardere, falsò, sed credentibus nuntiabant. Paullum reluxit, quod non dies nobis, sed adveniantis ignis iudicium videbatur: & ignis quidem longius substitit: tenebræ rursus, cinis rursus multus & gravis: hunc identidem assurgentes excutiebamur: operiti alioqui, atque etiam obliti pondere essemus. Possem gloriari, non gemitum mihi, non vocem parum fortem in tantis periculis excidisse, nisi me cum omnibus, omnia mecum perire, misero, magno tamen mortalitatis solatio credidissem

dissem, Tandem illa caligo tenuata quasi in fumum nebulamve decessit : mox dies verè, sol etiam effulsit, luridus tamen, qualis esse cum deficit solet. Occursabant trepidantibus adhuc oculis muta omnia, altoque cinere tanquã nive obducta. Regressi Milenum, curatis utcumque corporibus, suspensam dubiamque mentem spectare ac metu exegimus : metus prævalebat, Nix & tremor terræ perseverabat, & plerique lymphati terrificis vaticinationibus et sua & aliena mala ludificabantur. nobis tamen ne tunc quidem, quamquam & expertis periculum, & ea spectantibus, abeundi cōsiliū, donec de avunculo nuntius veniret.

Servus domino fidelis.

VRbinus proscriptus cum in Reatino lateret, latebris proditis, unus ex servis, annulo ejus & veste insignitus, in cubiculo, ad quod irruebant qui persequerentur pro domino jacuit, militibusque ingredientibus cervicem præbuit, & ictum tanquam Vrbinus excepit. Vrbinus postea restitutus, monumentum ei fecit, titulo qui tantum meritum loqueretur, addito.

Alius Servus.

Restionem proscriptum solumque nocte fugientem diripientibus bona ejus alijs, servus compeditus inscripta fronte, cum post damnationem domini aliena esset solutus custodia, fugientem persecutus est; hortatusque ne se timeret, scientem contum eliam suam fortunæ imputandam esse, non domino: abditumque ministerio suo aluit. Cum deinde persequentes à desse sensisset, senem quem casus obtulit, jugulavit, & in constructam pyram conjecit: qua accensa, occurrit eis qui Restionem quærebant, dicens damnatum sibi poenas luisse, multò acrius à se vexatum, quàm ipse vexarat. Ei fide habita, Restio liberatus est.

Tutela seu Philotis ancilla.

Post urbem captam, cum sedatus esset, Gallicus motus, res verò publica esset ad tenue deducta, finitimi opportunitatem invadendi Romani nominis, aucupati, præfecerunt sibi Livium Fidenatium, dictatorem. Qui mandatis ad Senatum missis, postulavit, ut si vellent reliquias suæ civitatis manere, matres familiæ sibi, & virgines dederentur, Cumque patres essent

in ancipiti deliberatione suspensi, ancilla nomine Tutela seu Philotis, pollicita est, se cum ceteris ancillis, sub nomine dominarum ad hostes ituram: habituque matrum familias & virginum sumpto, hostibus prosequentium lacrymis fides dolori facta est. Quæ cum à Livio in castris distributæ fuissent, viros plurimo vino provocaverunt, diem festum apud se esse simulant. Quibus soporatis, ex arbore caprifico, quæ castris erat proxima, signum Romanis dederunt qui cum repentina incursione superassent, memor beneficij Senatus, omnes ancillas manu jussit emitti; dotemque eis ex publico dedit, & ornatum quo tunc erant usæ, gestare concessit, die inque ipsum Nonas Caprotinas nuncupavit; ab illa caprifico, ex qua signum victoriæ ceperant: sacrificiumque statuit annua solennitate celebrandum, cui lac quod ex caprifico manat propter memoriam facti adhibetur.

Augustus Cæsar.

Q Vum sublimis ex Actiaca victoria reverteretur, occurrit inter gratulantes quidam còrvum tenens, doctum hæc verba sonare: *Ave Cæsar victor.* Hac salutatione delectatus Augustus, avem sex milibus

nummum emit. Socius opificis ad quem nihil ex ea liberalitate pervenerat, iudicavit Cæsari eundem & alium habere corvum, quem ut asferre cogeretur rogavit: Alatus verba quæ didicerat expressit: *Ave victor Imperator Antoni.* Augustus nihil exasperatus, satis duxit jubere illum munus cum delatore contubernali partiri. Salutatus similiter à psittaco, & hunc emi iussit. Idem miratus in pica, hanc quoque mercatus est. Hoc exemplum sutorem pauperem sollicitavit, ut corvum institueret ad parrem salutationem. Qui cum impendio exhauriretur, subinde ad avem non respondentem dicere solebat; *Opera & impensa perijt.* Quidem pervicit assiduitate, ut corvus sonaret dictatam salutationem. Ea cum Augustum transeuntem, salutasset. Cæsar *Satis,* inquit, *istiusmodi saluatorum habeo domi.* Tum corvus memor & illorum verborum quæ toties audierat, subtexuit, *Opera & impensa perijt.* Ad hoc arridens Augustus iussit avem emi, quanti nullam aliam emerat.

Cleopatra.

Cleopatra Regina Egypti Antonium mariuni sponfione provocavit, insumere se posse in unam cœnam sestertium cen

ceries. Id Antonio mirum visum, nec moratus sponsione contendit, pignus custodiente Numario Plano, qui certaminis arbiter electus est. Cleopatra postero die Canam apparavit pollucibilem sane, sed quam non miraretur Antonius, quippe qui omnia quæ apponebantur, ex quotidianis opibus agnosceret. Tunc regina arridens, phialam poposcit, cui aceti non nihil acris infudit, atque illic unionem demptum ex aure altera festinabunda demisit eumque dissolutum, uti ejus natura est, absorbuit: & quamvis eo facto sponsionem vicisset, quippe cum ipsa margarita centies sestertium citra controversiâ valuisset, manum tamen & ad alterius auris unionem similiter admovit. Inhibuit Numatius, qui jam superatum Antonium maturè pronuntiavit. Ipse autem unio cuius magnitudinis fuerit inde potest colligi quod qui superfuit, victa regina & capta. Ægypto Romam delatus, dissectusque est, & factæ ex una margarita duæ impostæque simulacro Veneris, ut monstruæ magnitudinis.

Insulæ Fortunatæ

PRoditū est à veteribus Poëtis, esse quasdam in Oceano insulas, ad quas post
mor-

mortem deferantur eorum animi qui,
sanctè religioſeque vixerint. ibi eos inter
ſe jucundiſſime ac ſuaviſſime vivere, in
amœniſſimo quodā prato, quod gemmea
florum oculis naribusque gratiſſimorum
varietate perpetuò deſtinctum pictura-
tumque ſit. nunquam non illic nitere cœ-
lū, frondere arbores, pubeſcere herbas
ridere omnia, ſpirare aſſiduè molliſſimos
Favonios, quorum flabellis arborum co-
mæ leniter ventilatæ, placidiſſimo mur-
mure auribus blandiantur. Eò accedere
innumerabilem vim ac copiam immorta-
liū, avicularū quæ uſq; & uſq; liquidiſſimos
cantus tenui gutture funditantes, intimos
audientium ſenſus incredibili voluptate
permulceant. pratum ipſum perennibus
rivulis varie interſecari quorum aquula
nitidiſſima ad verſicolores lapillos mol-
liter fracta & aliſa ſuſurrum efficiat dul-
ciſſimum. Iam quā floſculorum ambroſios
odores exhalantium ſuavitate, quā Ze-
phyrorum viridantibus arborum ramis
illudentium ſibilo, quā volucrum concē-
ribus, quā blando murmurantium rivu-
lorum ſtrepitu beatas illas mentes conti-
nenter hilarari. Ergo alios ad Orphei, Am-
phionisve lyrā choreas agere, alios pſalle-
re, alias corollas texere, alios in herba fuſos,
quā

ut iam statim coram defiliret præ-
 cipue in mare. Homo ibi territus spe omni-
 æ perdita, id unum postea oravit, ut,
 iusquam mortē oppeteret, induere per-
 terent sua sibi omnia indumenta & fi-
 s capere, & canere carmen casus illius
 consolabile, feros & immanes navitas
 olubium tamen audiendi subit, quod
 averat impetrat. Atque ibi mox de mo-
 cinctus, amictus, ornatus stansque in
 nmæ puppis foro, carmē, quod orthiū
 itur, voce sublatissima cantavit. Ad po-
 ema cantus, cum fidibus ornatuq, omni
 ut stabat canebatque, jecit sese procul in
 fundum. navitæ haudquaquam dubi-
 tes quin periisset, cursum, quem facere
 perant tenuerunt. Sed novum & mi-
 m & pium facinus contigit. Delphinus
 entē inter undas adnavit, fluitantique
 homini subdidit, & dorso super flu-
 s edito vectavit, incolumique eum
 pore & ornatu Tænarum in terrana
 onicam devexit. Tum Ario prorsus ex
 oco Corinthum petivit, talemque Pe-
 adro regi, qualis Delphino vectus fu-
 t, inopinanti sese obtulit, eique rem-
 ti acciderat, narravit. rex istæc parum
 lidit: Arionem, quasi falleret, custo-
 iussit. Navitas requisitos, ablegato A-
 E rione.

Artemisia.

ARtemisia Mausolum virum amasse fertur supra omneis amorum fabulas, ultraque affectionis humanæ fidem. Mausolus autem fuit rex terræ Cariae is ubi fato perfunctus, inter lamenta & manus uxoris funere magnifico sepultus est; Artemisia luctu atque desiderio mariti flagrans uxor, ossa cineremque ejus mixta odoribus contusaque in faciem pulveris, aquæ indidit, ebibitque: multaue alia violenti amoris indicia fecisse dicitur: molita quoque est ingenti impetu operis; conservandæ mariti memoriæ sepulcrum illud memoratissimum dignatumque numerari inter septem omnium terrarum spectacula, id monumentum Artemisia quūdis Manibus Mausoli dicaret, agnonem, laudibus ejus dicundis facit, ponitque præmia pecuniæ aliarumque rerum bonarum amplissima. ad eas laudes decantandas venisse dicuntur viri nobiles ingenio atque lingua præstabili.

Thrax quidam.

Homo Thracus ex ultima barbaria, ruris colēdi insolens quum in terras cultiores, humanioris vitæ cupidine, com-

88 LEMNISI HISTOR.

migrasset, fundum mercatus est oleo atq;
vino constitutum: qui nihil admodum su-
per vite aut arbore colenda sciret, videt
forte vicinum rubos latè atque alte obor-
tas exidentem, fraxinos ad summum
prope verticem deputantem, suboles vi-
tium è radicibus caudicum super terram
fusas revellentem, stolones in pomis aut
in oleis proceros atque decerptos ampu-
tantem; acceditque prope & cur tantam
ligni atque frondium cædem faceret per-
contatus est. & vicinus ita respondit; ut
ager, inquit, mundus purusque fiat, ejus-
que arbor atque vitis fœcundior. Discedit
ille à vicino, gratias agens, & lætus tan-
quam adeptus rei rusticæ disciplinam. Tū
falces ibi atque securim, capit atque ibi
homo miser imperitus vites suas sibi om-
nes & oleas detruncat, comasque arbor-
um lætissimas uberrimosq; vitium pal-
mites decidit, & frutecta atque virgulta
simul omnia, pomis frugibusque gignen-
dis felicia, cum sentibus & rubis purifi-
candi agri gratia convellit: mala mercede
doctus audaciam fiduciamque peccandi
imitatione falsa eruditus.

Lacedæmonij.

POpulus Lacedæmonius de summa rep.
sua, quidnam esset utile & honestum
deliberabat. Tum exurgit, sententiæ di-
cendæ gratia, homo quispiam turpitudine
pristinæ vitæ defamatissimus, sed lingua
tunc atq; facundia nimium quanto præsta-
bilis, consilium, quod dabat, quodque o-
portere fieri suadebat acceptū ab univer-
sis & complacitū est: futurumq; erat ex ejus
sententiâ populi decretum. Ibi unus ex il-
lo principum ordine, quos Lacedæmonii
ætatis dignitatisq; majestate tanquam ar-
bitros & magistros disciplinæ publicæ ve-
rebantur, commoto irritatoq; animo ex-
filit, & quænam, inquit, Lacedæmonii, ra-
tio, aut quæ tandem spes erit, urbem hanc
& hanc remp. salvam inexpugnabilemque
diutius esse posse, si hujuscemodi antea actæ
vitæ hominibus consiliariis utemur? quod
si proba ista hæc & honesta sententia est,
quæso vos, non sinamus eandem de ho-
nestari turpissimæ auctoris contagio. At-
que ubi hoc dixit, elegit virum fortitudi-
ne atque justitia præter alios præstantem,
sed inopi lingua & infacundum, jussitque
eum consensu petituque omnium, ean-
dem illam sententiâ disertum viri cujus-

modi posset verbis dicere : ut nulla prioris mentione habita scitum atque decretum populi ex ejus unius nomine fieret, quod ipsum denuo dixerat. Atq; ita ut suaserat prudentissimus senex, factum est. Sic bona sententia mansit, turpis auctor mutatus est.

Plutarchus.

PLutarchus servo suo nequam homini & contumaci, sed libris disputationibusque Philosophiæ aures imbutas habenti, tunicam detrahi ob nescio quod delictum, cædique eum loro jussit; cæperat verberari: obloquebatur non meruisse ut vapularet, nihil mali, nihil sceleris admisisse, postremo vociferari inter vapulandum incipit: neque jam querimonias aut gemitus ejulatusque facere, sed verba seria & objurgatoria: Non ita esse Plutarchum, ut diceret: philosophum irasci turpe esse: sæpe eum de malo iracundiæ edisertavisse, librum quoque pulcerrimum de refrenanda ira conscripsisse, iis omnibus quæ in eo libro scripta sunt, nequaquam convenire, quod provolutus effususque in irâ plurimus se plagis multaret. Tum Plutarchus lentè & leviter. Quid autè, inquit, verbero, nunc ego tibi irasci

irasci videor? ex vultu meo an ex voce, an ex colore, an etiam ex verbis correptum esse me ira intelligis? mihi quidem neque oculi opinor truces sunt, neque os turbidum, neque immaniter clamor, neque in spumam ruboremve effervesco, neque pudenda dico aut pœnitenda, neque omnino trepido ira & gestio. Hæc enim omnia, si ignoras, signa esse iratum solent. Et simul ad eum, qui cædebat, conversus, interim, inquit, dum ego atque hic disputamus, hoc tu age.

Senatus Romanus.

CVM Pyrrhus rex in Italia esset, & unam atque alteram pugnam prosperè pugnasset, satisque angerentur Romani & pleraque Italia ad Regem descivisset: tum Ambraciensis quispiam Timochares, regis Pyrrhi amicus, ad Fabricium consulem furtim venit, ac præmium petivit, & si de præmio conveniret, promisit regem venenis necare: idque facile esse factu, quoniam filii sui pocula in convivio regi ministrarent. Eam rem Fabricius ad senatum scripsit. Senatus legatos ad regem misit, mandavitque ut de Timochare nihil proderent, sed monerent, uti rex circumspectius ageret, atque à pro-

ximorum insidiis salutem tutaretur. Rex Pop. Rom. laudes atque gratias scripsit, captivosque omnes, quos tum habebat, restituit ac reddidit.

Protagoras.

PROtagoram, virum studiis in doctrinarū egregium, adolescentē ajunt victis quærendi gratia in mercedem missum, vecturasque onerum corpore suo factitavisse: quod genus Latini *Bajulos* appellamus. Is de proximo rure Abderā oppidum, cujus popularis fuit, caudices ligni plurimos funiculo brevi circumdatos portabat. tum forte Democritus civitatis ejusdem civis, homo ante alios virtutis & Philosophiæ gratia venerandus, cum egrederetur extra urbem, vidit eum cum illo genere oneris tam impedito ac tam incohibili, facile ac expedite incedentem, & prope accedit; & vincturam posituramque ligni scite perireque factam considerat, petitque ut paulum acquiescat, quod ubi Protagoras, uti erat petatum, fecit; atque itidem Democritus acervum illum & quasi orbem caudicum, brevi vinculo comprehensum, ratione quadam quasi geometrica librari continerique animadvertit: interrogavit quis id lignum ita composuisset: cū ille à se

compositum dixisset, desideravit uti solveret, ac denuo in modum eundem collocaret. at postquam ille solvit, ac similiter composuit: tum Democritus, animi aciem sollertiamque hominis non docti demiratus, Mi adolescens, inquit, cum ingenium bene faciendi habeas, sunt majora melioraquequæ facere mecum possis abduxitq; eum statim, secumque habuit & suum ministravit, & philosophias docuit, & esse eum fecit, quantus postea fuit.

Bucephalus equus Alexandri.

EQUUS Alexandri regis & capite & nomine *Bucephalus* fuit. Emtus scribitur valentis tredecim, & regi Philippo donatus. Super hoc equo dignum memoria visum, quod, ubi ornatus erat armatusque ad prælium haud unquam inscendi sese ab alio nisi à rege passus sit. id etiam de isto equo memoratum est, quod cum in eo insidens Alexander, bello Indico, & facinora faciens fortia, in hostium cuneum non satis sibi providens immisisset, coniectis undique in Alexandrum telis, vulneribus altâ cervice atque in latere equus perfossus est, moribundus tamen ac prope jam exsanguis è mediis hostibus regem vivacissimo cursu retulit: atque ubi

eum extra tela extulerat, illico concidit, & deinde jã superstitis securus, quasi cum sensus humani solatio, exspiravit, tum Alexander parta ejus belli victoria, oppidum in iisdem locis condidit, atque ob equi honores, Bucephalon appellavit.

Filius Cræsi.

Filius Cræsi regis, cum jam per ætatẽm
fari posset, infans erat; & cum jam multum
adolevisset, itẽ nihil fari quibat, mutus
adeo & elinguis diu habitus est, cum
verò in patrem ejus bello magno victum,
& urbe, in qua erat, capta, hostis gladio
deducto regem esse ignorans invaderet:
diduxit adolescens os clamare nitens, eo-
q; nisu & impetu spiritus vitium nodum-
que linguæ rupit; planèque & articulatè
locutus est, clamans in hostẽ ne rex Cræ-
sus occideretur, tum & hostis gladium re-
duxit, & rex vita donatus est, & adoles-
cens loqui prorsum deinceps incepit. Sed
& quispiam Samius Athleta, nomẽ illi fuit
Ægles, cum antea non loquens fuisset, ob
similem dicitur cassam loqui ccepisse, nam
cum sacro certamine sortitio inter ipsos &
adversarios non bona fide fieret, & sortem
nominis falsam subjici animadvertisset: re-
pente in cum, qui id faciebat sese videre
quid

quid faceret malum inclamavit, atq; is oris vinculo solutus, per omne inde vitæ tempus, non turbide neque adhæsè locutus est.

Attilius Regulus.

Regulus captus, ad ea quæ in senatu Romæ dixit, suadens, ne captivi cum Carthaginensibus permutarentur, id quoque addidit, venenum sibi Carthaginenses dedisse nō præsentaneum, sed ejusmodi quod mortem in diem proferret; eo consilio ut viveret quidem tantisper quò ad fieret permutatio, post autem grassante sensum veneno cor tabesceret. Idem Regulus redisse Carthaginem novisque exemplorum nodis excruciatum à Pœnis dicitur. In atras enim & profundas tenebras eum claudebant, ac diu post, ubi erat visus sol ardentissimus, repente educebant, & adversus ictus solis oppositum continebant, atque intendere in cœlum oculos cogeabant, palpebras quoque ejus, ne connivere posset, sursum ac deorsum diductas insuebant.

Scipio Africanus.

Assebat Scipio Africanus superior, oppugnabatque oppidum in Hispania, situm, manibus, defensoribus validum &

munitum:re etiam cibaria copiosum:nul-
laque ejus potiundi spes erat. & quodam
die jus in castris sedens dicebat: atque ex
eo loco id oppidū procul videbatur. tum
ē militibus, qui in jure apud eum stabant,
interrogavit quispiam ex more in quem
diem locumque vadimonium promitti
juberet,&Scipio manum ad ipsam oppidi,
quod obsidebatur,arcem protendens. Pe-
rendie, inquit, sese sistant illo in loco. at-
que ita factum, die tertio in quem vadari
jusserat, oppidum captum est, eodemque
die in arce ejus oppidi jus dixit.

Accius.

CUm Pacuvius grandi jam ætate & mor-
bo corporis diutino affectus, Tarentum
ex urbe Roma concessisset, Accius tunc
haud paullo junior proficiscens in Asiam,
quum in opidum venisset,divertit ad Pa-
cuvium: comiterque invitatus, plusculisq;
diebus ab eo retentus, tragœdiam suam
cui Atreus nomen est, desideranti legit.
Tum Pacuvium dixisse ajunt, sonora qui-
dem esse, quæ scripsisset, & grandia, sed
videri tamen ea sibi duriora paullum &
acerbiora. Ita est, inquit, Accius, uti di-
cis, neque id sanè me pœnitet: meliora
enim fore spero quæ deinceps scribam,

nam

nam quod in pomis est, itidem, inquit, ajunt esse in ingeniis : quæ dura & acerba nascuntur , post fiunt mitia & jucunda, sed quæ gignuntur statim vieta & mollia, atque in principio sunt uvida , non matura mox fiunt, sed putria. relinquendum igitur visum est ingenio, quod dies atque ætas mitificet.

Vita humana.

Vita hominum , qui ætatem in medio rerum agunt , ac sibi suisque esse usui volunt, negotia periculaque ex improvviso assidua ac prope quotidiana fert, ad ea cavenda atque declinanda proinde esse oportet animo semper prompto atque întento, ut sunt athletarum qui pancratiæ vocantur. nam sicuti illi ad certandum vocati projectis altè brachiis consistunt , caputque & os suum manibus oppositis quasi vallo promuniunt, membraque eorum omnia , priusquam pugna mota est, aut ad vitandos ictus cauta sunt, aut ad faciendos parata: ita animus atque mens viri prudentis , adversus vim & petulantias injuriarum, omni in loco atque tempore prospiciens, debet esse erecta, ardua, sæpta solidè , expedita , nunquam connivens, nusquam aciem suam flectens, consilia cogita.

gitationesque contra fortunæ verbera, cō-
traque insidias iniquorum quasi brachia &
manus protendens; ne qua in re adversa
& repentina incurfio imparatis improte-
ctisque nobis oboriatur.

Alcibiades.

ALcibiades Atheniensis cum apud avun-
culum Periclem puer artibus ac disci-
plinis liberalibus erudiretur, & arcessi Pe-
ricles Aritigenidam tibicinem iussisset, ut
eum canere tibiis, quod honestissimum
tum videbatur, doceret: traditas sibi tibi-
as cum ad os adhibuisset inflassetque, pu-
defactus oris deformitate abiecit infregit-
que. ea res cum percrebuiisset; omnium
tum Atheniensium consensu, disciplina
tibiis canendi desita est.

Cornelius Sacerdos.

QVo Cæsar & Pompejus die per civile
bellum signis collatis in Thessalia con-
fluxerunt, res accidit Patavii in transpada-
na Italia memorari digna. Cornelius qui-
dam Sacerdos, & loco nobilis & sacerdo-
tii religione venerandus, & castitate vitæ
sanctus, repente mota mente conspiceret
se procul dixit pugnam acerrimam pu-
gnari, ac deinde cedere alios, alios urgere,
cadem, fugam, tela volantia, instaurationē

pugne, impressionem, gemitus, vulnera, perinde ut si ipse in proelio versaretur coram videre sese vociferatus est, ac postea subito exclamavit Cæsarem vicisse. Ea Cornelii Sacerdotis hariolatio levis tum quidem visa est & vecors, magnæ mox admirationi fuit, quod non modo pugnae dies, quæ in Thessalia pugnata est, neque proelii exitus, qui erat prædictus, idem fuit, sed omnes quoque pugnandi reciprocae vices, & ipsa exercitum duorum conflictatio vaticinantis motu atque verbis repræsentata est.

Sertorius.

Sertorius vir acer, egregiusque dux, et tuendi regendique exercitus peritus fuit. is, in temporibus difficillinis & mentiebatur ad milites si mendacium prodesset, & literas compositas pro veris legebat, & somnium simulabat, & falsas religiones conferebat, siquid istæ res eum apud militum animos adjurtabant. Illud adeo Sertorii nobile est. Cerva alba eximiae pulchritudinis & vivacissimæ celeritatis à Lusitano ei quodam dono dato est. Hanc sibi oblatam divinitus & instinctam Dianæ numine colloqui secum monereque & docere, quæ utilia factu essent, persuadere omnibus instituit: ac si quid durius videbatur

batur quod imperandum militibus foret, à cerva sese monitum prædicabat. Id cum dixerat, universi tanquam semi Deo libentes parebant. Ea cerva quodam die cum incurso esset hostium nuntiata festinatio, tumultu consternata in fugam sese prorupit, atque in palude proxima delituit, & postea requisita perisse credita est, neque multis diebus post, inventam esse cervam; Sertorio nuntiatur, eum, qui nunciaverat, iussit tacere, ac ne cui palam diceret, interminatus est: præcepitque ut eam postera die repente in eum locum, in quo ipse cum amicis esset, immitteret. admissis deinde amicis postridie, visam sibi ait in quiete cervam, quæ perisset, ad se reverti, & ut prius consueverat, quod opus esset facto prædicare. tum Sertorio quod imperaverat significante, cerva emissâ in cubiculum Sertorii introrupit. Clamor factus & orta admiratio est: eaque hominum barbarorum credulitas Sertorio in magnis rebus magno usui fuit. Memoriam proditum est, ex iis nationibus, quæ cum Sertorio faciebant, cum multis præliis superatus esset, neminem unquam ab eo descivisse, quamquam id genus hominum esset mobilissimum.

Demetrius Poliorcetes.

RHodum insulam celebritatis antiquissimæ, oppidumq; in ea pulcerrimum ornatissimumq; obsidebat, oppugnabatq; Demetrius, dux ætatis suæ inclitus: cui à peritia disciplinaque faciendi obsidii, machinarumque solertia ad capienda oppida repertarum, cognomentum Poliorcetes fuit. tum ibi in obsidione illa ædes quædam publice factas, quæ extra urbis muros cum parvo præsidio erant, aggredi & vastare atque absumere igni parabat: in his ædibus erat memoratissima illa imago Ialysi Protogenis manufacta illustris pictoris, cujus operis pulcritudinem præstantiamque ita percitus Rhodiis invidēbat, mittunt Rhodii ad Demetrium legatos cum his verbis: Quæ malum, inquit, ratio est, ut tu imaginem istam velis incendio ædium facto disperdere? nam si nos omnes superaveris, & oppidum hoc totum ceperis, imagine quoque illa integra & incolumi per victoriam poteris, sin verò nos vincere obsidendo nequiveris: petimus consideres ne turpe sit, quia non potueris bello Rhodios vincere, bellum cum Protogene mortuo gessisse, hoc tibi ex legatis audivit, oppugnatione desita, & imagini & civitati pepercit.

Psylli.

Gens in Italia Marforum orta esse fertur à Circæ filio, propterea Marfis hominibus quorum duntaxat familiæ cum externis cognationibus nondum etiam permixtæ corruptæque sunt, vi quadam genitali datum est, ut serpentium virulentorum domitores sint, & intentionibus herbarumque succis faciant medelarum miracula. Hac eadem vi præditi quondam Psylli fuerunt, de quibus hæc fabula invenitur. Psyllos olim fuisse in terra Africa conterminos Nasamonibus: Austrumque in finibus eorum quodam tempore perquàm validum ac diutinum flavisse: eo flatu aquam omnē in locis, in quibus colebant, exaruisse: Psyllos reaquaria defectos eam injuriam graviter succensuisse Austro decretumque fecisse, uti armis sumtis ad Austrum, proinde quasi ad hostem, jure belli res repetitum proficiscerentur: atque ita protectis ventum Austrum magno spiritus agmine venisse obviam, eosque universos, cum omnibus copiis armisque, cumulis montibusque harenarum supervectis operuisse: eo facto Psyllos ad unum omnes interisse: itaque eorum fines à Nasamonibus occupatos.

Menan-

Menander.

Menander à Philemone, nequaquam pari scriptore in certaminibus Comœdiarum ambitu gratiaque & factionibus sæpenumero vincebatur. eum cum fortè habuisset obviam, Quæso, inquit, Philemo, bona venia dic mihi, cum me vincis non erubescis?

Litteræ occultæ.

Lacedæmonii veteres, cum dissimulare & occultare literas publicè ad imperatores suos missas volebant, ne si ab hostibus eæ captæ forent, consilia sua noscerentur, epistolas id genus fictas mittebant: furculi duo erant teretes, derafi atque ornati consimiliter. unus imperatori in bellum proficiscenti dabatur: alterum domi magistratus cum jure atque cum signo habebant, quando usus venerat literarum secretiorum, circum eum furculum lorum modicæ tenuitatis; longum autem quantum rei satis erat, complicabant, volumine rotundo atque simplici, ita ut oræ adjunctæ undique & cohærentes loci, quod plicabatur, coirent. literas deinde in eo loro per transversas juncturarum oras, versibus à summo ad imum proficiscentibus, inscribebant. Id lorum litteris ita perscriptis re-

volu-

volutum ex furculo imperatori commen-
 ti illius conscio mittebant, resolutio autem
 lori litteras truncas atque mutilas redde-
 bat, membraque earum & apices in parteis
 diversissimas pargebat, propterea si id lo-
 rum in manus hostium inciderat, nihil
 quicquam conjectari ex eo scripto quibat.
 Sed ubi ille, ad quem erat missum, acce-
 perat, furculo compari, quem habebat, ca-
 pite ad finem, proinde ut debere fieri scie-
 bat, circumplicabat: atque ita literæ per
 ambitum eundem furculi coalescētes rur-
 sum coibant, integramque & incorruptam
 epistolam & facilem legi præstabant. Hoc
 genus epistolæ Lacedæmonii scytalen ap-
 pellant. Legimus etiam virum quempiam
 illustrem Pœnum epistolam scriptam su-
 per rebus arcanis hoc modo abscondisse;
 pugillaria nova nondum etiam cera illita
 accepiſſe; litteras in lignum incidisse; postea
 tabulas, uti solitum est, cera conleviſſe; eas-
 que tabulas tanquam non scriptas cui fu-
 turum id prædixerat, miſiſſe; eum deinde
 ceram deaſiſſe, litterasque incolumes li-
 gno incisas legiſſe. Est & alia in monumen-
 tis rerum Græcarum profunda quædam &
 inopinabilis latebra barbarico astu exco-
 gitata. Hiſtieus nomine fuit, loco natus in
 terra Aſia non ignobili, Aſiam tunc tene-
 bat

bat imperio rex Darius. Is Histieus, cum in Persis apud Dariū esset, Aristagoræ cui-
piam res quasdam occultas nuntiare furti-
vo scripto volebat conminiscitur oper-
tum hoc literarum admirandum: servo suo
diu oculos ægros habenti capillū ex capite
omni tanquam medēdi gratia, deradit; ca-
put ejus leve in litterarū formas compun-
git. His litteris quæ voluerat perscripsit, ho-
minem postea quo ad capillus adolesceret,
domo continuit, ubi id factum est, ire ad
Aristagoram jubet, & cum ad eum, inquit,
veneris, mandasse me dicito, ut caput tu-
um, sicut nuper egomet feci, deradat. Ser-
vus, ut imperatum erat, ad Aristagoram
venit, mandatumque domini affert, atq;
ille id non esse frustra ratus, quod erat
mandatum, facit, ita litteræ perlatae sunt.

Mithridates.

ANates Ponticas dicitur edundis vulgò
venenis victitare. Scriptum etiam, Mi-
thridatem illum Ponti regem medicinæ
rei & remediorum id genus sollertem fu-
isse, solitumque earum sanguinem miscere
medicamentis, quæ digerendis venenis va-
irēt; eumque sanguinem vel potentissimū
esse in ea confectioe; ipsum autem regem,
assiduo talium medelarum usu, à clande-
stinis epularum insidiis cavisse: quin &
scien-

scientem quoque ultro & ostentandi gratia venenunt rapidum & velox sæpenumero hausisse, atque id tamen sine noxa fuisse, quamobrem postea, cùm proelio victus in ultima regni refugisset, & mori decrevisset, venena violentissima festinandæ necis gratia frustra expertus, tuo se ipse gladio transegit. Hujus regis antidotus celebratissima, quæ Mithridatios vocatur.

Romulus.

ROmulum dicunt ad cænam vocatum, ibi non multum bibisse, quia postridie negotium haberet, ei dicunt: Romule, si istud omnes homines faciant, vinum vilius sit, is respondit: imo vero carum, si quantum quisque volet, bibat: nam ego bibi quantum volui.

Victus & somnus puerorum.

PVeros impuberes compertum est si plurimo cibo nimioque somno uterentur, habetiores fieri: advertimusque hinc elici tarditatem, corporaque eorum improcera fieri, minusque adolescere.

Philosophus quidam, Narrante A. Gellio.

Navigabamus mare Ionium violentum & vastum & jactabundum, nox deinde quæ primum diem secuta est, in ea fere to-

ta ventus à latere sæviens navem undis cō-
 pleverat, tum postea complorantibus o-
 mnibus nostris atque sentinantibus, dies
 quidem tandem illuxit, sed nihil de peri-
 culo neque de sævitia remissum; quin tur-
 bines etiam crebriores, & cœlum atrum, &
 fumigantes globi, & figuræ quædam nu-
 bium metuendæ, quas typhonas vocabant
 impendere imminereque, ac depressuræ
 navem videbantur. in eadem fuit philoso-
 phus in disciplina Stoica celebratus, quem
 ego Athenis cognoveram non parva virū
 auctoritate, satisque attente discipulos ju-
 venes continentem. Eum tunc in tantis
 periculis inque illo tumultu cœli marisq;
 requirebam oculis; scire cupiens quonam
 statu animi, & an interritus intrepidusque
 esset, atque ibi hominem conspiciamus im-
 pavidum & extrilidum, ploratus quidem
 nullos, nec ullas ejusmodi voces cientem,
 sed coloris & vultus turbatione non multū
 à ceteris differentem. At ubi cælum enituit
 & deferbuit mare, & ardor ille periculi de-
 flagravit, accedit ad Stoicum Græcus quis-
 piam dives ex Asia, magno, ut videbamus
 cultu paratuque rerum & familiæ, atque
 ipse erat multus corporis animique deli-
 tiis diffluens. Is quasi illudens, quid hoc est
 inquit, ô philosophe, quod cum in pericu-
 lis essemus, timuisti ut & palluisti, ego ne-
 que

que timui neque pallui, & philosophus aliquantum cunctatus an respondere ei conveniret. Si quid ego, inquit, in tanta violentia tempestatum videor paulum pavefactus, non tuistius rei ratione, audienda dignus es, sed tibi sane Aristippus ille pro me responderit: qui in simili tempore à similimo tibi homine interrogatus quare philosophus timeret, cum ille contra nihil metueret, non eandem esse causam sibi atque illi respondit: quoniam is quidem esset non magno opere sollicitus pro anima nequissimi nebulonis, ipsum autem pro Aristippi anima timere, his tunc verbis Stoicus divitem illum Asiaticum à sese amolitus est.

Æschines.

Socrati cum multa multi pro suis quisque facultatibus offerret: Æschines pauper auditor: Nihil, inquit, dignum te quod dare tibi possim, invenio & hoc modo pauperem me esse sentio. Itaque dono tibi quod unum habeo me ipsum; Hoc munus rogo, qualecumque est, boni consulas, cogitesque alios cum multum tibi darent, plus sibi reliquisse. Cui Socrates: Quid ni tu inquit, mihi magnum munus dederis, nisi forte parvo te æstimas, Habebo itaque

itaque curæ, ut te meliorem tibi reddam, quàm accepi. Vicit Æschines hoc munere Alcibiadis parem divitiis animum, & omnium juvenum munificentiam.

Arcefilaus.

ARcefilaus amico pauperi, & paupertatem suam dissimulanti, ægro autem, & ne hoc quidem confitenti, deesse sibi insumptum ad necessarios usus, cum clam succurrendum judicasset, pulvino ejus ignorantis sacculum subjecit, ut homo inutiliter verecündus, quod desiderabat, inveniret potiùs, quàm acciperet.

Alexander.

VRbem cuidam Alexander donabat ver-
sanus, & qui nihil animo nisi grande conciperet. Cum ille cui donabatur, se ipsum mensus, tanti muneris invidiam refugisset, dicens non convenire fortunæ suæ: Non quæro inquit, quid te accipere deceat, sed quid me dare. Animosa vox videtur & regia, cum sit stultissima. Nihil enim per se quemquam decet, refert quid, cui, quando, quare, ubi, & cætera, sine quibus facti ratio non constabit. Tumidissimum animal! si illum accipere hoc non decet, nec te dare. Habeatur personarum ac dignitatum ratio. Et cum sit utrim-

F

que

que virtutis modus, æque peccat quod excidit, quàm quod defecit.

Duo servi.

TRadunt Historici cū obsideretur Adrumetum, & jam ad summam desperationem ventum esset, duos servos ad hostē transfugisse, & operæ pretium fecisse. Deinde urbe capta, passim discurrente victore, illos per nota itinera ad domum in qua servierant, præcurrisse, & dominam suam ante se egisse, & querentibus quenam esset, dominam & quidem crudelissimam ad supplicium ab ipsis duci, professos esse, e ductam deinde extra muros summa cura celasse, donec hostilis ira cōsideret. Deinde ut satiatus miles ad Romanos mores cito rediit, illos quoque ad suos rediisse, & dominam sibi ipsis dedisse. Mānumisit utrūque è vestigio illa: nec indignata est ab his se vitam accepisse, in quos vitæ necisque potestatem habuisset.

Servus Pauli

SVb Tiberio Cæseare fuit accusandi frequens, & pæne publica rabies, quæ omni civili bello gravius togatam civitatē confecit. Excipiebatur ebriorum sermo, simplicitas jocantium: nihil erat tutum. Omnis seviendi placebat occasio. Nec jam
reorum

reorum, expectabatur eventus, cum esset unus. Cenabat Paulus Prætorius in convivio quodam, imaginem Tiberij Cæsaris habens, ectypam & eminente gemma. Sumpsit matellam. Quod simul factum, & Maro ex notis illius temporis vestigatoribus notavit. At servus ejus cui necebantur insidiæ, ei ebrio anulum extraxit. Et cum Maro convivas testaretur, admotam esse imaginē obscenis, & jam subscriptionem componeret, ostendit in manu sua servus anulum.

Rufus.

Rufus vir ordinis senatorij inter cenam optaverat, ne Cæsar salvus rediret ex ea peregrinatione, quam parabat: & adjecerat idem omnes & tauros & vitulos optare. Fuerunt qui illa diligēter audirent. Ut primum diluxit, servus qui cenanti ad pedes steterat, narrat quæ inter cenam ebrius dixisset. Hortatur eum, ut Cæsarem occupet, atque ipse se deferat. Rufus consilio, descendenti Augusto occurrit. Et cum malam mentem habuisse se pridie jurasset, id ut in se & filios suos recideret, optavit; & Cæsarem ut ignosceret sibi, rediretque in gratiam secum, rogavit. Cū dixisset se Cæsar facere: Nemoque inquit, cre-

det te mecum in gratiam rediſſe, niſi aliquid mihi donaveris: petitque non faſti- diendam à propitio ſummam, & impe- travit. Cæſar ait: Mea cauſa dabo operam, ne unquam tibi irarcar. Honeſtè Cæſar, quod ignovit, quod liberalitatem clemē- tiæ adjecit.

Ingratus hospes.

Philippus Macedonum rex habebat mi- litem manu fortem, cujus in multis ex- peditionibus utilem expertus operam, ſu- binde ex præda aliquid illi virtutis cauſa donaverat, & hominem venalis animę cre- bris auctoramentis accendebat. Hic nau- fragus in poſſeſſiones cujuſdam Macedo- nis expulſus eſt. Quod ut Macedoni illi nuntiatum eſt, accurrit, ſpiritum ejus recollegit, in villam illum ſuam tranſtulit, lectulo ſuo ceſſit, affectum ſemianimemq; recreavit diebus triginta impenſa ſua cu- ravit, reſecit, viatico inſtruxit, ſubinde di- centem: Gratiam tibi referam, videre tan- tum mihi imperatorem meū contingat. Narravit Philippo naufragium ſuum, au- xilium tacuit, & protinus petijt, ut ſibi præ- dia cujuſdam donaret. Ille quidem erat hospes ejus, is ipſe, à quo receptus erat, à quo ſanatus, Multa reges, in bello præſer-
tim

tim, opertis oculis donant. Non sufficit, homo iustus unus tot armatis cupiditatib. Non potest quisquam eodem tempore & bonum virum & bonum ducem agere. Quomodo tot millia hominum insatiabilia satiabuntur? Quid habebunt si quisque suum habuerit? Hoc Philippus sibi dixit, cum illum induci in bona quæ petebat iussit. expulsis bonis suis ille, non ut rusticus, injuriam tacitus tulit, contentus quod non & ipse donatus esset: sed Philippo epistolam strictam & liberam scripsit: qua accepta ira exarsit, ut statim Pausaniæ mandaret, ut bona priori domino restitueret, ceterum improbißimo militi ingratissimo hospiti, avidissimo naufrago, stigmata inscriberet, ingratum hospitem testantia. Dignus quidem fuit, cui non inscriberentur illæ litteræ, sed insculperentur, qui hospitem suum, nudo & naufrago similem, in id in quo jacuerat ipse littus expulerat.

Pithagoricus quidam.

Pythagoricus quidam emerat à sutore phæacia, rem magnam, non præsentibus nummis. Post aliquot dies venit ad tabernam redditurus: & cum clausam dispulsaret, fuit qui diceret: Quid perdis operam tuam, Sutor ille, quem quæris; elatus

tus, combustus est: quod nobis fortasse molestum est, qui in æternum nostros amittimus; tibi minime, qui scis futurum ut renascatur: jocatus in Pythagoricum. At Philosophus noster tres aut quatuor denarios (non invita manu) domum retulit subinde concutiens, deinde cum reprehendisset hanc suam non reddendi tacitâ voluptatem, intelligens arrisisse sibi illud lucellum, redit ad eandem tabernam, & ait, ille tibi vivit, tu redde, quod debes: deinde per clostrum quâ commissura laxaverat, quatuor denarios in tabernam inservit, ac misit, pœnas à se exigens improbæ cupiditatis, ne alieno assuesceret.

Cn. Piso.

CN. Piso fuit memoria nostra vir à multis vitiis integer, sed pravus, & cui placebat, pro constantia rigor. Is cum iratus duci jussisset eum, qui ex commeatu sine commilitone redierat, quasi intertecisset quem non exhibebat, roganti tempus aliquod ad conquirendum, non dedit, damnatus extra vallum dictus est, & jam cervicem porrigebat, cum subito apparuit ille qui occisus videbatur. Tunc centurio supplicio præpositus, condere gladium speculatorem jubet: damnatum ad Pilonem redu-

reducit, redditurus Pisoni innocentiam, nam militem fortuna reddiderat. Ingenti concursu deducuntur, complexi alter alterum cum magno gaudio castrorum cō-militones. Conscendit tribunal furens Piso, ac jubet duci utrumque & eum militem qui non occiderat, & eum qui non perierat? Quid hoc indignius quia unus innocēs apparuerat, duo peribāt, Piso adjecit & tertium. Nam ipsū Centurionem, qui damna tū reduxerat, duci jussit, constituti sunt in eodē illo loco tres, ob unius innocentiam. O quam follers est iracundia ad fingendas causas furoris! Te, inquit, duci jubeo, quia damnatus es: Te, quia causa damnationis cōmilitoni fuisti: Te, quia jussus occidere, Imperatori non paruisti. Excogitavit quē-admodum tria faceret crimina, quia nullum invenerat.

Tyrannicida.

TYrannicida impertecto opere comprehensus, & ab Hippia tortus, ut conscios indicaret, circumstantes amicos tyranni nominavit, quibus quam maxime caram salutem ejus sciebat. Et cum ille singulos, ut nominati erant, occidi jussisset, interrogavit ecquis superesset? Tu inquit, solus: neminem enim alium, cui carus esses, reli-

qui. Effecit ita, ut tyrannus tyrannicidæ manus commodaret, & præsidia sua suo gladio cæderet.

Cambyfes.

CAmbyfen regem nimis deditum vino Proxaspes unus ex carissimis monebat, ut parcius biberet, turpem esse dicens ebrietatem in rege, quæ oculi omnium auresque sequerentur. Ad hoc ille: Vt scias, inquit, quemadmodum nunquam excidam mihi, approbabo jam & oculos post vinum in officio esse, & manus. Bibit deinde liberalius quàm alias, capacioribus scyphis, & jam gravis & vinolentus, objurgatoris sui filium procedere ultra limen jubet, allevataque super caput sinistra manu stare. Tum intendit arcum, & ipsum cor adolescentis (id enim se petere dixerat) figit, recisoq; pectore hærens in ipso corde spiculum ostendit: ac respiciens patrem, an satis certam haberet manum interrogavit. At ille negavit Apollinem potuisse certius mittere. O regem cruentum & dignum in quem omnium suorum arcus verterentur! Tale quid suaserat eidem regi Harpagus, quo offensus, liberos illi epulandos apposuit, & subinde quæsiit, an placeret conditura. Deinde ut satis illum plenum suis
ma-

malis vidit, afferri capita illorum iussit, & quomodo esset acceptus interrogavit. Non defuerunt misero verba, non os concurrir. Apud regē, inquit, omnis cœna jucunda est.

Lyfimachus.

LYfimachus ab Alexandro irato leoni objectus, & felicitate quadam dentibus leonis elapsus, ob hoc, cum ipse post mortem Alexandri regnaret, mitior non fuit. Nam Telephorum Rhodium amicum suum decurtatum, cum aures illi nasumque abscidisset, in cavea velut novum aliquod animal & inusitatum diu pavit: cum oris detruncati mutilitatie deformitas humanam faciem perdidisset, accedebat fames & squalor & illuvies corporis, in stercore suo destituti, callosis super hæc genibus manibusque, quas in usum pedum angustiae loci cogeabant. Lateribus verò attritu exulceratis, non minus foeda quam terribilis erat forma ejus visentibus. Factusque pœna sua monstrum, misericordiam quoque amiserat: tamen cum dissimillimus esset homini, qui illa patiebatur, dissimilior erat qui faciebat.

Camtyfes.

ÆThiopes, qui ob longissimū vitæ spacium Macrobij appellantur, quia non

supinis manibus exceperant servitutem; missisq; legatis libera responsa dederant, quæ cõtumeliosa reges vocant. in eos fremebat Cambyses, & nō provisus commensibus, non exploratis itineribus, per invia, per arentia trahebat omnem bello utilem turbam: cui intra primum iter deerant necessariâ, nec quicquam subministrabat sterilis&inculta, humanoque ignota vestigio regio. Sustinebant famem primo tenerrima frondium, & cacumina arborum. Tum coria igne mollita, & quicquid necessitas cibum fecerat. Postquam inter harenas radices & herbæ quoq; defecerant, apparuitque etiam inops animalium solitudo, decimumquemque sortiti, alimentum habuerunt fame sævius. Agebat adhuc ira regem præcipitem, cum partem exercitus amisisset, partē comedisset: donec timuit, ne & ipse vocaretur ad sortem, tum demum signum receptui dedit. Servabantur interim illi generosæ aves, & instrumenta epulorum camelis vehabantur, cum sortirentur milites ejus, quis malè periret, quis pejus viveret.

Cyrus.

CVm Babylonem oppugnaturus festinaret ad bellum, cujus maxima momenta in

ta in occasionibus sunt, Gynden late
 fufum amnē vado transire tentavit: quod
 vix tutum, etiam cum sensit æstatem, & ad
 minimum deductus est. Ibi unus ex his
 equis qui trahere regium currum albi so-
 lebant, abreptus, vehementer commovit
 regem. Iuravit itaque amnem illum regiis
 equis meatum auferentem, eo se redactu-
 rum, ut transiri calcarique etiam à femi-
 nis posset. Huc deinde omnem transtulit
 belli apparatus, & tamdiu assedit operi,
 donec centum & octoginta cuniculis di-
 visum alveum in trecentos & sexaginta
 rivos dispergeret, & siccum relinqueret
 in diversum fluentibus aquis. Perijt itaque
 & tempus, magna in vanis rebus iactura,
 & militum ardor, quem inutilis labor
 fregit, & occasio aggrediendi imparatos,
 dum ille bellum indictum hosti cum flu-
 mine gerit.

Antigonus.

DVo manipulares incumbentes regio
 tabernaculo faciebant, quod homines
 periculosissimè & libentissimè faciunt: de
 rege suo male existimabant, male loque-
 bantur. Audierat omnia Antigonus, utpo-
 te cum inter dicentes & audientem palla
 interesset: quam ille leniter commovit,

&, Longius, inquit, discedite. ne vos rex audiat. Idem quadā nocte cū quosdam ex militibus suis exaudisset, omnia mala imprecantes regi, qui ipsos in illud iter & inextricabile lutum deduxisset, accessit ad eos qui maxime laborabant: & cum ignorantes à quo adjuvarentur, explicuisset: Nunc, inquit, maledicite Antigono, cuius vitio in has misérias incidistis: ei autem bene opiate, qui vos ex hac voragine eduxit. Idem tam miti animo hostium suorum maledicta, quàm civium tulit. Itaque cum in parvulo quodā castello Græci obsiderentur, & fiducia sui contemnentes hostem multas in deformitatem Antigoni jocarentur, & nunc staturam humilem, nunc collisum nasum deriderent: Gaudeo, inquit, & aliquid boni spero: in castris meis Silenum habeo. Cum hos dicaces fame domuisset, captis sic usus est, ut eos qui militiæ utiles erāt, in cohortes describeret, cæteros præconi subijceret, id quoq; negavit se facturum fuisse, nisi expediret his dominum habere, qui tam malām haberent linguam.

Philippus.

IN Philippo patre Alexandri magni summa fuit patientia contumeliarum, ingens instrumentum ad tutelam regni. Demochates

chates ad illum, *Parrhesiastes* ob nimiam & proacem linguam appellatus, inter alios Atheniensium legatos venerat. Audita benignè legatione Philippus: Dicite, inquit, mihi facere quid possum, quod sit Atheniensibus gratum? Excepit Demochates: Te, inquit suspendere. Indignatio circumstantium ad tam inhumanum responsum exorta est: quos Philippus conticescere iussit, & *Thersiten* illum salvum incolumemque dimittere. At vos cæteri legati, inquit, nuntiate Atheniensibus, multo superbiores esse qui ista dicunt, quàm qui impune dicta audiunt.

Augustus Cæsar.

Multa Augustus digna memoria fecit, dixitq; quibus appareat iram illi non imperasse. *Timagenes* historiarum scriptor quædam in ipsum, quædã in uxorem ejus, & in totam domum ejus dixerat, nec perdiderat dicta: magis enim circumfertur, & in ore hominum est temeraria urbanitas. Sæpe illum Cæsar monuit, ut moderatius lingua uteretur, perseveranti domo sua interdixit. Postea *Timagenes* in contubernio *Pollionis* *Afinii* consenuit ac tota civitate dilectus est. nullum illi liamen præclusa Cæsar's domus abstulit. Historias

Storias postea quas scripserat, recitavit, & combussit, & libros acta Cæsaris continētes in ignem posuit. Inimicitias gessit cum Cæsare: nemo amicitiam ejus extimuit, nemo quasi fulguritum refugit. Fuit qui præberet tam altè cadenti sinum. Tulit hoc ut dixi, Cæsar patienter, ne eo quidem motus quod laudibus suis rebusq; gestis manus attulerat. Numquam cū hospite inimici sui questus est: hoc dumtaxat Pollioni dixit, Feram alis. Paranti demum excusationē, obstitit, Fruere, inquit, mi Pollio frui. Et cum Pollio diceret: si jubes, Cæsar, statim illi domū meam interdicam. Hoc me inquit, putas factum cum ego vos in gratiam reduxerim? Fuerat enim aliquando Timageni Pollio iratus: nec ullam aliam habuerat causam desinendi, quàm quod Cæsar cœperat.

Cato.

Cato, causam illi agenti, cum in frontem mediam quantum poterat attracta pingui saliva inspississet, Lætulus homo factiosus & impotens, absterfit faciem, & Affirmabo, inquit, omnibus, Lentule, falli eos quine negant te os habere.

Augu-

Augustus.

CV M Augustus cænaret apud Vedium Pollionem, fregerat unus ex servis ejus crystallinum. Ad mortem rapi eum Veditus jussit, nec vulgari quidem periturum morte: murænis obiici jubebatur, quas ingēs piscina continebat, quas humano sanguine saginabat. Homo mille mortibus dignus, sive devorandos servos obiiciebat murænis, quas esurus erat; sive in hoc tantum illas aleret, ut sic aleret. Evasit ē manibus puer, & confugit ad Cæsaris pedes, nihil aliud petiturus, quàm ut aliter periret nec esca fieret. Motus est novitate crudelitatis Cæsar, & illum quidem mitti, crystallina autem omnia coram se frangi jussit, complerique piscinam.

Vidua quædam.

MAtrona quædam Ephesi tam notæ erat pudicitia, ut vicinarum quoque gentium feminas ad sui spectaculū evocaret. Hæc ergo cum virum extulisset, non contenta vulgari more funus passis prosequi crinibus, aut nudatum pectus in conspectu frequentia plangere, in conditorium etiam prosecuta est defunctum, positumque in hypagæo Græco more corpus custodire ac
fletu

flere totis noctibus diebusque cœpit. Sic afflictantem sese, ac mortem inedia persequentem non parentes potuerunt abducere, non propinqui, magistratus ultimo repulsi abierunt, complorataque singularis exempli femina ab omnibus, quintum jam diem sine alimento trahebat. Assidebat ægræ fidissima ancilla simulque & lacrymas commendabat lugenti, & quoties defecerat, positum in monumento lumen renovabat. Vna igitur in tota civitate fabula erat, & solum illud adfulsisse verum pudiciæ amorisque exemplum omnis ordinis homines confitebantur. Cum interim imperator provinciæ latrones iussit crucibus affigi, secundum illam eandem casulam, in qua recens cadaver matrona deflebat. Proxima ergo nocte cum miles qui cruces asservabat, ne quis ad sepulturam corpora detraheret, notasset sibi & lumen inter monumenta clarius fulgens, & gemitum lugentis audisset; vitio gentis humanæ concupiit scire, quis aut quid faceret. Descendit igitur in conditorium, visaque pulcherrima muliere, primo quasi quodam monstro, infernisque imaginibus turbatus substitit: deinde ut & corpus jacentis conspexit, & lacrymas consideravit, faciemque unguibus sectam, ratus scilicet

licet quod erat, desiderium extincti non posse feminam pati; attulit in monumentum cœnulam suam, cœpitque hortari lugentem, ne perseveraret in dolore super vacuo, & nihil profuturo gemitu pectus diduceret: omnium eundem esse exitum: sed & idem domicilium, & cetera, quibus exulceratæ mentes ad sanitatem revocantur. At illa ignota consolatione perculsa, laceravit vehementius pectus, ruptosque crines super pectus jacentis posuit. Non recessit tamen miles, sed eadem exhortatione tentavit dare mulierculæ cibū, donec ancilla vini certè ab eo odore corrupta, primum ipsa porrexit ad humanitatem invitantis manum; deinde resecta portione & cibo, expugnare dominæ pertinaciam cœpit, &. Quid proderit, inquit, hoc tibi, si soluta media fueris? si te vivam sepelieris? si antequam fata poscant, indemnatum spiritum effuderis?

Id cinerem aut manes credis curare sepultos?

Vis tu reviviscere reluctantibus fati extinctum; vis discusso muliebri errore, quam diu licuerit, lucis commodis frui; ipsum te jacentis corpus admonere debet, ut vivas. Nemo invitus audit, cum cogitur aut cibum sumere, aut vivere. Itaque mulier
ali-

aliquot dierum abſtinentia ſicca, paſſa eſt frangi pertinaciam ſuam: nec minus avidè replevit ſe cibo, quàm ancilla, quæ prior victa eſt, Ceterum quibus blanditiis impetraverat miles, ut matrona vivere vellet, iſdem etiam de matrimonio eam aggreſſus eſt. Nec deformis aut inſacundus juvenis caſtæ videbatur, conciliante gratiam ancilla, ac ſubinde dicentis.

Placitum etiam pugnabis amori?

Nec venit in mentem quorum conſederis arvis?

Quid verbis opus eſt? ne hoc quidem mulier recuſavit, victorque miles utrumque perſuaſit. Fuerunt ergo unà, non tantum illa nocte, qua nuptias fecerunt, ſed poſtero etiam ac tertio die, præcluſis conditorij foribus, ut quiſque ex notis ignotiſque ad monumentum veniſſet, putaret exſpiſſe ſuper corpus viri pudiciſſimam uxorem. Ceterum delactatus miles & forma mulieris & ſecreto, quidquid boni per facultates poterat, coëmebat, & prima ſtatim nocte in monumentum ferebat. Itaque cruciarii unius parentes, ut viderunt laxatam cuſtodiam, detraxere nocte pendentem, ſupremoque mandaverunt officio. At miles circumſcriptus dum deſidet, ut poſtero die vidit unam ſine cadavere crucem, veritus


ſup-

supplicium, mulieri quid accidisset, exponit; nec se expectaturum iudicis sententiam, sed gladio ius dicturum ignaviae suae: commodaret modo illa perituro locum, & fatale conditorium sibi marito alteri faceret. Mulier nō minus misericors, quā pudica; Nec istud, inquit dii sinant, ut eodem tempore duorum mihi carissimorum hominum duo funera spectem: malo mortuum impendere: quā vivum occidere. Secundum hanc orationem, jubet corpus mariti sui tolli ex arca, atque illi, quae vacabat, cruci affigi. Vnus est miles ingenio prudentissimae feminae; posteroque die populus miratus est, qua ratione mortuus esset in crucem.

LEMNISI HISTORIARVM,
Narrationum, Fabularum &c. ex variis
auctoribus collecti.

LIBER TERTIVS.

Canius Iulus.

 Anius Iulus, vir inprimis magnus, cum C. Caligula Caesare diu altercatus, postquam abeunti ille dixit: Ne forte inepta spe tibi blandiaris, duci te iussi: Gratias, inquit, ago optime princeps. Quid senserit dubito,

bito, Multa enim occurrunt mihi. Contumeliosus esse voluit, & ostendere quanta crudelitas esset, in qua mors beneficium erat. An exprobravit illi quotidianā clementiam? Agebant enim gratias & quorum liberi occisi, & quorum bona ablata erāt. An tanquam libertatē libenter accepit? Quidquid est, magno animo respondit. Diceret aliquis: Potuit post hæc jubere illum Caius vivere. Non timuit hoc Canius. Nota erat Caij in talibus imperijs fides. Credisne illu decem medios usque ad suppliciū dies sine ulla sollicitudine exegisse? Veri simile non est, quæ vir ille dixerit, quæ fecerit, quàm in tranquillo fuerit, Ludebat latrunculis, cum centurio agmē periturorum trahens, & illum quoque citari jubet, vocatus numeravit calculos, & sodali suo; Vide, inquit, ne post mortem meam mentiaris te vicisse. Tum annuens Centurioni: Testis, inquit, eris, uno me antecedere. Luisse tu Caniū illa tabula putas? illudit. Tristes erant amici, talem amitturi virum. Quid mœsti, inquit estis? Vos quæritis, an immortales animæ sint. Ego jam sciam. Nec desijt in ipso veritatem sine scrutari, & ex more suo questionem habere, Prosequebatur illum philosophus suus: nec jam procul erat tumultus, in quo Cæsari

fari

fari deo nostro fiebat quot tidianum sacrū. Quid inquit, Canis, nunc cogitas? aut quæ tibi mens est? Observare, inquit Canius, proposui illo velocissimo momento, an sensurus sit animus, exire se: promisitque, si quid explorasset, circumiturum amicos, & indicaturum quis esset animarum status. Ecce in media tépestate tranquillitas: ecce animus immortalitate dignus, qui factū suum in argumentū veri vocat, qui in ultimo illo gradu positus, exeuntem animam percunctatur, nec usque ad mortem tantum, sed aliquid etiam ex ipsa morte discit.

Historia de cane quodam,

A Grestis Corfus solū solus eduxit canem ad venatum, ejus fretus cogita & fide & ferocia. Scorpione atque sagittis oneratus, gladio succinctus, per ursi vestigia jugum superat. ubi in summo vertice montis constitit, tametsi alieno anni tempore, propter naturam loci, magnā vis nivium increbrescere. Ille amentia fervidus nihilo segnius cœpta sequi. Obrutus tandē semitarum notis, ut credere par est, incertis primum itineribus mox opsessis, desperata præda & reditu, sedit in rupe fessus. Postridie fratres duo cum familiaribus, rati
ho-

hominem à feris interceptum, coacta vicini-
 cinorum manu, alij aliò discurrere coepe-
 runt, atque magnis clamoribus evocare.
 Qui locum, in quo miser cōfederat, nacti
 fuere, illum conspectum procul, atque è
 vestigio appellatum ubi neque responsum
 dare, neque motum efficere viderent (di-
 riguerat ibi gelu, haud magno sane flagi-
 tio : latrones enim omnes sunt) propius
 accessere, ut quod reliqui factum fuerat à
 fortuna, saltem cadavere potirentur. Qui
 canis ineptam fidem pene vitæ periculo
 sunt experti. Excubabat superstes ille, ac
 tanquam stipator imminēbat ferocia e-
 ventui futuro. In eos igitur, & quibus no-
 tus ipse, & quos habebat notos, quasi ve-
 nissent furatum dominum, tanto impetu
 sese intulit, ut prostraverit aliquot, unum
 aut alterum pene lacerarit, ceteros in fu-
 gam converterit. Quin ne fratrum quidem
 superventu quorum tamen è manibus sæ-
 pe sumpserat cibum, lenior aut commo-
 dior factus est. Neque prius destitit à per-
 tinaci defensione, quàm sagittis confossus,
 simul cum fide atque inani pervicacia ad
 heri genua vitam deposuit.

Alia

Alia historia de cane.

Offensus amici sive potētia sive perfidia quidam Regis Galliarum aulicus, cum ex insidiis obtruncat, atque in avio agro sepelit. Venaticus canis ibi tū forte comes hero fuerat. Is amore victus, diu sedit in tumulto. Postea quam fames pietatem superavit, atque in aulam sine domino reversus est, rati illius contubernales, bestiam temere vagari, cibum dari jubent. Satur ille ad tumulum redit. It, redit toties, ut primū suspicio invaderet animos incerta quædam & fluctuans, mox etiam certi esse sibi viderentur, heri id fieri desiderio. Abbeuntem prosecuti, deprehenso telluris rumore, effossum cadaver atque agnitum afficiunt sepultura. Canis, exsequiis peractis, socius fit eorum, quibus dux fuerat ad investigandum. Tandem aliquando in aulā ubi homicida rediisset, eum canis conspicatus magnis ilico editis latratibus, ægrè ab impetu cohibetur. quo tādē indice aucta suspicio in multorū animis certa fiducia evasit. Ceterum bestię perseverantia in illius odio atque persecutione etiam regem movit ut juberet hominē causam dicere. Ille negare factum, persistere inficiatione. Canis ejus orationem latratibus

bus atque assultibus oburbare, ut eam interpellationem pro facinoris exprobratione, quotquot aderant, interpretarentur. Eò res deducta est, ut iussu regis homicida cum provocatore singulari certamine dimicaret.

De Gordij nodo.

Alexander, cum in Phrygia Dario bellum pararet. & Gelænarum urbem in potestatem suam redegisset. Iovis templū intrat, vehiculum, quo Gordium Midæ patrem vectum esse constabat, adspexit, cultu haud sanè à vilioribus vulgatisq; usu abhorrens. Notabile erat vinculum adstrictum compluribus nodis in semetipsos implicatis, & celantibus nexus, Incolis deinde affirmantibus, editam esse oraculo sortem. Asiā potiturum qui inexplicabile vinculum solvisset, cupido incessit animo fortis ejus explendæ. Circa Regem erat & Phrygum turba, & Macedonum; illa explicatione suspensa, hæc sollicita ex temeraria regis fiducia, quippe series vinculorum erat ita adstricta, ut unde nexus inciperet quove se conderet, nec ratione nec visu percipi posset. Solvere aggressus injecerat curam ne in omen verteretur irritum cœptum, Ille nequicquam

quam diu lactatus cum latentibus nodis, Nihil, inquit, interest, quomodo solvantur, gladioque ruptis omnibus loris, oraculi sortem vel elusit, vel implevit.

Alexander. Philippus medicus.

MEdiam Cydnus amnis interfuit, æstas erat, cujus calor non aliam magis, quàm Ciliciæ oram vapore solis accendit, & diei fervidissimū tempus cœperat. Pulvere ac sudore simul perfusum regem Alexandrū ad Dariū tendētem invitavit liquor fluminis, ut calidum adhuc corpus ablueret. Itaque, veste deposita, in conspectu agminis (decorum quoque futurum ratus, si ostendisset suis, levi ac parabili cultu corporis se esse contentum) descendit in flumen, vixque ingressū subito horrore artus rigere cœperunt, pallor deinde suffusus est, & totum propemodum corpus vitalis calor liquit, exspiranti similem ministri manu excipiunt, nec satis compotem mēris in tabernaculum deferunt. Ingens sollicitudo & pene jam luctus in castris erat. Flentes querebantur, in tanto impetu cursuque rerum omnis ætatis ac memoriæ clarissimum regem non in acie saltem, nō ab hoste. dejectum, sed abluentem aqua corpus, ereptum esse & extinctum; instare

G

Dari-

Darium, victorem antequam vidisset hostem, sibi easdē terras, quas victores peragrassent, repetendas, omnia aut ipsos, aut hostes populos, per vastas solitudines etiamsi nemo insequi velit, euntes fame atque innopia debellari posse, quem signum daturum fugientibus? quem ausurum Alexandro succedere? Iam ut ad Hellespontum fuga penetrarent, classē, qua transeant quem præparaturum? Rursus in ipsum regem misericordia versa, illum florē juventæ illum vim animi, eundem regem & commilitonem divelli à se & abripi, immemores sui, querebantur. Inter hæc liberius meare spiritu cœperat, allevabat rex oculos, & paulatim redeunte animo, circumstantes amicos agnoverat, laxataque vis morbi ad hoc solum videbatur, quia magnitudinem mali sentiebat, animum autem ægritudo corporis urgebat, quippe Dariū quinto die in Ciliciam fore nuntiabatur. Vincitū ergo se tradi & tantam victoriam eripi sibi à manibus, obscuraque & ignobili morte in tabernaculo extingui se querebatur, amissisque amicis pariter & medicis, In quo me, inquit, articulo rerum mearum fortuna deprehēderit cernitis, strepitum hostilium armorum exaudire mihi videor.

& qui

& qui ultro intuli bellum, jam provocor. Darius ergo cum nuper superbas litteras scriberet, fortunam meam in consilio habuit, sed nequicquā si mihi arbitrio meo curari licet. Lenta remedia & legnes medicos non expectant tempora mea. Vel mori strenuē, quā tarde convalescere mihi melius est. Proinde si quid opis, si quid artis in medicis est, sciant, me non tam mortis, quā belli remedium quærere. Ingentem omnibus incusserat metū tam preceps temeritas; Ergo pro se quisque precari cœpere, ne festinatione periculū augeret, sed esset in potestate medentium. Inexperta remedia haud injuria ipsis esse suspecta, cum ad perniciem ejus etiā à latere ipsius pecunia sollicitaret hostis: quippe Darius mille talenta interfectori Alexandri daturum se pronunciari jusserrat. Itaque ne ausurum quidem quemquā arbitrabantur experiri remedium, quod propter novitatem posset esse suspectum. Erat inter nobiles medicos è Macedonia regem secutus philippus, natione Acarnan, fidus admodum regi puero comes, & custos salutis datus, non ut regem modo sed etiam ut alumnum eximia charitate diligebat. Is non præceps se, sed strenuum remedium asserre, tantamque vim morbi

potione medicata levaturum esse promi-
 sit. Nulli promissum ejus placebat, præter
 ipsum, cujus periculo pollicebatur; Omnia
 quippe facilius, quam moram perpeti po-
 terat, Arma & acies in oculis erant, & vi-
 ctoriam in eo positam esse arbitrabatur, si
 tantum ante signa stare potuisset; id ipsum,
 quod post diem tertium medicamentum
 sumpturus esset (ita enim medicus prædi-
 xerat) ægre ferens. Inter hæc à Parme-
 nione fidissimo purpuratorū literas acci-
 pit, quibus ei denunciabat, ne salutem su-
 am Philippo committeret, mille talentis
 à Dario & spe nuptiarum sororis ejus esse
 corruptum. Ingentem animo sollicitudi-
 nem literæ incusserant, & quicquid in u-
 tramque partem, aut metus, aut spes sub-
 jecerat, secreta æstimatione pensabat. Bi-
 bere perseverem? ut, si venenum datum
 fuerit, ne immerito quidem quicquid ac-
 ciderit, evenisse videatur? Damnem me-
 dici fidem? in tabernaculo ergo me op-
 pressi patiar? At satius est, alieno memori
 scelere, quàm metu nostro. Diu animo in
 diversa versato, nulli quid scriptum esset
 enunciat, epistolamque sigillo annuli sui
 impresso, pulvino cui incubabat subjecit.
 Inter has cogitationes biduo absumpto,
 illuxit à medico destinatus dies. Et ille cū
 poculo,

poculo, in quo medicamentum diluerat, intravit, Quo viso Alexander, levato corpore in cubitum; epistolam à Parmenione missam sinistra manu tenens, accipit poculum, & haurit interritus: tum epistolam Philippum legere jubet, nec à vultu legentis movit oculos, ratus aliquas conscientiae notas in ipso ore posse deprehendere. Ille, epistola perlecta, plus indignationis, quàm pavoris ostendit, projectisque amiculo & literis ante lectum. Rex, inquit, semper quidem spiritus meus ex te pependit, sed nunc verè arbitror sacro & venerabili ore trahitur, crimen patricidij, quod mihi objectum est, tua salus diluet, servatus à me, vitam mihi dederis: oro quæloque, omisso metu patere medicamentum cōcipi venis, laxa paulisper animum; quem intempestiva sollicitudine amici sanè fideles, sed molestè seduli turbant. Nō securum modo hæc vox, sed etiam lætum regem, ac plenum bonæ spei fecit. Itaque si di, inquit, Philippe tibi permisissent, quo maxime modo velles animum experiri meum. alio profecto voluisses, sed certiore, quàm expertus es, ne optasses quidem; Hac epistola accepta, tamen quod dilueras bibi, & nunc credo te non minus pro tua fide, quàm pro mea salute esse solici-

tum. Hæc elacutus dextram Philipo sop-
 tert. Cæterum tanta vis medicamenti fuit
 ut quæ secuta sunt, criminationem Par-
 menionis adjuverint, interclusus spiritus
 arctè meabat, nec Philippus quicquam in-
 expertum omisit. Ille fomenta corpori ad-
 movit, ille torpentem nunc cibi, nunc vini
 odore excitavit. Atque ut primum mentis
 compotem esse sensit, modo matris foro-
 rumque, modo appropinquantis tantæ vi-
 ctoriæ admonere non destitit. Vt vero me-
 dicamentum se diffudit in venas, sensim
 toto corpore salubritas percipi potuit:
 primum animus vigorem suum, deinde
 corpus quoque exspectatione maturius re-
 cuperavit, quippe post tertium diem, quàm
 in hoc statu fuerat, in conspectum militum
 venit, nec avidius ipsū regem, quàm Phi-
 lippum intuebatur exercitus, pro se quis-
 que dexteram ejus amplexi, grates habe-
 bant, velut præsentī Deo.

Babylon.

VRbem Babylonem Semiramis cōdidit
 vel (ut plerique credidere) Belus, cujus
 regia ostenditur. Muris instructus latercu-
 lo coctili bitumine interlitus, spatium tri-
 ginta & duorum pedum latitudinem am-
 plectitur, quadrigæ inter se occurrentes si-

ne

ne periculo commeare dicuntur, altitudo muri quinquaginta cubitorum eminet spatio, turres densis pedibus, quàm murus, altiores sunt. Totius operis ambitus trecenta sexaginta octo stadia complectitur singulorum stadiorum structuram singulis diebus perfectam esse memorię proditum est. Edificia non sunt admota muris, sed ferè unius spatiū jugeri absunt. Ac ne totā quidē urbem tectis occupaverunt, per nonaginta stadia habitatur, nec omnia contiguous sunt: eredo, quia tutius visum est pluribus locis spargi. Cætera ferunt coluntque, ut si extrema vis ingruat, obseffis alimenta ex ipsius urbis solo subministrant, Euphrates interfluit, magnæque molis crepidinibus coercetur. Sed omnium operum magnitudinem circumveniunt cavernæ ingentes, in altitudinem pressæ ad accipiendum impetum fluminis, quod ubi appositæ crepidinis fastigium excessit, urbis tecta corriperet, nisi essent specus lacusque qui exciperent. Coctili laterculo structi sūt, totum opus bitumine astringitur. Pons lapideus flumini impositus jungit urbem. Hic quoque inter mirabilia Orientis opera numeratus est, quippe Euphrates altū limum vehit, quo penitus ad fundamēta jacienda egesto, vix sufficiendo operi firmum,

reperiunt solum. Arenæ autem subinde cumulate, & saxis quibus pons sustinetur annexæ, morantur annem : qui retentus, acrius quàm si libero cursu mearet, illiditur. Arcē quoq; ambitu viginti stadia cōplexam habet : triginta pedes in terram turrium fundamenta demissa sunt ; ad octoginta summum munimenti fastigium pervenit. Super arce vulgatum Græcorum tabulis miraculum , pensiles horti sunt, summam murorum altitudinem æquant, multarumque arborum umbra & proceritate amœni. Saxæ pilæ , quæ totum onus sustinent instructæ sunt. Super pilas lapide quadrato solum stratum est, patiens terræ, quam altam injiciunt , & humoris quo rigant, adeoque validas arborum sustinent moles , ut stipites earum octo cubitorum spacium crassitudine æquent, in quinquaginta pedum altitudinem emineant , & frugiferæ æque sint , ac si terra sua alerentur. Et quum vetustas non opera solum manu facta, sed etiam ipsam naturam paulatim exedendo perimat, hæc moles, quæ tot arborum radicibus premitur, tantique nemoris pondere onerata est, inviolata durat : quippe viginti lati parietes sustinent undecim pedū intervallo distantes, ut procul visentibus silvæ montibus suis

ſuis imminere videantur. Syrię regem Babilone regnantem hoc opus eſſe molitum memorię proditum eſt, amore conjugis victum, quę deſiderio nemorum ſylvarumque in campeſtribus locis, virum cōpulit naturę genium amœnitate hujus operis imitari.

Zioberis amnis.

IN Hyrcania ex radicib⁹ montiũ Zioberis amnis effunditur, qui tria fere ſtadia in longitudinem univerſus fluit, deinde ſaxo quod alveolum interpolat, repercuſſus, duo itinera, velut diſpenſatis aquis, aperit. Inde torrens, & ſaxorum, per quę incurrit. aſperitate violentior, terram præceps ſubit. Per trecenta ſtadia conditus labitur, rursuſque velut ex alio fonte conceptus editur, & novum alveum intendit, priore ſui parte ſpacioſior, quippe in latitudinem tredecim ſtadiorum diſfunditur: rursuſq; anguſtioribus coërcitus ripis iter cogit: tandem in alterum amnem cadit, cui Rhidago nomē eſt, Incolę affirmant, quęcunque demiſſa ſint in cavernam, quę propior eſt fontem, rursuſ ubi aliud os amnis aperitur, exiſtere, itaque aliquando Alexander Magnus duos tauros, quā lubent aquę terram, præcipitari juſſi: quo-

rum corpora, ubi rursus erumpi expulsa videre qui missi erant ut exciperent,

Alexander Magnus.

CUm Alexander Magnus ad oppidū Oxysdracarum pervenisset, in quod plerique Indi vicini confugerant, haud majore fiducia mœnium, quam armorum, jamque admoveret, vates monere eum cœpit, ne committeret, aut certè differret obsidionem, vitæ ejus periculum ostendi. Rex Demophoonta (is namque vates erat) intruens: Si quis, inquit, te arti tuæ intentum, & exta spectantem sic interpellet, non dubitem, quin incommodus ac molestus videri tibi possit. Et cum ille ita prorsus futurum respondisset: Censesne, inquit, tantas res, non pecudum fibras ante oculos habenti ullum, esse majus impedimentum: quàm vatē superstitione captum? nec diutius quam respondit moratus, admoveri jubet scalas, cunctantibusque cæteris, evadit in murum. Angusta muri corona erat, non pinnae, sicut alibi, fastigium ejus distinxerant, sed perpetua lorica obducta transitum sepserat. Itaque rex hærebat magis quàm stabat in margine, clypeo undique incidentia tela propulsans. Nam undique à minus ex turribus petebatur, Nec subire
milites

milites poterant, quia supernè vi telorum obruebantur. Tandem magnitudinem periculi pudor vicit; quippe cernebant cunctatione sua dedi hostibus regem. Sed festinando morabantur auxilia. Nam dum pro se quisque certat evadere, oneravere scalas: queis non sufficientibus, devoluti, unicâ spem regis fefellerunt. Stabat enim in conspectu tanti exercitus, velut in solitudine destitutus. Iamque lævam, qua clypeum ad ictus circumferebat, lassaverat, clamantibus amicis ut ad ipsos desiliret, stabantque excepturi: cum ille rem ausus est incredibilem atque inauditam, multoque magis ad famam temeritatis, quam gloriæ insignem. Namque in urbem hostium plenam præcipiti saltu semet ipse immisit, cum vix sperare posset, dimicantem ceriò & non inultum moriturum: quippe antequam assurgeret, opprimi poterat, & capi vivus; sed forte ita libraverat corpus, ut se pedibus exciperet. Itaque stans init pugnam, & ne circumiri posset, fortuna providerat. Vetus arbor haud procul muro, ramos multa fronde vestitos velut de industria regem protegentes objecerat. Hujus spatioso stipiti corpus, ne circumiri posset, applicuit, clypeo tela quæ ex adverso ingerebantur excipiens. Nam cum unum

procul tot manus peterent, nemo tamen propius audebat accedere. Missilia ramis plura, quàm clypeo incidébant. Pugnat pro rege primum celebrati nominis fama, deinde desperatio, magnū ad honestè moriendum incitamentum, sed cum subinde hostis afflueret, jam ingentem vim telorum exceperat clypeo, jam galeam saxa perfregerant, jam continuo labore gravia genua succiderant. Itaque contemptim & incautè, qui proximi steterāt, incurrerunt, è quibus duos gladio ita excepit, ut ante ipsum exanimis procumberent. Nèc cuiquam deinde propius incessendi eum animus fuit. Procul jacula sagittasque mittebant. Ille ad omnes ictus expositus, ægrè jam exceptum poplitibus corpus tuebatur, donec Indus duorum cubitorum sagittam (namque Indis hujus magnitudinis sagittæ erant) ita excussit, ut per thoracem paulum super latus dextrum infigeretur. Quo vulnere afflictus, magna vi sanguinis emicante remisit arma, moribundo similis, adeoque resolutus, ut ne ad vellendum quidem telum sufficeret dextra. Itaque ad exspoliandum corpus, qui vulneraverat alacer gaudio accurrit. Quem ut injicere corpori suo manus sensit, credo ultimi dedecoris indignitate commotus linquentē revocavit

revocavit animum, & nudum hostis latus subiecto mucrone hausit. Iacebāt circa regem tria corpora, procul stupentibus cæteris. Illū ut, antequā ultimus spiritus deficeret, dimicans jā extingueretur, clypeo se allevare conatus est, & postquam ad connitendum nihil supererat viriū, dextra impendentes ramos complexus, tentabat asurgere. Sed ne sic quidem potens corporis, rursus in genua procumbit, manu provocans hostes, si quis congredi auderet. Tandem Peucestes per aliam oppidi partem, deturbatis propugnatoribus muri vestigia persequens, supervenit. Quo conspecto, Alexander jam non vitæ suæ, sed mortis solatium supervenisse ratus, clypeo fatigatum corpus excepit.

Subit inde Timæus, & Paulo post Leonatus, huic Aristonius supervenit. Indi quoque cum intra mœnia regem esse comperrissent, omissis cæteris illuc concurrerunt, urgebantque protegentes. Ex quibus Timæus, multis adverso corpore vulneribus acceptis, egregiaq; pugna cecidit. Peucestes quoque tribus jaculis confossus, non se tamen scuto, sed regem tuebatur. Leonatus dum avidè ruentes Barbaros submovet, cervice graviter icta, semianimis procubuit ante regis pedes, Iam & Peucestes

cesses vulneribus fatigatus submiserat clypeum. In Aristono spes ultima hærebat. Hic quoque graviter saucius, tantam vim hostium ultra sustinere non poterat. Inter hæc ad Macedones regem cecidisse fama perlata est. Terruisset alios, quod illos incitavit. Nāque periculi omnes immemores dolabris perfregere murum; & quamoliti erant aditum irrupere in urbem, Indosque plures fugientes, quā congregi ausos, cecidere. Non senibus, non feminis, non infantibus parcitur. Quisquis occurrerat, ab illo vulneratum regem esse credebant. Tandem internecione hostium justæ iræ parentatum est. Rege in tabernaculum relato, medici lignum sagittæ corpori infixum ita ne spiculum moveretur, abscindunt. Corpore deinde nudato animadvertunt hamos inesse telo, nec aliter id sine pernicie corporis extrahi posse, quā ut secando vulnus augerent. Cæterum ne secantes profluvium sanguinis occuparet, verebantur: quippe ingens telum adactum erat, & penetrasse in viscera videbatur. Critobulus inter medicos artis eximiæ, sed in tanto periculo territus, ad moveri metuebat, ne in ipsius caput parū prosperæ curationis recideret eventus, lachrymantem eum ac metuentem & solici-

licitudine propemodum exsanguem rex conspexerat. Quid, inquit, quodue tempus exspectas, & non quam primum hoc dolore me saltem moriturum liberas? An times ne reus sis, cum insanabile vulnus acceperim? At Critobulus tandem vel finito, vel dissimulato metu hortari cum coepit, ut se continendum præbeat, dum spiculum evelleret. Etiam levem corporis motum noxium fore. Rex, cum affirmasset, nihil opus esse iis qui se continerent, sicut præceptum erat, sine motu præbuit corpus. Igitur patefacto latius vulnere, & spiculo evulso, ingens vis sanguinis manare coepit, linquique animo rex & caligine oculis offusa, veluti moribundus extendi. Cumque profluvium medicamentis frustra inhiherent, clamor simul atque ploratus amicorum oritur, regem exspirasse credentium. Tandem constitit sanguis, paulatimque animum recepit, & circumstantes coepit agnoscere. Toto eo die ac nocte quæ secuta est, armatus exercitus regiam obsedit, confessus omnes unius spiritu vivere. Nec prius recesserunt, quam compertum est, somno paulisper acquiescere. Hinc certiores spem salutis ejus in castra retulerunt.

Pugna Tergeminorum.

INter Romanos & Albanos orto bello de summa imperii, atque eo in aliquot annos protracto, utriusque populi regum voluntate tandem inita ratio, ut sine magna clade & sine multo sanguine utri utris imperarent decerneretur. Forte in duobus tum exercitibus erant tergemini fratres, nec ætate nec viribus dispares Horatij, Curiatiique, hi Albani; illi Romani. Cum iis agunt reges, ut pro sua quisque patria dimicent ferro, ibi imperium fore, unde victoria fuerit, nihil recusatur: tempus & locus convenit. Priusquam dimicarent, fœdus ictum inter Romanos & Albanos est his legibus, ut cujus populi cives eo certamine vicissent, is alteri populo cum bona pace imperitaret. Fœdere icto, tergemini, sicut convenerat, arma capiunt. Cum sui utrosque adhortarentur, Deos patrios patriam ac parentes, quicquid civium domi, quidquid in exercitu sit, illorum tunc arma illorum intueri manus, feroces & superte ingenio, & pleni adhortantium vocibus, in mediũ inter duas acies procedunt. Confederant utrimque pro castris duo exercitus, periculi magis præsentis, quàm curæ expertes, quippe imperium agebatur in tam

in tam paucorū virtute atq; fortuna positum. Itaque ergo erecti suspensique in minime gratum spectaculum, animo intenduntur. Datur signum; intestisque armis, velut acies, terni juvenes magnorum exercituum animos gerentes concurrunt: nec his nec illis periculum suum, sed publicum imperium servitiumque observatur animo, iuturaque ea deinde patrię fortuna, quam ipsi fecissent. Ut primo statim concursu arma crepuere, micantesque fulsere gladii, horror ingens spectantes perstringit, & neutro inclinata spe, torpebat vox spiritusque. Confertis deinde manibus, cum jam non motus tantum corporum, agitatioque anceps telorum armorumque, sed vulnera quoque & sanguis spectaculo essent: duo Romani, super alium alius, vulneratis tribus Albanis, exspirantes corruerunt. Ad quorum casum cum conclamasset gaudio Albanus exercitus, Romanas legiones jam spes tota, nondum tamen cura deseruerat, exanimis vice unius, quem tres Curiatii circumsteterant. Forte is integer fuit, ut universis solus nequaquam par, sic adversus singulos ferox, ergo ut segregaret pugnam eorum, capessit fugam, ita ratus secuturos, ut quemque vulnere affectum corpus sineret. Iam aliquantulum

quantum spacii ex eo loco, ubi pugnatum est, aufugerat, eum respiciens videt magnis intervallis sequentes, unum haud procul ab sese abesse : in eum magno impetu rediit. Et dum Albanus exercitus inclamat Curiatiis, uti opem ferant fratri, jam Horatius cæso hoste victor secundam pugnam petebat. Tum clamore, qualis ex insperato faventium solet, Romani adjuvant militem suum : & ille defungi proelio festinat. Prins itaque quam alter, qui nec procul aberat, consequi posset, & alterum Curiatium conficit. Iamq; æquato Marte singuli supererant, sed nec spe nec viribus pares. Alterum intactum ferro corpus, & geminata victoria ferocem in certamen tertium dabant, alter fessum vulnere, fessum cursu trahens corpus, victusque fratrum ante se strage, victori objicitur hosti : nec illud proelium fuit. Romanus exsultans, Duos, inquit, fratrum manibus dedi; tertium causam belli hujusce, ut Romanus Albano imperet, dabo. Male sustinenti arma, gladium superne jugulo defigit: jacentem spoliatur; Romani ovantes ac gratulantes Horatium accipiunt, eo majore cum gaudio, quo propius metum res fuerat. Ad sepulturam inde suorum nequaquam paribus animis vertuntur : quippe im-

perio

perio alteri aucti, alteri ditionis alienæ facti.

Menenij Agrippæ fabula

TEmpore quo in homine non ut nunc, omnia in unum consentiebant, sed singulis membris suum cuique consilium, suus sermo erat, indignatæ reliquæ partes sūt, sua cura, suo labore ac ministerio ventri omnia quæri. Ventrē in medio quietū nihil aliud quàm datis voluptatibus frui. Conspirarunt inde, ne manus ad os cibū ferrent, nec os acciperet datum, nec dentes conficerent. Hac ita dum ventrem fame domare volunt, ipsa unà membra totumque corpus ad extremam tabem venerunt. Inde apparuit ventris quoq; haud segne ministerum esse, nec magis ali, quàm alere eum, reddentem in omnes corporis partes hunc quo vivimus vigemusque divilum pariter in venas maturum confecto cibo sanguinem.

Expugnatio urbis Veiorum.

VEiorū urbs opulentissima Hetrusci nominis, decem æstates hymesque continuas circumfessa, cum plus aliquanto cladium intulisset quàm accepisset, postremo jam fœto urgente, operibus, non vi expugnata.

gnata est. Operum fuit omnium longe maximum ac laboriosissimum cuniculus in arcem hostium actus, quo perfecto Camillus, qui Vejos obsederat. urbem ab omnibus locis agreditur, quo minor ab cuniculo ingruentis periculi sensus esset. Verentes nihil minus timentes quàm subrutis cuniculo mœnibus, arcem jam plenam hostium esse, in muros pro se quisque armati discurrunt : mirantes quidnam id esset, quod cum per multos dies nemo se ab stationibus Romanis movisset, tum velut repentino icti furore, improvidi currerent ad muros.

Cuniculis delectis militibus plenis in æde Iunonis, quæ in arce Veientana erat, armatos repenti edidit, & paterfamilias in muris invadunt hostes pars claustra portarum revellunt: pars cum ex tectis saxa tegulæque à mulieribus ac servitiis jacerentur, inferunt ignes. Clamor omnia variis terrentium ac paventium vocibus, misto mulierum ac puerorum ploratu, complet. Momento temporis dejectis ex muro undique armatis, patefactisque portis, cum alii agmine irruerent, alii desertos scanderent muros urbs hostibus impletur: omnibus locis pugnatur. Deinde multa jam edita cæde, senescit pugna, & dictator

Camil-

Camillus præcones edicere jubet, ut ab inermi abſtineatur, is finis ſanguinis fuit de inde inermes capti : & ad prædã miles permiſſu dictatoris diſcurrit, quæ cum ante oculos ejus aliquantum ſpe atque opinione major majoriſque pretii rerum ferretur, dicitur manus ad cælũ tollens precatus eſſe, ut ſi cui Deorum hominumque nimia ſua fortuna populiq; Romani videretur, ut eam invidiam lenire quàm minimo ſuo privato incommodo, publicoque Romani populi liceret convertentemque inter hanc venerationem, traditur memoriæ, prolapſum cecidiſſe, idque omen pertinuiſſe poſtea eventu re conjectantibus viſum ad damnationem ipſius Camilli: captæ deinde urbis Romanæ, quod poſt paucos accidit annos. Atque ille dies cæde hoſtium & direptione urbis opulentiffima eſt conſumptus. Poſtero die libera corpora dictator ſub corona vendidit.

Hercules.

Herculẽ in Latium, Geryone interempto, boves mira ſpecie abegiſſe memorant, ac prope Tiberim fluvium, quã præ ſe armentum agens nando trajecerat, loco herbido, ut quiete & pabulo læto reficeret

ceret boves, & ipsum fessum via procubuisse. Ibi cum eum cibo vinoque gravatū sopor oppressisset, pastor accola ejus loci nomine Cacus, ferox virilus, captus pulcritudine boum, cum avertere eam prædam vellet: quia, si agendo armentum in speluncam compulisset, ipsa vestigia quærentem dominum eò deductura erant, àversos boves, eximium quemque pulcritudine, caudis in speluncam traxit. Hercules ad primam auroram somno excitus, cum gregem perlustrasset oculis, & partē abesse numero sensisset, pergit ad proximā speluncam, si fortè eò vestigia ferrent; quæ ubi omnia foras versā vidit, nec in partem aliam ferre, confusus atque incertus animi, ex loco infesto agere porrò armentum occœpit. Inde cū actæ boves quædam ad desiderium, ut fit, relictarum mugissent, reddita inclusarū ex spelunca boum vox Herculem convertit, quem cum videntem ad speluncā Cacus prohibere vi conatus esset, ictus clava, fidem pastorum nequicquam invocans, morte occubuit. Eundem tum ea, profugus ex Peloponeso, auctoritate magis quam imperio regebat loca: venerabilis vir miraculo litterarum, rei novæ inter rudes artium homines: venerabilior divinitate credita. Carmentæ

matris, quam fatiloquam ante Sibyllæ in Italiam adventum miratæ hæ gentes fuerant. Istum Evander concursu pastorum trepidantium circa advenam manifestæ reum cædis excitus, postquam facinus facinorisque causam audivit, habitum formamque viri aliquantum ampliores augustioresque humana intuens, rogat, qui vir esset. Vbi nomen patremque ac patriam accepit: Iove nate Hercules salve, inquit, te mihi mater vericida interpretes Deum aucturum cœlestium numerum cecinit, tibi que aram hic dicatum iri, quā opulentissima olim in terris gens Maximam vocet, tuoque ritu colat. Dextra Hercules data, accipere se omen, impleturumque fata, ara condita atque dicata, ait. Ibi tum primum bove eximia capta de grege, sacrum, adhibitis ad ministerium dapemque Potitiis ac Pinariis (quæ tum familiæ maximè inclytæ ea loca incolebant) factum. Forte ita evenit, ut Potitii ad tempus præsidè essent, iisque exta apponerentur: Pinarii extis adefis, ad cæteram venirèt dapem. Inde institutum mansit, donec Pinarium genus fuit, ne extis solemnibus vescerentur. Potitii ab Evandro edocti, antistites sacri ejus per multas ætates fuere, donec traditis servis publicis solenni

solenni familiæ ministerio , genus omne Potitiorum interiit.

C. Mutius Scaevola.

CUm Porfena rex Hetruscorum Romā obsedisset arctissimè, & frumenti esset cum summa caritate inopia, Mutio adolescenti nobili indignum visum populum liberum obsideri ab iis, quorū sæpe exercitus fuderat. Itaque magno audacique aliquo facinore eam indignitatem vindicandam ratus , primo sua sponte penetrare in hostium castra constituit : dein metuens ne si consulum injussu, & ignaris omnibus iret, forte deprehensus à custodibus Romanis retraheretur ut transfuga, fortuna tum urbis crimen affirmante, Senatum adiit. Transire Tiberim, inquit, patres, & intrare , si possum , castra hostium volo, non prædo , nec populationum invicem ultor, majus si dii juvant, in animo est facinus. Approbant Patres; abdito intra vestem ferro proficiscitur. Ubi eò venit, in confertissima turba prope regium tribunal constitit ibi cum flidensium fortè militibus daretur, & scriba cum rege sedēs pari fere ornatu multa-ageret, eumq; milites vulgò adirent , timens sciscitari uter Porfena esset, ne ignorando regem, semet ipse

ipse aperiret quis esset, quò temere traxit fortuna facinus, scribam pro rege obtruncat. Videntem inde qua per trepidam turbam cruento mucrone sibi ipse fecerat viam, cū concursu ad clamorem facto, comprehensum regii satellites retraxissent ante tribunal regis: destitutus tum quoq; inter tantas fortunæ minas, metuendus magis quam metuens: Romanus sum, inquit, civis: C. Mutium vocant, hostis hostem occidere volui, nec ad mortem minus animi est, quàm ad cædē fuit, & facere & pati fortia Romanum est. nec unus in te ego hos animos gessi longus post me ordo est idē petentium decus. proinde in hoc discriminē si juvat, accingere, ut in singulas horas capite dimices tuo, ferrum hostemque in vestibulo habes regis. Hoc tibi juvenus romana indicimus bellum, nullam aciem, nullum prælium timueris, uni tibi & cum singulis res erit. Cum rex simul ira intensus periculoque, circumdari ignes minitabundus juberet, nisi expromeret properè, quas insidiarum sibi minas per ambages jaceret: En tibi, inquit, ut sentias quam vile corpus sit iis qui magnā gloriam petunt, dextramque accenso ad sacrificium foculo injicit. quam cum velut alienato ab sensu torreret animo, propè attonitus

miraculo rex, cum ab sede sua profiluiſſet, amoverique ab altaribus juvenem juſſiſſet: Tu vero abi, inquit, in te magis quam in me hoſtilia auſus. juberem macte virtute eſſe, ſi pro mea patria iſta virtus ſtaret, nunc jure belli liberum te, intactum inviolatūque dimitto. Tum Mutius, quaſi remunerans meritum: Quandoquidem, inquit, eſt apud te virtuti honos ut beneficio tuleris à me, quod minis nequiſti, trecenti conjuravimus principes juvētutis, ut in te hac via graſſaremur, mea prima ſors fuit, cæteri, ut cuique ceciderit, primo, quod ad te oportunū fortuna dederit, ſuo quiſque tempore aderunt, Mutium dimiſſum, cui poſtea Scævola à clade dextræ manus cognomen inditum, legati à Porſena Romanam ſecuti ſunt. Adeo moverat eum & primi periculi caſus, quo nihil ſe præter errorem inſidiatoris texiſſet: & ſubeunda dimicatio toties, quod conjurati ſuper-eſſent, ut pacis conditiones ultro ferret Romanis.

Ludi magiſter proditor.

MOs erat Falſcis eodem magiſtro liberorum & comite uti, ſimulque plures pueri, quod hodie quoque in multis populis manet, unius curæ demandabantur.

Obſidente.

Obsidente Camillo; Falerios principum li-
beros, sicut ferè fit, qui scientia videbantur
præcellere, erudiebat. Is cum in pace in-
stituisset pueros ante urbem lusus exercen-
dique causa producere, nihil eo more per
belli tempus intermisso, dum modo bre-
viorib⁹, modo longioribus spaciis trahen-
do eos à porta, lusu sermonibusque varia-
tis, longius solito, ubi res dedit, progressus,
inter stationes eos hostium, castraque inde
Romana in prætorium ad Camillum per-
duxit, ibi scelesto facinori scelestiorem ser-
monem addidit; Falerios se Romanis in
manus tradidisse, quando eos pueros, quo-
rum parentes capita ibi rerum sunt, in po-
testatē dediderit. Quæ ubi Camillus audi-
vit: non ad similem, inquit, tui nec popu-
lum nec imperatorem scelestus ipse cum
scelesto munere venisti, nobis cum Falis-
cis, quæ pacto sit humano, societas non est:
quam ingeneravit natura, utriusque est, e-
ritque sunt & belli sicut pacis jura: justeq;
ea nō minus quàm fortiter didicimus ge-
rere, arma habemus non aduersum eam
ætatem, cui etiam captis urbibus parcitur,
sed aduersus armatos, & ipsos qui nec læsi
nec laceßiti à nobis castra Romana ad Ve-
jos oppugnarunt. Eos tu quantū in te fuit,
novo scelere vicisti: ego Romanis artibus,

virtute, opere, armis vincam. Denudatū cum deinde, manibus post tergum illigatis, reducendum Faleris pueris tradidit: virgasque eis, quibus proditorem agerent in urbem verberantes dedit. At quod spectaculum concursu populi primum facto, deinde à magistratibus de re nova vocato Senatu, tanta mutatio est animis injecta, ut qui modo efferati odio iraque exitium penè Vejorum, quàm pacem mallent, apud eos pacem universa posceret civitas.

T. Manlii pietas.

Dies à Pomponio Tribuno dicta est L. Manlio Imperioso, Titipatri. Crimini ei inter cætera dabat, quod filium juvenem nullius probri compertum, extorrem urbe, domo, penatibus, foro, luce, congressu æqualium prohibitum, in opus servile, prope in carcerem atque ergastulum dederit: ubi summo loco natus dictatorius juvenis, quotidiana miseria disceret, verè imperioso patre natum esse. At quam ob noxam? quia infacundior sit & lingua impromptus, quod naturæ damnum utrum nutriendum patri, si quidquam humani in eo esset, an castigandum, ac vexatione insigne faciendum fuisse? ne mutas quidem belluas minus

nus alere & fovere, si quid ex progenie sua minus prosperum sit. At hercule L. Manlium malum malo augere filii, & tarditatem ingenii insuper premere: & si quid in eo exiguum naturalis vigoris sit, id extinguere vita agresti, & rustico cultu inter pecudes habendo. Omnium potius his criminationib⁹ quàm ipsius juvenis, irritatus est animus, quin contra se quoque parenti causam invidiæ atque criminum esse ægrè passus, ut omnes homines scirèt se parenti opē latam quàm inimicis ejus malle, capit consilium rudis quidem atque agrestis animi, & quamquam non civilis exempli, tamen pietate laudabile, inscientibus cunctis cultro succinctus manē in urbem, atque à porta domum confestim ad Pomponium pergīt, janitori opus esse sibi domino ejus convento extemplo ait, nuntiaret T. Manlium L. fil. esse, mox introductus (etenim percitum ira in patrem spererat, aut criminis aliquid novi, aut consilii ad rem augendam deferre) salute accepta, redditaq; esse ait, quæ cū eo agere arbitris remotis velit. procul inde omnibus abire jussis cultrum stringit, & super lectū stans ferro intemo, nisi quæ ipse concepisset verba juraret, se patris ejus accusandi causa consilium plebis nunquam habiturum,

se cum extemplo transfixurum minatur. Pavidus tribunus (quippe qui ferrum ante oculos micare se solum, inermem, illum prævalidum juvenem, & quod haud minus timendū erat, stolidè ferocem viribus suis cerneret) adjurat in quæ adactus est verba. & præ se deinde tulit, ea vi subactum se incepto destitisse, nec perinde ut maluisset plebs, sibi suffragii ferendi de tam crudeli & superbo reo potestatem fieri. ita ægre habuit filium id pro parente ausū: eoque id laudabilius erat, quod animū ejus tanta acerbitas patria nihil à pietate avertisset. Itaque non patri modo remissa causæ dictio est, sed ipsi etiam adolescenti ea res honori fuit.

T. Manlius T. F. Manliana Imperia.

Bello Latino edixerāt Consules Romani ne quis extra ordinem in hostes pugnaret. Forte inter turmarum præfectos, qui exploratum in omnes partes missi erant, T. Manlius consulis filius super castra hostium cum suis turmalibus evasit, ut vix teli jactu ab statione proxima abesset, ibi Tusculani erāt equites. præerat Geminus Metius, vir tū genere inter suos, tum factis clarus, is ubi Romanos equites insignemque inter eos præcedentem consulis filium
(nam

(nam omnes inter se utique illustres viri noti erant) cognovit: Visne, inquit, congregi mecum, ut nostro duorum jam hinc eventu cernatur, quantū eques Latinus Romano præstet. Movet ferocē animū juvenis seu ira seu detractandi certaminis pudor, seu inexpectabilis vis tati. Oblitus itaque imperii patrii, consulumq; edicti, præceps ad id certamē agitur, quo vinceret an vinceretur, haud multum interesset. Equitibus cæteris velut ad spectaculum summo-
tis, spacio quod vacui interjacebat campi, adversos concitant equos: & cum infestis cuspidibus concurrissent, Manlii cuspis super galeam hostis Metii trans cervicem equi elapsa est, circumactis deinde equis, cū prior ad iterandum iētū Manlius consurrexisset, spiculum inter aures equi fixit, ad cuius vulneris sensum cum equus priorib⁹ pedibus erectis magna vi caput quateret, excussit equitem: quem cuspidē parmaque innixum, attollentem se gravi casu, Manlius ab jugulo, ita ut per costas ferrum emineret, terræ affixit, spoliisque lectis ad suos reiectus, cum ovante gaudio turma in castra atque inde ad prætorium ad patrem tendit, ignarus patri futuriq; laus an poena merita esset. Ut me omnes, inquit, pater, tuo sanguine ortum verè ferrent;

provocatus equestria hæc spolia capta, ex
 hoste cæso porto. Quod ubi audivit Con-
 sul, ex templò filium averſatus, concionem
 classico advocari jussit, quæ ubi frequens
 convenit: Quandoquidem, inquit, tu T.
 Manli neque imperium consulare, neque
 majestatem patriam veritus, adversus e-
 dictum nostrum extra ordinem, in hoste
 pugnaſti, & quantum in te fuit disciplinâ
 militarem, qua ſtetit ad hanc diem Roma-
 na res, solvisti, meque in eam necessitatem
 adduxisti, ut aut reip. mihi aut mei meo-
 rumque obliviscendum sit, nos porius no-
 stro delicto plectemur, quàm resp. tanto
 suo damno nostra peccata luat. Triste ex-
 emplum sed in posterum salubre juven-
 tuti erimus. Me quidè cum ingenita cha-
 ritas liberissim, tum specimen istud virtutis
 deceptū vana imagine decoris in te mo-
 vet: sed cum aut morte tua ſancienda ſint
 consulum imperia, aut impunitate in per-
 petuum abroganda, nec te quidem, siquid
 in te nostri sanguinis est, recusare censeā,
 quin disciplinam militarem culpa tua pro-
 lapsam, pœna restituas: I licitor, liga ad
 palum. Exanimati omnes tam atroci im-
 perio, nec aliter quàm in se quisque distri-
 ctâ cernentes securim, metu magis quàm
 modestia quieverunt. Itaque velut emerso
 ab ad-

ab admiratione animo, cum silentio defixi stetissent, repente postquam cervice cæsa fusus est cruor, tum conquestu coortæ voces sunt, ut neque lamentis, neque execrationibus parceretur: spoliisque connectum juvenis corpus quantum militari-
bus studiis fumus ullū concelebrari potest, structo extra vallū rogo cremaretur; Manlianaque imperia non in præsentia modo horrenda, sed exempli etiam tristic in posterum essent.

Astapa urbs.

Bello Punico secundo, Astarpa urbs erat. Carthagnensium semper partis: neque id tam dignum ira erat, quàm quod extra necessitates belli præcipuum in Romanos gerebant odiū, nec urbē aut situ, aut munimento tutam habebant, quæ ferociore*s* iis animos faceret, sed ingenia incolarum latrocinio læta, ut excursiones in finitimū agrum sociorum populi Romani facerent, impulerant, & vagos milites Romanos, lixasque aut mercatores exciperent. Magnū etiam comitatum, quia paucis parū tutum fuerat, transgredientē fines positis infidiis circumventum iniquo loco interfecerant. Ad hanc urbem oppugnandam cum ad-
motus exercitus esset, oppidani conscien-

tia scelerum, quia nec deditio tuta ad tam infestos videbatur, nec spes moenibus aut armis tuendæ salutis erat, facinus in se ac suos lædum ac ferum consciscunt. Locum in foro destinant, quò preciosissimæ rerum suarum congererent. Super eum cumulū conjuges ac liberos confidere cū jussissent, ligna circa extruunt, facesq; virgultorum conjiciunt, quinquaginta deinde armatis juvenibus præcipiunt, ut donec incertus eventus pugnæ esset, præsidium eo loco fortunarum suarum, corporumque, quæ cariora fortunis essent, servarent; si rem inclinatham viderent, atque in eo jã esse ut urbs caperetur, scirent, omnes quos euntes in prælium cernerent, mortem in ipsa pugna abituros, illos se per deos superos inferosque orare, ut memores libertatis quæ illo die aut morte honesta, aut servitute infami finienda esset, nil relinquerēt, in quod sævire iratus hostis posset, ferrum ignemq; in manibus esse, amicæ ac fideles potius ea quæ peritura forent ablumerent manus, quàm insultarent superbo ludibrio hostes. His adhortationib⁹ execratio dira adjecta, si quem à proposito spes mollitiave animi flexisset. inde concitato agmine patentibus portis ingenti cū tumultu erumpunt. Neque erat ulla satis firma statio opposita, quia

quia nihil minus quam ut egredi mœnibus auderent, timeri poterat, perpaucae equitum turmae levissque armatura repente castris ad ipsum emissâ occurrit. Acrior impetu atque animis quàm compositior ullo ordine pugna fuit. Itaque pulsus eques qui primum hosti se obtulerat, terrorem intulit levi armaturæ, pugnatumq; sub ipso vallo foret, ni robur legionū, perexiguo ad instruendum dato tempore, aciem direxisset. Ibi quoque trepidatum parumper circa signa est, cum cæsi furore in vulnera ac ferrum vecordi audacia ruerent: dein vetus miles, adversus temerarios impetus pertinax, cæde primorum insequentes suppressit. Conatus paulo post ulro inferre pedem, ut neminem incedere, atq; obstinatos mori in vestigio quemq; suo vidit, patefacta acie (quod ut facere posset, multitudo armatorum facile suppedirabat) cornua hostium amplexus in orbem, pugnantes ad unum omnes occidit. Atq; hæc tamen hostium iratorum, actum maxime dimicantium iure belli in armatos; repugnantesq; edebantur. Fædior alia in urbe trucidatio erat, cum turbam sceminarum puerorumq; imbellem, inermū, cives sui cæderent, & in succensum rogum semianima pleraq; injicerent cor-

pora, riviq; sanguinis flammam orientem restinguerent. postremo ipsi cæde miseranda suorum fatigati, cum armis medio incendio se injecerunt. Iam cædi perpetratæ victores Romani supervenerunt. Ac primo conspectu tam fœdæ rei mirabundi parumper, obstupuerunt. dein cum aurum argentumq; cumulo rerum aliarum interfulgens, aviditate ingenii humani rapere ex igne vellent. correpti alii flamma sunt, alij ambusti afflatu vaporis, cum receptus primis, urgente ab tergo ingenti turba, non esset.

Scipio Africanus.

Post expugnationem Carthaginis novæ captiva adducebatur ad Scipionem adulta virgo, adeo eximia forma, ut quacunque incedebat, converteret omnium oculos. Scipio percunctatus patriam parentesque inter cætera accepit, desponsatam eâ principi Celtiberorum adolescenti, cui Allucio nomen erat. Ex templò igitur parentibus sponsoque accitis ab dōmo, cum interim audiret deperire eū sponsæ amore, ubi primū venit, accuratiore eum sermone, quam parentes alloquitur, juvenis, inquit, juvenem appello, quò minus sit inter nos hujus sermonis verecundia. Ego, cum

cum sponsa tua capta à militibus nostris
 ad me deducta esset, audiremque eam tibi
 cordi esse, & forma faceret fidem: quia i-
 pse, si frui liceret ludo ætatis, præsertim re-
 cto & legitimo amore, & non resp. animū
 nostrum occupasset, veniam mihi dari
 sponsam impensius amanti vellem: tuo,
 cujus possum, amori faveo. Fuit sponsa a-
 pud me eadem qua apud soceros tuos pa-
 rentesque suos verecundia: servata tibi est,
 ut inviolatum, & dignum me teque dari
 tibi donum posset, hanc mercede unā
 pro eo munere paciscor: amicus Pop. Rō.
 sis & si me virum bonum credis esse, qua-
 les patrem patruumque meum jam ante
 hæ gētes norant: scias multos nostri simi-
 les in civitate Romana esse: nec ullum in
 terris populum hodie dici posse, quem
 minus tibi hostem tuisque esse velis, aut a-
 micū malis, cum adolescens simul pudore
 gaudioque perfusus, dextram Scipionis
 tenens, deos omnes invocaret ad gratiam
 illi pro se referendam, quoniam sibi ne-
 quaquā satis facultatis pro suo animo, at-
 que illius erga se merito esset, parentes in-
 de cognatique virginis appellati, qui quo-
 niam gratias sibi redderetur virgo, ad
 quam redimendam satis magnum attulif-
 sent auri pondus, orare Scipionem ut id
 ab se

ab se donum acciperet, cœperunt: haud minorem apud se ejusce rei gratiam futuram affirmantes, quam redditæ inviolatæ foret virginis. Scipio quando tantopere peterent, accepturam se pollicitus, poni ante pedes jussit, vocatoq; ad se Allucio: super dotem, inquit, quam accepturus à focero es, hæc tibi à me dotalia dona accedent, aurumque tollere, ac sibi habere jussit. His lætus donis honoribusque, dimissus domum, implevit populares laudibus & meritis Scipionis.

Annibal.

PVb. Africanum in Ephesina iegatione fuisse tradunt, eumque Ephesi collocutum cum Annibale. Eo in sermone, quærenti Africano, quem fuisse maximū imperatorem Annibal crederet, respondisse, Alexandrum Macedonum regem: quod parva manu innumerabiles exercitus fudisset, quodque ultimas oras, quas visere supra spem humanam esset, peragrasset. Quærenti deinde quem secundū poneret? Pyrrhum dixisse, castra metari primum docuisse: ad hoc neminem elegantius loca cepisse, præsidia disposuisse, artem etiā conciliandi sibi homines eā habuisse, ut Italicæ gentes regis externi,
quam

quam populi Romani tamdiu principis in ea terra, imperiū esse mallent. Ex sequenti quem tertium duceret, haud dubie semetipsum dixisse, tum risum obortum Scipioni, & subjecisse: quidnam tu diceres, si me vicisses? tum me verò, inquit, & ante Alexandrum & ante Pyrrhum, & ante omnes alios imperatores esse, & perpexum Punico altu responsum, & assentationis genus Scipionem movisse, quòd è grege se imperatorum velut inæstimabilem secrevisset.

Mors Annibalis.

AD Prusiam regem legatus Flamininus venit, quem suspectum Romanis receptus Annibal & bellū adversus socios mortū faciebat. Ibi seu quia à Flaminino inter cætera objectum erat Prusiæ, hominem omnium qui viverent infestissimū Po. Rom. apud eum esse; qui patriæ suæ primum, deinde fractis ejus operibus, Antiocho regi auctor belli adversus Po. Rom. fuisset: seu quia ipse Prusias, ut gratificaretur præsentī Flaminino Romanisque, per se necandi aut tradendi ejus in potestatem consilium cepit: à primo colloquio Flaminini milites extemplo ad domum Annibalis custodiendam missi sunt. Semper
talem

talem exitū vitæ suæ Annibal prospexerat
 animo, & Romanorum inexprabile odi-
 um in se cernens, & fide regum nihil sa-
 ne confisus: Prusiæ verò levitatem etiam
 expertus erat. Flaminini quoque adventū
 velut fatalem sibi horruerat, ad omnia un-
 dique infesta ut iter semper aliquod præ-
 paratum fugæ haberet septum, exitus è
 domo fecerat, & ex iis quosdam occultos,
 ne custodia sepirentur. Sed grave imperi-
 um regum nihil inexploratum quod in-
 vestigari volunt, efficit, totius circuitum
 domus ita custodiis complexi sūt, ut nemo
 inde elabi posset. Annibal postquam est
 nunciatum milites regios in vestibulo esse,
 postico quod devium maximè atque oc-
 cultissimi exitus erat, fugere conatus, ut
 id quoque occurſu militum obseptum se-
 fit, & omnia circa clausa custodiis dispo-
 sitis esse: venenum quod multo ante præ-
 paratum ad tales habebat casus, poposcit.
 Liberemus, inquit, diuturnâ curâ Po. Rō,
 quando mortem senis expectare longum
 ceſſent, nec magnum nec memorabilem
 ex inermi proditoque Flaminio victori-
 am feret. Mores quidem Po. Ro. quantum
 mutaverit, vel hic dies argumento erit.
 Horum Patres Pyrrho regi hosti armato
 exercitum in Italia habenti, ut à veneno
 . caveret

caveret prædixerunt: hi legatum consulari-
rem, qui auctor esset Prusiæ per scelus occi-
dendi hospitis, miserunt execratus de-
inde in caput regnumque Prusiæ, & ho-
spitales deos violatæ ab eo fidei testes in-
vocans poculum exhausit. Hic vitæ exitus
fuit Annibalis.

Valerius Corvinus.

CVM in agro Pomptino Romani Galli-
stationibus quieti tēpus tererent, Gal-
lus quidam processit magnitudine atque
armis insignis, quatiensque scutum hasta,
cum silentium fecisset, provocat per inter-
pretem unum ex Romanis, qui secum ferro
discernat. Marcus erat Varelius tribu-
nus militum, adolescens: qui haud indi-
gniore eo decore se quàm T. Manlium
ratus, primum sciscitatus consulis vo-
luntatem, in medium armatus processit.
Minus insignis certamen humanum nu-
mine interposito Deorum factam, namque
conferenti jam manum Romano corvus
repente in galea consedit, in hostem ver-
sus. Quod primo ut augurium cœlo mis-
sum lætus accepit tribunus: precatus dein-
de, si divus, si diva esset, qui sibi præceptum
misisset, volens propitius adesset, dictu mi-
rabile, tenuit non solum ales captam semel
sedem,

sedem, sed quotiescunque certamen initū est, levans se alis os oculosq; hostis rostro & unguib⁹ appetiit: donec territū prodigii talis visu oculisque simul ac mente turbatū Valerius obtruncat. Corvus è conspectu elatus Orientem petit.

T. Manlius Torquatus.

CUM Galli in Italiam transgressi prope Anienem castra posuissent, & opportunitatem confligendi expectarent; processit Gallus quidā eximia corporis magnitudine in vacuū, qui in medio erat, pontem, & quantū maxima voce potuit: Quē nunc Roma, inquit, fortissimum virum habet, procedat agendum ad pugnam, ut noster duorum eventus ostendat utra gens bello sit melior. Diu inter primores juvenum Romanorum silentium fuit, cum & abnuere certamen vererentur, & præcipuam sortem periculi petere nollent. Tū T. Manlius L. F. qui patrem à vexatione tribunitia vëdicaverat, ex statione addictatorem pergit: Injussu tuo, inquit, imperator, extra ordinem nunquam pugnaverim, non si certam victoriam videam, si tu permittis, volo ego illi bellux ostendere, quando adeo ferox præsumat hostiū signis, me ex ea familia ortum, quæ Gallorū
agmen

agmen ex rupe Tarpeja dejecit. Tum dictator: Maeste virtute, inquit, hac pietate in patrem patriamque T. Manli esto: perge, & nomē Romanum invictum juvantibus diis præsta. Armant inde juvenem æquales, pedestre scutum capit, hispano cingitur gladio, ad propiorem habili pugnam. Armatum adornatumque adversus Gallū stolidè lætum, & (quoniam id quoq; memoria dignum antiquis visum est) linguā etiam ab irrisu exerentem, producunt. Recipiunt inde se ad stationem cæteri: & duo in medio armari, spectaculi magis more quàm lege belli destituuntur, nequaquam visu ac specie æstimantibus pares. Corpus alteri magnitudine eximium, versicolori veste, pictisque & auro celatis refulgens armis, media in altero militaris statura, modicaq; in armis habilibus magis quàm decoris species: non cantus, non exultatio, armorumque agitatio vana, sed pectus animorum iræque tacitæ plenum, omnē ferociam in discrimen ipsum certaminis distulerat. Vbi constitere inter duas acies, tot circa mortalium animis spe metuque pendentibus: Gallus velut moles superne imminens projecto læva scuto advenientis arma hostis, vanum cæsum cum ingenti sonitu dejecit ensē, Romanus

nus mucrone surrepto, cum scuto scutum
 imum perculisset, totoque corpore interi-
 or periculo vulneris factus, insinuasset se
 inter corpus armaque, uno alteroque sub-
 inde ictu ventrem atque inguina hausit,
 & in spaciū ingens ruentem porrexit ho-
 stem. jacentis inde corpus ab omni alia
 vexatione intactum, una torque spoliavit,
 quem respersum cruore colle circumdedit
 suo. Detixerat pavor cum admiratione
 Gallos: Romani alacres ab statione obvi-
 am militi suo progressi, laudantes, gratu-
 lantesque ad dictatorem perducunt, inter
 carminum propemodum incondita quæ-
 dam, militariter jeculantes. Torquati co-
 gnomen auditum, celebratum deinde po-
 steris etiā familiæque honori fuit. Di-
 ctator coronam auream addidit donum,
 mirisque pro concione eam pugnam lau-
 dibus tulit. Et hercule tanti ea ad univer-
 si belli eventum momenti dimicatio fuit,
 ut Gallorum exercitus proxima nocte reli-
 ctis trepide castris inde abierit.

Idem alio charactere.

GALLUS quidam nudus præter scutum &
 gladios duos torque atque armillis de-
 coratus processit, qui & vivibus & mag ni-
 tudine, & adolescentia simulque virtute
 cæteris

cæteris antistabat. is maxime proelio cō-
 moto atque utrisque summo studio pu-
 gnantibus, manu significare cœpit, utriq;
 quiescerent, pugnae facta paula est, exem-
 plo silentio facto, cum voce maxima con-
 clamat, si quis secum dimicare vellet, ut
 prodiret, nemo audebat propter magni-
 tudinem atque immanitatem faciei. dein-
 de Gallus irridere atque linguam exerta-
 re, id subito perditum est cuidam Tito
 Manlio, summo genere nato, tantum fla-
 gitium civitati accidere, ex tanto exercitu
 neminem prodire: is, ut dico processit,
 neque passus est virtutem Romanam ab
 Gallo turpiter spoliari, scuto pedestri &
 gladio Hispanico cinctus, contra Gallum
 constitit, metu magno ea congressio in
 ipso ponte, utroque exercitu inspectante,
 facta est, ita ut ante dixi constituerunt; Gal-
 lus sua disciplina scuto projecto cantabun-
 dus: Manlius animo magis quàm arte cō-
 fisus scutum scuto percussit, atque statum
 Galli conturbavit; dum se Gallus iterum
 eodem pacto constituere studet. Manlius
 iterum scutum scuto percutit, atque de
 loco hominem iterum dejecit: eo pacto
 ei sub Gallicum gladium successit, atque
 Hispanico pectus hausit; dein continuò
 humerum dexterum eodem congressu in-
 cidit.

cidit, neq; recessit usquam donec subvertit, ne Gallus impetum icti haberet, ubi eum evertit, caput præcidit, torquem detraxit, eamque sanguinolentā sibi in collū imponit, quo ex facto ipse posterique ejus Torquati sunt cognominati.

Corfici memoria. Ex Mureto,

Hippias apud Platonē tanquam de magno quodam & præstanti bono gloriatur, posse se quinquaginta nomina semel tantum audita recitare. At hoc nihil est pro ut quæ de se Seneca scribit: *Sed cum multa jam mihi ex me desideranda senectus fecerit, oculorum aciem retuderit, aurium sensum hebetaverit, nervorum firmitatem fatigaverit: inter ea, quæ retuli memoria est, res ex omnibus partibus animi maxime delicata & fragilis, in quam primum senectus incurrit.* Hanc aliquando in me floruisse, ut nō tantum ad usum sufficeret sed in miraculum usq; procederet, non nego. Nam duo millia nominū recitata quo ordine erant dicta referebam, & ab iis qui ad audiendum præceptorem nostrū convenerant singulos versus à singulis datos, cum plures quam ducenti efficerentur, ab ultimo usq; ad primum, recitabam nec ad complectenda tantum quæ vellem, velox erat mihi memoria, sed etiam ad continenda quæ acceperat.

acceperat, Hæc Seneca: quæ semper mihi mirabilia, ac prope dixerim incredibilia visa erant, donec vidi ipse, quod nunquã credidissem. Habitabat Patavii in vicinia mea homo adolescens, genere Corficus, honesto ut ferebatur, & credibile erat, apud suos loco natus, qui eo venerat ad jus civile discendum: quo in studio ita diligenter & attentè annos aliquot consumpserat, ut magna jã esset de doctrina illius hominum opinio. Ventitabat autem ferè quotidie in edes meas devexo jam & inclinato sole, æstas enim erat: ibique quod ædes satis amplæ erant, satisque apricæ, aut sub dio ambulans, & cum æqualibus suis jucundissimè colloquens, aut saltu, aut lucta, aut trigonali pila corpus exercens, fessas studiorum laboribus vires honestissimè reficiebat, rumor erat tenere eum artem memoriæ cujus auxilio multa efficeret, quæ credi, nisi spectata, non possent, id cū ad aures meas perlatum esset, cupido me incessit mirabilia illa & inaudita spectandi, ejusmodi enim in rebus minime omnium auditis credulus esse soleo. Visum est igitur quando ipse domo mea arbitratus suo uteretur, hoc ab eo quasi enecion exigere, ut quod sibi commodum foret, præsentè me artis suæ specimèn aliquod daret

daret. Ille nihil gravatus, lubentissimo animo se cum vellem facturum esse respondit, placuit, statim cum per ipsum mora nō esset, unā omnes qui aderamus, in proximum cubiculum ingressi, consedimus. Coepi ego dictare nomina Latina, Græca, Barbara significantia, nihil significantia, tā varia, tam nihil inter se cohærentia, tam multa, ut & egodictando, & puer cui mandatū erat ut ea exciperet scribendo, & cæteri qui aderant, audiendo atq; expectando fessi jā miris modis essemus omnes: Ipse nūus ex omni numero alacer ac recens, assiduè plura poscebat. Sed cum ego ipse modum aliquē fieri oportere dixissem, abunde mihi satis factum iri, si vel dimidiā partem eorum, quæ dicta erant recitare potuisset: tum ille, fixo ad terram obtutu, magna nostra omnium expectatione, tacitus aliquamdiu stetit. Quid verbis opus est? vidi facinus, ut ille ait, mirificissimum. Exorsus loqui, plane omnia eodem ordine, nusquam prope insistens, nusquam hæsitans, nobis stupentibus, reddidit, deinde ab ultimo incipiens, sursum versus pervenit ad primum, rursus ita ut primū, tertium, quintum, ac sic deinceps omnia diceret, quo denique quisque voluerat ordine, sine ullo errore omnia referebat.

Idem

Idem postea cum ei jam familiarior factus esset, sæpe expertus, usq; quaq; verū deprehendi. Ipse mihi aliquando affirmavit, & erat ab omni jactantia alienissimus, se triginta sex millia nominum eo modo recitare posse. Quodq; admirabilius est, ita hærebant omnia in animo ut vel post annū diceret, se quæcunque memoriæ cōmēdasset minimo negotio repetiturum. Ego certe post multos dies facto periculo, verū comperi; neque hoc satis. Diversabatur apud me quidam Molinus, patricius Veneratus, adolescens optimarum artium studiis mirificè deditus, qui cum se memoria parum firma esse sentiret, oravit hominem uti se artem illam doceret. Vix ostenderat se id velle, cum Corsicus operam ei suam prolixissimè detulit, dictus est locus, dicta hora ad quā quotidie convenirent: nondū sex aut septem dies abierant, cū ille quoq; alter nomina amplius quinquaginta sine ulla difficultate, aut eodem, aut quocunque alio libuisset, ordine repetebat. Hæc vix ego auderem litteris prodere, mendacii suspensionem reverens, nisi & res adhuc recens esset, & ejus rei testes haberem.

Historia de Elephants. Ex Lips.

LUDIS quibusdam Tiberio principe duodecim Elephanti theatrum inducti sunt sive Circum, induti floridas & histrionias

vestes. Ac primum ad vocē Magistri dividebantur in diversas Circi partes, inter eundū molli & saltatorio gressu incedētes: iterumque ad eandem vocem coibant & efficiebant saltatorium quendam orbē, sed & flores spargebant & corollas, & ad cantum terram pedibus leniter & numerosè pulsabāt, & omnia præstabant quæ peritissimi ludiorum, iam iidem (quod insanum mirum) docti mensas accumbere, cibum potumq; sumere, parcè, modestè, ordine, humanum in modum. Lecti erant humiles, instrati purpura & aulæis, mensæ ad eos vario & dapili instrumento, disposita pocula aurea, argentea, minuta, grandia, cibi, in lancibus panis, caro, fructus. Ecce ingressi duodecim Elephantes, sex mares, totidem sceminæ: illi togati, hæ stolatæ. Decorè & verecundè in lectis se reclinant, mensam accumbunt, tum signo dato (non enim ante) in mensam promuscides sive manus suas extendunt, summa modestia cibos capiunt, delibant, non voracitas ulla in iis, non aviditas visa, non meliorisve partis appetitio, præreptio, denique cum bibendum, pateram pueri porrigebant, ijque promuscide eandem genialiter hauriebant, & reliquiis vini circumstantes aspergebant, velut cottabum facientes.

Alia.

IN Syria Elephas quispiā alebatur, servus curator additus, quotidie de dimenso subtrahebat, & dimidio belluam malo furto fraudabat. Fors fuit ut hero præsentē cibum daret: & admēsus igitur est totū. Elephas; ut injuriam diu sibi factā qua posset detegeret, accuratē hordei partem separat, dimidium sibi servat, altero repulso. Alius; cū rudera & terram magister ad explendā mensurā pabulo identidē misceret, fraude fraudē hanc ultū jēs, in ollam ejus carniū plenā è foco correptū cinerē injecit.

Alia.

Elephanti cuidā in urbe Cochin ad horam cibus non oblatus. Queritur & barrit. Magister excusat, & vas æneum ejus cibarium ostendit perfluens & pertusum. Causam hanc moræ esse, quod cibi non ultra tenax, jubet igitur, si esse velit, ad fabrum ærarium ferat reconcinnandū. Ille paret, promuscide aufert, fabro offert. Faber sive per negligentia, sive ludos belluam faciens, infideliter reparat atque obstipat, Elephas refert. Herus vitium videt, & indignatur; inclamat illū absentem, hunc præsentem, denique redire jubet cum illo ipso vase. Facit & fabro querulus impingit. Ille homo suavis iterum imponere conatur

tur & admoto malleo claudere rimam simulat, non claudit. Nec tamē imponit. Nā ille cautus lebetem resumptum ad flumē defert, immergit. & aqua implet periculi faciendi causā. videt effluere. Plenus igitur irarum ad fabrū recurrit, intonat magna voce, Confluunt vicini, & inter eos Vicarius regis. Faber blandis verbis demulcet belluam, vasque deniq; sumit, & refringit probe atq; ex fide. Sed ille ne tum quidem fidens, iterum ad flumen & ad haustum, dum contineri aquam videt, vertit se ad adstantes & ostendit, velut testes eos ad-
vocans in hoc factum.

Alia.

Miles quispiā in urbe Cochīn Elephantum per lasciviam in fronte putamine nucis Indicæ percusserat. Elefantus putamen studiosē tollit, illud atque irā recondit, post dies plures in via quapiam publica obambulantē militē conspicit; accedit, & ex ore putamen promulcide sua acriter in illum conjicit, tum exultabundus abiit, quasi talione illa injuriam probē ultus. Miles alius Elephantē in eadem urbe cum rectorē obvium habuit, noluit decedere, Elephas suā & rectoris contumeliā id interpretatur, ulcisci tamen à rectorē prohibetur. Post dies aliquot in ripa Mangatæ

gatz fluminis militem fabulantem otiosè repetit. Cum rector nō adēset, corripit illicò hominem, in altum tollit, nec precibus, nec clamore adstantium motus, aliquoties flumine merfit, allevans subinde & demittens. Cumque lusum eum satis diu lusisset, contentus hac vindicta, hominem vitæ suæ jam diffidentem, rectum & illæsum destituit eo ipso loco unde sustulerat.

Alia.

Elephantus quidā in urbe fuit Goa, qui annuo illo & solenni furore correptus catenas abruptit & vincula. Fugientibus omnibus setvulus quispiā, qui ulnis infantem dominicū gestabat, in ædes properè irrupit oblitus sarcinæ quā deposuerat in illa trepidatione ante ædes. Elephas adest mortem omnes & obtritum pueri expectant. Ille contra manu sua leniter attollit, in humile tectum, quod è regione ædium, collocat, respectans curiosè satisne puer illic sine damno. Dein furibundus cursū suum exsequitur. Id datū omnes interpretabantur veteri beneficio; quia mulier earum ædium domina & infantis mater, elephantī transeunti sæpius panem aut fructus obtulerat.

Alia

ERat Antiocho regi elephas, cui (ita enim hominum canumq; exemplo distinguuntur) nomen Ajax. Is dux plerumq; agminis, generosus, celsus, & velut rex in regio illo grege. Evenit ut flumē transmittendum esset, renuit infelix, & mala sua sorte Ajax. Pronūciatum enim illicò à Magistris, principatum ejus fore, qui prior transisset. Intellexit & arripuit Patroclus (& hoc elephantī alteri nomen) fluviumque trāsmisit. Præmio igitur donatus est, phaleris argenteis, quib⁹ mire gaudent, ornatus, & velut in possessione positus principis loci. At Ajax ille propere ab hoc Vlysse circumventus, fatū etiā qua potest illius veteris exsequitur; & mortē ignominiaē preferēs, inedia se confecit. Præterea in litore vicino urbi Goę tormentum grande æneum commovendum erat, conatur elephas: nō potest. Instigāte magistro & duos juniores elephātes ostentante, qui id facerent, ni ipse faceret: iterum iterumque conatur tanto nisu, ut medius illicò creparet.

Alia.

ERat in urbe Cochīn elephas, qui operas diurnas præbere solitus ad portū & res mari-

marinas. Eum forte jam fessum nihilominus urbis ejus præfectus, ut Liburnicam quam commovere cœperat, deduceret porro in mare. Ille abnuere. instare alter multis blandisque verbis, & ad extremū in gratiā Lusitaniregis, ut id vellet orare. Hic (immane dictu) elephas motus, clare hæc duo verba in gemitat: Hoo Hoo: quod Malabarum lingua est, volo, volo, ac sine mora navim traxit in mare

Mos Rom. consecrandi Imperatores.

MOS fuit Romanis consecrare Imperatores, qui superstitibus filiis vel successorib⁹ moriuntur. Quiq; eo honore sunt affecti, relati dicuntur inter divos. Est autem tota urbe quasi luctus quidam festæ celebritati promiscuus. Quippe functum vita corpus, ritu hominum sumptuoso funere sepeliunt. Sed ceream imaginem defuncto, quàm similitam fingunt, eamq; in regiæ vestibulo proponunt supra eburneum lectum maximum atq; sublimem, vestibus instratum aureis. Et quidē imago illa ad egroti speciē pallida recūbit. Circa lectū vero utrinque magnam partem diei sedent, à leva quidem senatus omnis vestib⁹ atris amictus, à dextra vero matronæ, quas virorum aut parentum dignitas honestat, harumq; nulla vel aurum gestās, vel orna-

ta monilib⁹ conspicitur, sed vestibus albis
 exilibus indutæ, mœrentium speciẽ præ-
 bent. Hæc ita per septem dies continuos
 faciunt, medicis ad lectum quotidie acce-
 dentibus, inspectumq; velut ægrum dete-
 rius se habere subinde pronuntiantibus.
 Dein ubi jam visus obiiſſe diem, lectũ at-
 tollunt humeris equestris seu ætoriiq; ordi-
 nis nobilissimi ac lectissimi juvenes, perq;
 viã sacrã in vetus forũ deferunt, ubi Magi-
 stratus Romani deponere imperiũ consue-
 verant. Utrinque autem gradus quidã sunt
 ad scalarũ similitudinem exstructi, in qui-
 bus altera ex parte puerorum chorus est à
 nobilissimis, atq; patriciis; altera foemina-
 rum illustrium, hymnos in defunctum pæ-
 anaſq; canentium verendo ac lamentabi-
 li carmine emodulatos. Quibus peractis,
 tollunt, iterum lectum, atque extra urbem
 perferunt in Martiũ campum, ubi quàm
 latissimẽ campus patet, suggestus quidam
 specie quadrangula laterib⁹ equis assurgit,
 nulla præter quàm lignorum ingentium
 materia, compactus in tabernaculi formã.
 Id quidem interius totum est aridis fomi-
 tib⁹ oppletum; extra autem intextis auro
 stragulis, atque eboreis signis variisque pi-
 cturis exornatum. Infra vero alterum mi-
 nuscule quidem positum est, sed forma
 & ornatu persimile, portis januisque patẽ-
 tibus.

tibus. Tertiumq; item & quartum semper superiore contractius, ac deinceps alia, donec ad extremum, quod est omnium brevissimum, perveniatur. Posses ejus ædificiî formâ comparare turrib⁹ his, quæ portib⁹ imminentes, noctu igne prælato; naves in tutas stationes dirigunt: Pharos vulgo appellant. Igitur lecto in secundum tabernaculū sublato, aromata & suffimenta omnis generis fructus, herbasq; succosq; omneis odoratos conquirunt, atque acervatim effundunt. Quippe neq; gens est neq; civitas, neq; qui honore ullo aut dignitate præcellat, quin certatim pro se quisque suprema illa munera principis honori deferant. Vbi verò ingens aromatū acervus aggestus est, ac locus omnis expletus, tum circa ædificium illud adequant, universis equestris ordinis certa quadam lege ac recurſu motuq; pyrrichio, numeroque in urbē decurrentibus. Currus item circumaguntur infessi purpuratis rectoribus, qui personas ferant omnium ducum Romanorū, principumque illustrium. Quæ ubi celebrata sunt, facem capit imperii successor, eamq; tabernaculo admovet. Tum ceteri omnes undique ignem subjiciunt cunctaque illico fomitis illis aridis; odoramentisq; reſerta, igni valido corripuntur. Mox ab extremo minimoq; tabernaculo, tanquā

è fastigio quodam, simul cum subjecto igni, aquila dimittitur, quæ in cœlum creditur ipsam principis animam deferre.

Turannius.

TUrrannius fuit exactæ diligentia senex: qui post annum nonagesimum cū vacatione procurationis à Cæsare ultrò accepisset, cōponi se in lecto & velut exanimē à circumstante familia plangi iussit. Lugebat domus otium domini senis nec finivit ante tristitiam, quàm labor ille suus restitutus est. Simile quiddam narratur de mercatore quodam, cæteroqui viro bono, sed qui tota vita nihil unquā vacui temporis à litibus forensibus habuerit: capularis etiam senex fora omnia quotidie pervagaretur. Quod cum ad Franciscum primum Galliarum regem, elegantissimi hominem ingenii, perlatū esset, quietis se aliquid misero homini confecturum, & cum omnib⁹, tum qui quid ab ipso peteret, tum à quibus ipse peteret, bonis & æquis conditionibus transacturū recipit. At infelix senex ad regem accurrit provolutusq; ad illius gēna, supplex orat, ut sibi una saltē aut altera lis, in qua se exerceret, relinqueretur: vitam sibi adempta illa exercitationē injucundā & insuavem fore. Risit rex: & homini qui quiescere nisi inquietus non posset, lites su-

as, ubi se arbitrato suo exerceret, reliquit.

Polydamas athleta.

Polydamas athleta tempestate speluncā subire coactus, nimio & subito incurſu aque labefacta ea ac ruente, cæteris comitibus fuga periculum egreſſis, ſolus reſtitit, tanquā humeris ſuis totius ruine molē ſuſtētaturus. Sed pondere omni corpore humano potentiore preſſus; imbris cauſſa peritā latebram dementis fati ſepulcrū habuit. Poſeſt hic & alii tales præbere documentum, nimio robore membrorum vigore mentis hebeſcere, quaſi abnuente natura utriuſque boni largitionem: ne ſupra mortalem ſit felicitatem, eundem & valentiſſimum eſſe & ſapientiſſimum.

Philemon.

Philemonem viſ riſus immoderati abuſtulit. Paratas ei ficus, atq; in conſpectu poſuit aſello conſumēte, puerum ut illum abigeret inclamavit: qui cum jam comēſtis omnibus ſuperveniſſet; Quoniam, inquit, tam tardus fuiſti, da nunc merum aſello. Ac protinus urbanitatem dicti crebro anhelitu cacchinnorum proſecutus, ſenile guttur ſalebris ſpiritus prægravavit.

Pindarus.

Pindarus cum in gymnaſio ſuper gremiū pueri, quo unicè delectabatur, capite poſito,

sito, quieti se dedisset, non prius decessisse cognitus est, quàm gymnasarcha claudere jã eum locũ volente, nequicquam excitaretur. Cui quidẽ summa benignitate Numinis crediderim & tantũ poëticæ facundię & tam placidũ vitæ finem attributum.

Archimedes.

Captis Syracusis, Marcellus machinationibus Archimedis multũ ac diu victoriam suam inhibitam lenserat; eximia tamẽ hominis prudentia delectatus, ut capiti illius parceretur edixit: pæne tantũ gloriæ in Archimede servato, quantum in oppressis Syracusis reponens. At is dũ animo atq; oculis in terrã defixis formas describit, militi qui prædandi gratia domum irruperat, strictoque super caput gladio, quisnam esset interrogabat: propter nimiam cupiditatem investigandi quod requirebat, nomen suum indicare non potuit, sed protracto manibus pulvere; Noli, inquit, obsecro, istum disturbare: ac perinde quasi negligens imperii victoris obtruncatus, sanguine suo artis suæ lineamenta confudit. Quo accidit, ut propter idem studium modo donaretur vita, modo spoliaretur.

Carneades.

Carneades laboriosus & diuturnus sapientiæ miles, siquidẽ nonaginta expletis annis

annis, idē illi vivendi ac philosophandi finis fuit, ita se mirificum doctrinę operib⁹ addixerat, ut cum cibi capiendi causā, recubuisse, cogitationibus inhærens, manū ad mensam porrigere oblivisceretur. Sed cum Melissa, quam uxoris loco habebat, réperato inter studia nō interpellandi, sed inedie succurrēdi officio, dextram suā necessariis usib⁹ aptare cōpulit. Ergo animo tantummodo vita fruebatur, corpore verō quasi alieno & supervacuo circūdatus erat.

Q. Metellus.

QUint. Metellus cum pro consule bellū in Hispania adversus Celtiberos gereret, urbemque Contrebiā caput ejus gentis, viribus expugnare nō posset; intra pectus suum diu multumq; consiliis agitis, viam repetit qua propositum ad exitum perduceret. Itinera magno impetu ingrediebatur, deinde alias atque alias regiones petebat. Modo hos obsidebat montes, paullo post ad illos transgediebatur. Cum interim tam suis omnibus, quā ipsis hostibus ignota erat causā inopinatę ejus ac subitę fluctuationis. Interrogatus quoq; a quodam amicissimo sibi: quid ita sparsū & incertum militię genus sequeretur: Absiste, inquit, ista quærere: nam si hujus consilii mei interiorem tunicā consciam, sensero.

senfero, continuò eam cremari jubebo. Postquam vero & exercitum suum ignorantia, & totam Celtiberiam errore implicavit; cum alio cursum direxisset, subito ad Contrebiā reflexit eamque inopinatam & attonitam oppressit.

Romani.

CUM Vrbe capta Galli Capitolium obsiderent, solamq; potiendi ejus spem in fame obsessorum repositā animadverteret, perquā callido genere consilii, unico perseverantiæ irritamento, victores spoliaverunt. Panes enim complurib⁹ è locis jacere cœperunt. Quo spectaculo obstupfactos infinitamque frumenti abundantiam Romanis superesse credentes, ad pactiōē omittendæ obsidionis compulerunt.

Annibal superior.

ANNIBAL superior à Consule Duillio prælio navali victus, timensq; classis amissæ pœnas dare, offensā astutiamire avertit. Nam ex illa infelici pugna priusquā cladis nuntius domum perveniret, quendam ex amicis compositum & ornatum Carthaginem misit. Qui postquam civitatis ejus curiam intravit: Consulit, inquit, vos Annibal, cum dux Romanorum magnas secum maritimas trahens copias ad venerit,

nerit, an cum eo configere debeat. Acclamavit universus Senatus, non esse dubium quin oporteret, tum ille; Confluxit, inquit, & superatus est. Ita liberum iis non reliquit, id factum damnare, quod ipsi fieri debuisset judicaverant.

Demosthenes.

DEmosthenis astutia mirifice cuidam ancillæ succursum est, quæ pecuniam depositi nomine à duobus hospitibus acceperat, ea conditione, ut illam simul utrisque redderet. Quorum alter interjecto tempore tanquam mortuo socio squalore obsitus, decepta ea omnes nummos abstulit. Supervenit deinde alter, & depositum petere cœpit. Hærebat misera pariter & pecuniæ & defensionis penuria; jamq; de laqueo & suspendio cogitabat, sed opportunè ei Demosthenes patronus adfuit, qui ut in advocationem venit; Mulier, inquit, parata est depositi se fide solvere, sed nisi sociū adduxeris, id facere non potest, quoniam ut ipse vociferaris, hæc dicta est lex: ne pecunia alteri sine altero numeretur.

Sertorius.

Sertorius corporis robore atq; animi consilio parem naturæ indulgentiam expertus

tus, proscriptione Sullana. dux Lusitanorum fieri coactus, cum eos oratione flectere non posset, ne cum Romanorum universa acie configere vellēt, vafro consilio ad suam sententiam perduxit. Duos enim in conspectu eorum constituit equos, alterum validissimum, alterum infirmissimū; ac deinde validi caudam ab imbecillo senne paullatim carpi; infirmi à juvene eximiarum virium universam convelli iussit. Obtemperatum imperio est. Sed cū adolescentis dextera irritò se labore fatigaret senio confecta manus ministerium executà est. Tunc barbarę concioni, quorsum ea res tenderet cognoscere cupienti, subiecit: Equi caudæ consimilem esse Romanorum exercitum, cujus partes aliquis aggrediēs opprimere possit: universum conatus prosternere, celerius tradiderit victoriā quàm occupaverit. Ita gens barbara, aspera & regi difficilis, in exitū suū ruens, quā utilitatē aurib⁹ respuerat, oculis prævidit.

Aglaus, Gyges.

CUM Gyges regno Lydiæ armis & divitiis abundantissimo inflatus Apollinem Pythiū sciscitatū venisset, an aliquis mortalium se esset felicior; Deus ex abdito sacrarii specu voce missa, Aglaū Sophidiū ei prætulit. Is erat Arcadū pauperrimus, sed
ætate

ætate iam senior: terminos agelli sui nunquam exceſſerat, parvuli ruris fructibus contentus. Verum profecto beatæ vitæ finem Apollo, non adumbratum oraculi ſagacitate complexus eſt. Quocirca inſolèter fulgere fortunæ ſuæ gloriæ reſpondit, magis ſe probare ſecuritatem ridens tugurium, quam tristem curis, & ſollicitudinibus aulam: paucaſque glebas pavoris expertes, quam pinguiſſima Lydiæ arva metu referta: & unum aut alterum jugum boum facilis tutelæ, quam exercitus & arma & equitatum voracibus impenſis oneroſum: & uſus neceſſarii horreoſum nulli nimis appetendum, quam theſauros omnium inſidiis & cupiditatibus expoſitos. Ita Gyges dum aſtipulatore vanæ opinionis deum habere concupiſcit, ubinam ſolida & ſecura eſſet felicitas, didicit.

Dionyſius.

Dionyſius cum hæreditatis nomine à patre Syracuſanorum, ac penè totius Siciliae tyrannidem accepisset, maximarum opum Dominus, exercituum dux, rector claſſium, equitatum potens; propter inopiam litteras puerulos Corinthi docuit. Eodemque tempore tanta mutatione majores natu ne quis nimis fortunæ crederet, magiſter ludi factus ex tyranno monuit.

nuit. Caduca nimium hæc & fragilia, puerilibusq; consentanea crepundiis sunt, quæ vires atque opes humanæ vocantur. Affluunt subito, repente dilabuntur; nullo in loco, nulla in persona stabilibus nixa radicibus consistunt; sed incertissimo flatu fortunæ huc atque illuc acta, quos in sublime extulerunt, improvise decursu destitutos, profundo cladium miserabiliter immergunt. Itaque neque existimari neque dici debent bona, quæ ut inflictorum malorum amaritudine desiderium sui duplicent, propensiore favore delinitos majore postea malorum cumulo opprimere solent.

Polycrates.

AD invidiam usque Polycratis Samiorum tyranni abundantissimis bonis conspicuus vitæ fulgor excessit, nec sine causa. Omnes enim conatus ejus placido excipiebantur itinere: spes certum cupitæ rei fructum apprehendebant; vota nuncupantur simul & solvebantur: velle ac posse in æquo positum erat: semel duntaxat vultum mutavit, perquam brevi tristitiæ salebra succussum; tunc cum admodum gratum sibi anulum de industria in profundum, ne omnis incommodi expers esset, abjecit: quæ tamen continuo recuperavit, capto pisce qui eum devoraverat. Sed hunc felicitatis
semper

semper plenis velis prosperum cursū servare nō potuit. Comprehensum enim Orontes Darii regis præfectus in Micalensis montis excelsissimo verticet cruci affixit. E qua putres ejus artus, & tabido cruore manantia membra; atq; illam lævam; cui Neptunus annulū piscatoris manu restituerat situ marcidam Samos amara servitute, aliquandiu pressa liberis ac lætis oculis aspexit.

Polemo.

PERditæ luxuriæ Athenis adolescens Polemo, neq; illecebris tantummodo, sed etiā ipsa infamia gaudens; cum è convivio nō post occasum solis, sed post ortum surrexisset, domumque repetens, Xenocratis philosophi patentē januam vidisset; vino gravis, unguentis delibutus, fertis capite redimito, pellucida veste amictus, refertam turba doctorū hominum scholam ejus intravit: nec contentus tam deformi introitu, consedit etiam ut clarissimum eloquium & prudentissima præcepta temulentiae lascivijs eluderet. Orta deinde, ut par erat, omnium indignatione, Xenocrates vultū in eodē habitu continuit, omissisq; de quib⁹ differebat, de modestia ac temperantia loqui cœpit. Cujus gravitate sermonis respiscere coactus Polemo, primum coro-

nam

nam capite detractam projecit, paulo post brachium intra pallium reduxit, procedente tempore oris convivalis hilaritatem deposuit ad ultimum totam luxuriam exiit, uniusque orationis saluberrima medicina sanatus, ex infami ganeone maximus Philosophus evasit. Peregrinatus est huius animus in nequitia, non habitavit.

Anus quædam.

SENECE TUIS ultimæ quædam Syracusanis omnibus Dionysii tyrani exitum propter nimiam morum acerbicatem & intolerabilia onera votis expetentibus, sola quotidie matutinos deos, ut incolumis ac sibi superstes esset orabat. Quod ubi is cognovit; indebitam sibi admiratus benevolentiam, accersit eam, &, quid ita hoc aut quo suo merito, faceret, interrogavit. Tum illa; certa est, inquit, ratio propositi mei. Puella enim cum gravem tyrannum haberemus, carere eo cupiebam. quo interfecto, tetrior arcem occupavit. Ejus quoq; finiri dominationem magni æstimabam. tertium te superioribus importuniorem habere cœpimus rectorem. Itaq; timens; ne si tu fueris absumptus, deterior in tuum locû succedat, caput meum pro tua salute devoveo. Tam facetam audaciam Dionysius punire erubuit.

Sequitur.

Sequuntur Narratiunculae quædam supra etiam positæ.

Milo Crotoniates.

Milo Crotoniates, cū iter faciens querentem in agro cuneis adactis fissam vidisset; fretus viribus accessit ad eam, insertisque manibus divellere conatus est: quas arbor excussis cuneis in suam naturam revocata compressit, eumque cum tot gymniciis palmis lacerandum feris præbuit.

Demosthenes.

Demosthenes, cujus commemorato nomine, maximæ eloquentiæ consummatio audientes animo oboritur cum inter initia juventæ, artis quam affectabat, primam litteram dicere non posset, oris sui vitium tanto studio expugnavit, ut ea à nullo expressius efferretur. Deinde propter nimiam exilitatem acerbam auditu vocē suam exercitatione continua ad maturum & gratum auribus sonum perduxit. Lateris etiā infirmitate defectus, quas corporis habitus vires negaverat, à labore mutuatus est. Multos enim versus uno impetu spiritus complectebatur, eosq; adversa loca celeri gradu scandens pronuntiabat, Ac vadosis littoribus insistens declamati-

mationes fluctuum fragoribus obluſtantibus edebat, ut ad fremitum concitatarum concionum patientia duratis auribus uteretur. Fertur quoque ori inſertis calculis, multum ac diu loqui ſolitus, quo vacuum promptius eſſet & reſolutius. Præliatus eſt contra rerum naturam, & quidem victor abiit, malignitatem ejus pertinaciſſimo animi robore ſuperando. Itaque alterum Demotheſenem mater, alterum induſtria enixa eſt.

Bias.

Bias, cum patriam ejus Prienē hoſtes invaſiſſent, omnibus, quos modo ſævitia belli incolumes abire paſſa fuerat, pretioſarum rerum pondere onuſtis fugientibus interrogatus, quid ita nihil ex bonis ſuis ſecum ferret. Ego verò, inquit, bona mea mecum porto. Pectore enim illa geſtabat, non humeris: non oculis viſenda, ſed æſtimanda animo. Quæ domicilio mentis incluſa non mortalium manibus labefactari queunt: & ut manentibus præſto ſunt, ita fugientes non deſerunt.

Antius Reſtio.

ANtius Reſtio proſcriptus à triumviris cū omnes domeſticos circa rapinam & prædam occupatos videret, quàm maxime

ximè poterat dissimulata fuga se penatibus suis intempesta nocte subduxit. Cujus furtivum egressum seryus ab eo vinculo-
rum pœna coërcitus, inexpriabilique literarum nota per summam oris contumeliam inustus, curiosis speculatus oculis ac vestigia huc atque illuc errantia benevolo studio subsecutus lateri voluntarius comes adrepsit. Quo quidam tam exquisito, tamq; ancipiti officio perfectissimū spectatæ pietatis cumulum expleverat: his enim, quorū felicior status fuerat in domo, lucro intentis, ipse, cum nihil aliud quam umbra & imago suppliciorum suorum esset, maximum sibi emolumentum ejus, à quo tam graviter punituserat, salutem judicavit. cumq; abunde foret iram remittere, adiecit etiam caritatem: nec solum hætenus benevolètia procescit, sed in eo cōservando mira quoque arte usus est. Nam ut sensit cupidos sanguinis milites supervenire, amoto domino rogū extruxit, eique egentem à se comprehensum & otiosum senē superjecit. Interrogantibus deinde militib⁹, ubi nam esset Antius; manum rogo intentans ibi illum datis crudelitatis piaculis uri respondit. Quia verisimilia loquebatur, habita est voci fides: quo evenit ut Antius statum quærendæ incolumitatis hac ratione assequeretur.

Filia.

Filia.

Sanguinis ingenui mulierem prætor apud Tribunal suum capitali crimine damnatum, triumviro in carcere necandam tradidit. Quo receptam, is qui custodia præerat misericordia motus, non protinus strangulavit; aditum quoque ad eam filia, sed diligenter excussæ, ne quid cibi inferret, dedit; existimans futurum ut inedia consumeretur. Cum autem jam dies plures intercederent, secum ipse quærens quidnam esset, quod tamdiu sustentaretur, curiosius observatâ filiâ, animadvertit illam exerto ubere famem matris lactis sui subsidio lenientem. Quæ tam admirabilis spectaculi novitas ab ipso trium virû, à triumviro ad prætorem, à prætore ad consilium judicium perlata, remissionem poenæ mulieri impetravit. Idem de pietate Perust raditur, quæ patrem suum Conona consimili fortuna adfectum, parique custodiæ traditum jam ultimæ senectutis, velut infantem pectori suo admotum aluit.

F I N I S.







BIB

V
